

# PALI UMUNTU PANO

## UWINGASHA ULUBUUTO



Natukontamike imitwe yesu nomba. Shifwe uwa mu Mulu, tule Mutotela muno lucelo pa busuma Bwenu no luse, pa kutupela ishuko ilya kulongana muno capamo nakabili, akasuba lubali lwa kuno ulwa Muyayaya ukalamba, ku kunshinshimuna Uyu watemwikwa, Shikulu Yesu Kristu. Tule Mutotela pantu Aishile pe sonde uku—ukutulubula ukufuma ku—ku bumi bwa lubembu, no kutupela ici cabupyani cikalamba ico twakwata ukupitila mubulungami Bwakwe. Kabili ilyo ifwe, muno lucelo, tuli pano nge nkombe Shakwe, uku—ukumokaula uyu Mukate wa Mweo kuli ulu lukuta ululelolela, lekeni Mupashi wa Mushilo aputemo Icebo icili conse no kucibika mu mitima ya bantu, nge fyo tukwete ukukabila. Twalombela ifi mwi Shina lyakwa Yesu. Ameni.

Kuti mwaikala.

<sup>2</sup> Mucine cine ndetotela pali ici, kabili lishuko likalamba, nakabili muno lucelo, ukwiminina kuno pamo naimwe. Mutweleleko pantu tatukwete incende naimbi ngefyo tukwata, ku kwikalikamo abantu. Tabernacle yesu tayakula sana. Kabili tuletasha nganshi ukuba kuno, shonse ishi nshiku shakutusha, ukufuma—ukufuma kulya ku mwesu mu...ku Tucson. Kabili umwela wali ngo wakalabana, lelo twali abansana ukuba kuno no kukwata ukulongana.

Nomba, ndefwaya ukubilisha ukutula ubushiku kwalaba ukulongana kwa kundapa mu nshita ya bushiku, atemwa ukupepela abalwele. Kabili na ceba fye Billy ililine fye. Acitila, “Cisuma, cinshi ico mwalacita?”

<sup>3</sup> Nacitila, “Cisuma, nalimo kuti cawama nga wabapela ama kadi yabo mu bushiku, nalimo six sate, uko abantu tabacite...”

Kabili, mwamona, namwisula sana muno, twalaishiba fye ifya kubabika, umo umo, pakutula mwi ngetwa impendwa ye kadi lyenu, kabili ukutula kwiba ukutitikana ukuli konse. Kuti twabeta fye, umo umo, lekeni bapite mu mulongo ilyo tulebapepela.

<sup>4</sup> E ico, imwe, nga namulwala, nangu namukwata abatemwikwa benu abalwele, kabili mulefwaya ukubaletamo, mwise nalimo six sate, icapala nga filya, seven koloko, kabili no kwisa bula ikadi lya kupepelwa. Ali no kuba pa mwinshi, atemwa nangu cibe fyo aleisa yapela, ilyo muleingila.

<sup>5</sup> Elyo, kabili, ino nalimo ili no kuba inshita iya kulekelesha ilyo ndi no kubwela, pa nshita imo, pantu ninkwata umulimo

uwakosa sana nomba. Kulya, lelo ncili mu United States mpaka ino nshita ya mpepo, kumpela. E ico, ifwe, nalimo tuli no kubwela nakabili panuma ya kashita mu nshita iyi iya lusuba.

Nga Shikulu asuminisha, ndefwaya uku, nga twakwata i—incende kuno lubali nga yalikhwata ifya kupupo mwela. Naciba no kwipusha Billy. Ndefwaya ukulanda pali yalya Mapenga Cinelubali, ukukukwata ukulo- . . . ukulongana kuno pa Mapenga Cinelubali, nga—nga Shikulu asuminisha. Pantu, filya, i—Inshita Sha Nkuta Cinelubali, kabili Ifikakatikilo Cinelubali, kabili nomba Amapenga Cinelubali. Kabili kuti twaisasenda inshita imo nga mu June uko abantu bakwete icuti cabo, ukubapele nshita pa kutila bengesasangwako.

<sup>6</sup> Kabili ndi ne nsansa ukumona Munyina Shepherd pano muno lucelo, ukufuma ku cipatala. Nalile kulya ukumumona ubushiku bumbi. Kabili Nkashi Shepherd, nshakwete nshita ya kukutumina lanya mailo. Cilye ciloto ico wantumine cali cisuma sana, sana nganshi. Walimwene, nge fyo cali, Kristu mu—pali i . . . mu—mu myulu, pali uyu kabalwe uwa buta, lelo nomba pakubo wakakwa, mulemona. Lelo, nomba, ilyo tacilapwa, ulupwa lobe lonse lwaishile cimona. Cilya, ubwilulo bwa ciloto, bwakutula ulupwa lobe na lumona ukwenda Kwakwe ukwa shino nshiku sha kulekelesha ilyo takulapwa, ifyo Cali. E ico, cena cili, cilya cali ica bumupashi nganshi, kabili ipalo ilisuma sana kuli iwe, ulupwa lobe. Lulyo lupwa lwalisa ukufuma mu bucushi bumo ubukalamba, ukuba pantu ba belele ilelo.

<sup>7</sup> Kabili nomba natukwata icintu cimo, icinono kulubali lwa bulanda, muno lucelo. Ukutula ilyo nakumenye kuno . . . Umo pa banensu abasuma, kabili—kabili abesa kuli ino Tabernacle, ulupwa lwaba Coats; icaba ifwe bonse twalibatemwa. Besa ukufuma kulya ku kabanga, kabili, atemwa ukufuma ku Chicago, kulya. Kabili Nkashi Billie Habbock, kabili—kabili nkashi yakwe, Armstrong, na bakashana bonse. Bena . . . Ndetontokanya bena akale bali ni ba Nazarine, kabili balisa kuli Shikulu, kabili bena banensu abasuma sana.

Kabili Munyina na Nkashi Coats, ba wishu na banyina, bali mu nshila ukuya ku mwabo ubushiku bumbi, ukufuma kulya ku Masamba, kabili umo muntu alishelele pa musebo kabili—kabili aipeye Nkashi Coats, apo pene. Kabili—kabili ilyo ba njitile kulya, mu—mu Tucson, kabili nalyumfwile pali cena, naikele fye palya pene lilya nakabokoshi ka ma sweet ayo ampangile fye, kali pa—pe tebulo. Kabili tamwishibe ifyo canengele ukumfwa. Lelo ine—ine ndetontokanya cilya, kutasha Shikulu muno lucelo, talingile ukucula. Aleya alekotelako, kabili talingile ukucula. Kabili aile ku Mushi ku kuba na Lesa.

<sup>8</sup> Nacilatontonkanya fye, no kulanda ku bakashana bakwe babili, ililine fye, mu cipinda mulya. Munyina Coats ali muno

muno lucelo; ali ne mbafu ishakontoka. Kabili nalimutumine lanya ku cipatala kabili kulya uko asungilwe, kulya ku Missouri, kabili imbafu shakwe shali tobeke ne fintu, lelo ena mucine cine alikwete ukushipa ukwine kwine, Mwinakristu umwine mwine; ukwishiba ukutila na mfumu wakwe umunono tafwa, ali no mweo umuyayaya, pamo na Kristu, kabili kukaba inshita iya kwampana.

<sup>9</sup> Yobo atile, inshita imo, “Iye, nga Mwambika mwansungila kumbo, nga mwambelamika, kukasuke akupito bukali Bwenu.”

<sup>10</sup> Bushe mwalitala ukumona Lesa, mu cifyalilwa, alacita icintu cimo cine? Nga menshi ayali mu fimuti ku mulu uku, ukwikatilila amabula; kabili ilyo nshita ya mpepo tailaisa, icipyu ico cipongolokela pe sonde. . . Mwamona, pa nshita imo isonde talyakwete inshita ya mpepo. Kabili mu Millennium takwakatale ukuba nakabili inshita shampepo, mulemona. Eico bwena bukali pe sonde. Elyo ilyo cilya cacitike. . . Mwamona, ilyo ubukali tabulaisa, Lesa mu luse Lwakwe alatuma yalya menshi ukuya fye panshi mukati ka. . . pe samba mu mushili, mukati ka mishila ya cimuti, kabili ilayasunga mulya mpaka ubukali bwa nshita ya mpepo bwapita, elyo alayemya ukubwekela pa mulu nakabili, mwamona, mu nshita ya lusuba.

“Iye, nga Mwambika mwansungila kumbo, nga mwambelamika, kukasuke akupito bukali Bwenu.” Cilya eco Acitile kuli nkashi yesu. Cilya eco Acitila Umwinakristu onse.

<sup>11</sup> Munyina Coats, Lesa akupale. Ndi uwansansa sana ukwishiba kutila, cilya Icikakatikilo cakwa Lesa cilekatilila mu nshita ya bwafya. Ninjishiba ico alepitamo, pantu nalipita mu cintu cimo cine, imyaka iya pitapo. Lelo ndi. . . Umo na umo tulingile ukwabuka uyu mu mana ukalamba; kabili, ine, kabili cikaba inshita yandi, bumo muli ishi nshiku; kabili inshita yenu, bumo muli ishi nshiku. Lelo nge fyo Dabidi asosele, “Nshakatine ububi; pantu Imwe muli pamo na ine. Inkoto Yenu no mutambu Wenu filansansamusha.”

<sup>12</sup> Nomba mukwibukisha Nkashi Coats, nkashi yesu umusuma uyo uwaya kuli Lesa. Ine. . . Nge cibukisho icinono kuli ena, muno lucelo, ndefwaya ulukuta lwiminine pa kashita fye.

Natukontamike imitwe yesu no kutontokanya pali umo uo inshita imo, inshiku ishinono isha pitapo, aingile mu—muli ino Tabernacle, mukati na kunse pakati keso, aposhenye na ifwe mu maboko, Umwinakristu umusuma, ali nomba muli ilye ncende iyo Shikulu anengele ukumona tekale sana, umwanakashi umukashana nakabili, ukulolela ulupwa lwakwe ululi no kwisa.

<sup>13</sup> Shifwe uwa mu Mulu, tule Mutotela pa fyo acitile Nkashi Coats. Ifyo ali uwawama, nkashi uwatemwikwa! Kabili nomba

inshita ilesa ukutila ilyo twapwisha inshita yesu mu bumi, iyo yapelwa kuli ifwe, tulingile ukwabuka umu mana. Tule Mutotela pantu ukutila talingile ukucula. Takulingile kwaba icintu cimo ica kumukanya pano, ico alingile ukuculilapo. Aile fye ukulungama fye mu maboko yakwa Lesa, mukashita fye.

<sup>14</sup> Umulume wakwe, abana bakwe, bali pano muno lucelo, Shikulu, ukubwekela fye kucifulo cabo ca mulimo. Ifyo tule Mutotela kuli cilye citetekelo ica pulamo! “Icitetekelo ica bashifwe cicili ica mweo, mu cifulo ica cilindi, umulilo, no lupanga.” Tule Mutotela pali ifi fyonse fintu.

<sup>15</sup> Peni ukutusha umweo wakwe uwawama, Shikulu. Ali ni nkashi yesu. Ubulanda, ifilamba filepona mu mitima yesu, pa ku mulufya, lelo ukusangalala kuleima ukufuma mufilamba, lekeni twishibe ne cishininkisho ica Cebo Cenu ukutila ena ali uwa mweo mu bumi ubushibola ubo ubushingatala ukufwa. Kabili kulya kuntu ali nomba, takwatale ukubako ubusanso ukulolela fye balya abaleisa pantanshi ukuba pamo nankwe.

<sup>16</sup> Paleni Munyina Coats, kabili paleni aba bakashana no lupwa lwakwe, Shikulu, na balya abatemwikwa, kabili bonse aba mutemwa. Kabili ubushiku bumo, Tata, tulesubila ukumukumanya ku mulu kulya mulya muli ilya ikalamba Kwishilya, kulyo kushaba amalwele, ubulanda, nangu ni mfwa. Mpaka ilya nshita, tusungeni bonse aba bumi busuma kabili abatuntulu, ukubombela Imwe, kabili ukulolekesha ku ntanshi kuli bulya bushiku. Mwi Shina lyakwa Yesu Kristu emo twafilombela. Ameni.

<sup>17</sup> Lekeni Umupashi wa Mushilo ukalamba uyo ubombela pali ifwe pano pa Tabernacle, mu kusokolola Icebo Cakwe, lekeni Apele ukutusha umweo wakwe uwashipa mu mutende mpaka tuka mukumanye.

<sup>18</sup> Nomba na mukaba muno muno lucelo, pantu mibili, namwishiba, ukufulile kukaba kwa mubili wa muntu.

<sup>19</sup> Nomba, tulefwaya ukukwata ifya kubilisha nomba. Inshita shimo ukulongana kwesu muno, pa kukokola, mu—mu lucelo, umulandu cibebele. . . Mucine tacawama ukukwata ukulongana ukukokola filya, pantu, ora, ora imo na citika, atemwa inshita shimo ama ora yabili. Lelo ico ndecita, ndeambula kunuma kuno, mwamona, kabili iyi tepu iya mwi sonde lyonse. Kabili cilya e co ine. . . tulalongana, ukukokola sana, mu lucelo, ni—ni pa mulandu wa kutila njisa kuno ku kupanga aya ma tepu. Cilya e uku. . . ? . . . bena bale. . . Mwamona, kuti mwamona mu cipinda mulya, a—ama tepu ayo aya le—ayalepangwa nomba, kabili yalaya mu ncende shonse ukushinguluka isonde.

<sup>20</sup> Nomba, nombaline, Shikulu nga suminisha, iyi ileisa, nombaline fye nga nafuma kuno. Ndi no kuya, Shikulu nga suminisha, mailo ulucelo, inshita imo, ukubwekela ku Arizona, pantu ninkwata ukulongana ukuleisa. Elyo kabili cena cili fye

ukuya fye konse kulya ukufika ku kapinda kaku Kuso. Kabili imwe mwe bantu ba kukapinda ka ku kuso ukufuma kulya ku Georgia, na Mississippi, na Texas, na Alabama, tuli no kwisa fye mukati uko kwine, ukuya fye mu Florida, nombaline.

<sup>21</sup> Ukuya ukufuma kuno ukuya ku Phoenix, elyo ku California, kabili ukubwekela ku Dallas, kabili—kabili nalimo ukwikila ukuya mu San Antonio, ndetontokanya eflyo cili, kabili ukubwekela kulya mu Alabama, na Florida, kabili monse mulya. E ico tuli no ku mumona imwe mwe bantu uko lubali, Shikulu nga suminisha, nombaline.

<sup>22</sup> Elyo kabili twalilileni ukutupepelako, kabili tuli no kumwishibisha nililali, nga ifwe. . . Shikulu abika pa mitima yesu nomba ukukwata i—inshiku ishinono kuno, muli iyi inshita ya lusuba ileisa.

<sup>23</sup> Nalikwete ukulongana ukwingi ukwatantikwe. Kabili mwe bengi imwe mu New York mwalishiba ilyo icimonwa caishile, cilya icasosele ukutila kulyo kulongana mu calo ca Scandinavian. . . Mulekwibukisha ukutantikwa kulya? Elyo kabili, ilyo nali mu New York, icimonwa calishile, ukutila cila kumo kwa kulya kulongana takwali no kubako, pa mulandu umo. Kabili ndeibukisha bamo muli imwe nalimwebele kuno, ilyo twali mu New York. Cilya cine fye ecacitike, pantu bonse balefwaya ubushiku bumo bwine kabili balifililwe ukukwata icikulwa.

E ico, kanshi, cilya kuti cashapo aka ncende akanono kulya mu June. Limbi kuti caba ubufwayo bwakwa Shikulu, naletontokanya, nalimo ukubwela kuli yalya Amapenga kuno kwine, ilyo tailapwa inshita. Mwamona? E ico twalishiba ukutila ifintu fyonse fibombela ko ku busuma. E ico cilya cali pa mutima wandi, kanshi limbi kuti caba ifyo Alefwaya ifwe ukucita.

<sup>24</sup> Nomba nimona mulecinjanya ifipuna umo no mubiye kuno, kabili—kabili kunse mufikulwa, kabili na fimbipo. Tulekabila nga twalikwete fye incende iya kwikalamo.

Kabili nomba ilyo tukwete yalya Mapenga, cilya ni ci. . . tulefwaya ukubula icikulwa ca mangalo ca ku high school. Ndetontokanya cilengisha amakana yasano ne myanda isano, elyo kabili kuti twakwata ishuko, na ifwe, cila muntu ukukwata icipuna, no kwikala panshi no kumfwa mu mutalalilwa ilyo tule—ilyo tuleshimikila.

<sup>25</sup> Atemwa, ici, Amapenga, yena mucine, yasuma sana. Ine ukulolekesha pali yena ubushiku bumbi. Mwamona, pa Cikakatikilo icalenga Mutanda, yonse Amapenga Cinelubali yalelilala mulya mwine muli cilye Cikakatikilo icalenga Mutanda, mwamona, lintu fye Icikakatikilo icalenga Cinelubali tacilaisulwa Ukwisa kwa kwa Kristu.

<sup>26</sup> Kabili, mu bushiku, ninkwata Imbila ikankala sana iyo ndefwaya ukulanda lintu fye takulaba u—u—ukulongana kwa kundapa. Kabili nga muli muno, kabili mwalashala, cisuma, twalaesha, nga kuti cacitwa ukutampa fye bwangu, pantu kuli no kuba umulongo wa kupepela. Nshashimikile nshita itali, lelo kuliko icintu cimo ico nalefwaya ukusosa ku lukuta, panshita itali, kabili ukucita kwati ukumutwala pa fi—fi—fi—fi... ifyo ifintu fileenda pali ino nshita, kabili epo tubelele fye, kabili ukulingana no kwishiba kwa mano yandi ukupitila mu Malembo.

<sup>27</sup> Nomba, ndefwaya imwe ukupilibula muno lucelo pamo na ine, nga mulefwaya ukulemba atemwa ukusunga apo twalabelenga, li Buku lyakwa Esaya. Kabili ndefwaya ukubelenga ukufuma muli Esaya, icipandwa ca 42 muli Esaya.

<sup>28</sup> Tuli abansansa sana muno lucelo, na ifwe, ukukwata Munyina Dauch uwikele pamo na ifwe muno. Ilyo mulepilibula... Namwishiba, batontonenye ukutula tali no kuba no mweo, kulya ku Shriveport ubushiku bumbi. Kabili ena mucine cine alikwata icitetekelo. Ee, mukwai, Alanina ukufuma muli cena; Lesa ala mupala...?... Mwamona, Munyina Dauch akwete imyaka ya kufyalwa amakumi pabula na umo, kabili akwete ukuleko kutunta kwa mutima ukwa pwililika; kabili no kwikatwa kwa mutima, pa mulu wa cena. Kabili doctor wine uwasosele ukutula tabamwenepo inshila nangu imo kuli ena ukuba no mweo. Munyina Dauch ali no mweo, kabili doctor alifwa. Mwamona? Mwamona, fye... Mwamona, Munyina Dauch ekela apa.

<sup>29</sup> Elyo kabili, u—umuntu ne myaka ya kufyalwa amakumi pabula na umo, no kufilikwa kwa mutima no kwikatwa kwa mutima. Kabili kulya, ilyo naleya kulya, nali mumwene aleisa aleenda mu musebo umo; nali mumwene mu calici. Kabili nalile no kumweba, mukati ke tenti lya oxygen, “Mwi Shina lyakwa Shikulu, ndeposha ukuboko kobe mu... Ndi no ku kumona mu calichi nakabili, no kuposha mu kuboko kobe mu musebo.”

Ukulongana kumbi ukwakonkelepo, uyu ali apa, aikele kunuma kulya mu chalichi. Kabili naile ku Louisville, kulya uko tulya ku Blue Boar kulya lubali, ku kulya, kabili lilya line fye nafumine muli motoka yandi, natendeke ukuya mu musebo, uyu alishile Munyina Dauch ukwenda mulya mu musebo. Cilya cali palya, icapwililika fye. Kabili ifyo Shikulu amupalile!

<sup>30</sup> Nomba twalalanda palwa kuposha, munshita ya bushiku, ne fintu, kabili ninkwata ifintu fimo ifya pulamo ukumweba mu nshita ya bushiku.

<sup>31</sup> Lelo nomba, pa kutila ninga kwata ama tepu nomba, elyo no kuyateyanya ukuti yatendeke ukubomba, ndefwaya ntampe

ukubelenga ukufuma muli Esaya icipandwa ca 42, kabili vesi iya 1 ukushinta pa 7. Kabili Mateyo icipandwa ca 4, ukutendeka, ndecetekela, 15 kabili na vesi ya 16.

<sup>32</sup> Nomba, mu—mu cipandwa ca 42 ca—cakwa Esaya, twalabelenga.

*Moneni umubomfi wandi, uo ntungilila; uwasalwa wandi, uo mutima wandi ucankilwa; ni mbiko mupashi wandi pali wene: ku kuleka afumisha ubupingushi ku Benafyalo.*

*Takakute, takasansule ishiwi, nangu ukulenge shiwi lyumfwike mu misebo. Itete ilya tinika takalifune: iciku icileaaka cibusubutu takacishimye: akafumisho bupingushi ku cishinka.*

*Takatusuke kabili takanenuke, akasuke...abiko bupingushi pano isonde: ne fishi fikalolela amalango yakwe.*

*Efyo asosa...YEHOPA, uwalenga kabili uwaansa imyulu, uwasasapula icalo, ne fifumamo; upela umupu ku bantu ababapo, kabili no mupashi ku bendapo:*

*Ine Yehoba na kwitila ku bulungami, na ikata ku minwe yobe, no ku kulinda, na kupela ku kube cipingo ca bantu bandi, ku kubo lubuuto lwa ku Benafyalo;*

*Ku kushibula amenso aya pofula, ku kufumya abakakwa umwa kwisalilwa, na baikala mu mfifi mu ng'anda ya cifungo.*

<sup>33</sup> Nomba mu Mbila nsuma iyakwa Mateyo, icipandwa ca 4, ndefwaya ukubelenga ukufikilisha ukwa bulya ubusesemo ubwapelwe na Esaya. Mu cipandwa ica 4 ica Mateyo, na—nalatendeka ukubelenga. Nga kuti ca citwa, natutendekele pa vesi ya 12 mu cifulo ca 15.

*Nomba Yesu ilyo aumfwile ukuti Yohane naposwa mucifungo, afuminepo aile ku Galili;*

*...afumine ku Nasaleta, no kuya ikala ku Kapernahumu, pa lulamba lwa bemba, mu mipaka iyakwa Sebuluni na Naftali:*

*Ukuti cifishiwe icasosele kasesema Esaya, aciti,*

*Moneni, impanga yakwa Sebuluni, ne mpanga yakwa Naftali, inshila iya kuli bemba, kwi shilya lya Yordan, Galili impanga ya Benafyalo;*

*Abantu...abaikele mu mfifi bamwene ulubuuto ulukalamba; na baikele mu mpanga ne cishingwa ca mfwa ulubuuto na lubabalikila.*

*Ukufuma lilya Yesu atendeke ukubila, no kutila, Lapileni: pantu ubufumu bwa mu mulu na bupalama.*



<sup>34</sup> Lekeni Shikulu alunde amapalo Yakwe kukubelenga kwa Cebo Cakwe! Kabili nombamba, umutwe we sambililo unono uwaibela uo naumfwile umuntu umo ukulandapo, asosele ifi, lelo ndefwaya ukubula ici ngo mutwe we sambililo: *Pali Umuntu Pano Uwingasha Ulubuuto*. Kabili nombamba twalalanda pe sambililo ilya lubuuto.

<sup>35</sup> Ici cilekonka pa masambililo yatatu ayo twalelandapo fye.

Limo pali yena, ku Tucson, atemwa ku Phoenix, pa mulandu cinshi Yesu aishile kulya ku Betelehem. Cilya, Alingile ukucita, pantu Wene ni Betelehem. Betelehem! *B-e-t-h* ni “inga’nda”; *e-l*, “Lesa”; *e-h-e-m* “mukate,” umukate. “Ing’anda ya Mukate wakwa Lesa.” Kabili Umwinakristu uyo ufyalwa muli Kristu afyalwa mu Betelehem, ing’anda yakwa Lesa iya mukate.

<sup>36</sup> Kanshi, mulya, ukupashanya Dabidi, uyo wali imbutushi pa nshita iya kutamfiwa kwakwe ukufuma ku bantu bakwe. Bali mukene. Kabili Betelehem yali sanshilwe, kabili abena Peleshiti baikele ukushinguluka Betelehem. Kabili Dabidi, imbutushi, icipasho ica lukuta ilelo, ulwakwa Kristu. Mwamona, Kristu ni mbutushi ku lukuta Lwakwe Umwine ilelo. Nabacita. Imbutushi ni ulya uo bakene. Kabili Dabidi alikenwe, nalyo line ali uwasubwa ukube mfumu; lelo kasesema ali musubile.

<sup>37</sup> Kabili mukati ka iyi nshita, pa kuba i—imbutushi ukufuma ku bantu bakwe, alisendele abengi Abenafyalo abashipa. Umo muli bena aipeye abantu imyanda cinekonse konse, ubushiku bumo, no mufwi, atemwa ulupanga. Kabili naumbi atolokele mu cilindi no kwipaya inkalamo, pa bushiku bwa menshi makasa. Kabili—kabili balekolonganika ilanda, ico caba cilemba atemwa intongwe, atemwa icintu cimo, kabili—kabili bonse fye balibutwike, kabili ena ali minine no kwipaya abantu mpaka ukuboko kwakwe kwalinakile. Kabili balipeye na balya amapaka ba munyina bakwa Goliati.

Abantu abashipa, ukwikatilila kuli Dabidi, pantu balishibe akesa teka. Balishibe, te mulandu ifyo uli onse asosele. Lesa alikwete ukusubwa pali Dabidi, kabili balicishibe. Bali Benafyalo. Te mulandu ifyo bamukene, bena nalyo line balishibe ukutila akesa teka. Kabili ubushiku bumo kulya . . .

<sup>38</sup> Ifyo cabe cipasho ilelo, icakwa—icakwa Kristu, imbutushi! Mwatila, “Kristu, imbutushi?” Ukulingana na Baibele, ukutila ifwe . . . Lesa mu maka alitusenda ifwe ukutupisha muli shilya Inshita Sha Nkuta Cinelubali. Ulu lukuta Iwa Loadikea, Kristu ali ni mbutushi kunse ka lukuta Lwakwe, ukukanwa, ukweshwa ukubwekelamo nakabili. Mwamona? Wene ni mbutushi, ku lukuta Lwakwe Umwine. Kabili umulandu Abela imbutushi, ni pa mulandu Wene e Cebo, kabili te kuti basuminishe Cebo mukati. Balisumina ifisumino, mu cifulo.



<sup>39</sup> Kabili tulesango kutila, kanshi, ukutula muli uku kulwisha ukukalamba, balya baume abashipa abashingulwike—abashingulwike Dabidi, Abenafyalo.

<sup>40</sup> Nga mwalolekesha ifyo Betelehem yakulilwe. Nshilefwaya ukuya muli lilye sambililo, lelo ifyo Betelehem...Mucine, Rahab, cilende, umwana wakwe umwaune e watampile Betelehem. Yali ni ncende ikalamba iya ngano, kabili na menshi ayengi ayasuma kulya. Kabili atampile umusumba unono. Kabili wali uwacepesha pa misumba yonse, pantu kasesema atile, “Ukufuma...Betelehem wa Judea, bushe tauli uwacepesha pali ba cilolo bonse ba misumba ya Yerusalemu...nangu Yudea? Lelo ukufuma muli iwe mukafuma Kateka ukateka abantu Bandi.” Ukufuma mu wacepesha.

<sup>41</sup> Dabidi, ilyo asalilwe kulya lubali. Abakalamba, ba munyina abasuma, ilyo kasesema Samwele aile kulya, ku kusuba, bonse baliminine kulya. Abakalamba, abaume abakankala, bamoneke kwati kuti baba, ukumoneka, imfumu iishimoneka bwino. Lelo ulya wine uo bakene e wali eo, Dabidi, ulya uwakwete amafuta ukupongolwelwa pali ena. Umusumba uwa kenwe e ulya uo Kristu... .

Ni balya abakanwa abo Kristu asenda, mwamona, balya abakanwa.

<sup>42</sup> Elyo tulesanga, panuma kwaishile Obed. Kabili panuma kwaiishile Boashi. Kabili kulya kwaishilemo Umwinafyalo umbi, uyo waishilemo na Ruti. Kabili ukufuma kulya kwaishile Jese. Kabili ukufuma kuli Jese kwaishile Dabidi. Kabili umukondo unono kumbali ya lupili kunse kulya kwaletele Imfumu ya shamfumu, Yesu Kristu, Umwana wakwa Dabidi, Umwana wakwe uwa bumupashi.

<sup>43</sup> Nomba kanshi, ena ali, Dabidi umwine pa kufyalwa muli uyu musumba, alingile ukwisa kuli ici cifulo icinono. Kabili kwaleitwa Betelehem, ico cipilibula, “I—ing’anda wa mukate wa kwa Lesa.” Kabili Wene ni Nga’nda ya mukate wakwa Lesa.

<sup>44</sup> Dabidi, ukulambalala kulya pa lupili bulya bushiku, kabili alolekeshe pe samba no kumona abena Peleshite na bacite nkambi ukushinguluka nga filya, alyumfwile ukukaba ne cilaka. Atile, “Owe, nga kuti nakwata fye aya kunwa ukufuma muli cilye cishima, umuku na umbi!” Cinshi, ukutontokanya kwakwe ukwa cepesha cali ukulanda ku bakwe, balya aba mutemenwe.

<sup>45</sup> Efyo caba ne lelo, ku matontonkanyo aya cepesha ayakwa Yesu, atemwa inga pa Cebo Cakwe, cilingile caba ukwebwa kuli ifwe fwe Benafyalo abo aba Mutemwa. Pantu twalishiba Akesa mukuteka, te mulandu ifyo ba Mukana. Imyulu ne sonde fikapita, lelo *Ici* cikatwalilila fye ukuteka umusango umo wine fye ilyo imyulu ne sonde fikapita. Kabili twalishiba Aleisa mu

kuteka, pantu takuli nangu umo ukacikanya ukukana citika. [Munyina Branham apampansha Baibele yakwe—Ka.] *Uyu* ni Kristu, ukusokolola ukwa Wene, kabili ici cili no kucitika fye umusango Icebo cisoso kutila efyo cili, pantu Wene e Cebo. Kabili ifyebo Fyakwe ifya cepesha kulya, te mulandu ifyo cabe cinono, nga ku “batishiwa nakabili,” atemwa conse fintu cili, tuli no kucicita, ifyo fine. Cena Cebo Cakwe.

<sup>46</sup> Kabili itontonkanyo ilya cepesha ilyakwa Dabidi lyali ica kwebwa kuli balya Benafyalo, pantu, bena, icipasho ica Lukuta lwa Benafyalo ilelo. Abantu abashipa! Mwamona, balya baume abaiminine kulubali lwakwa Dabidi bali Benafyalo, lelo, abaume abashipa. Tabakwete umwenso. Tabaishibe ifyo mwenso wali.

<sup>47</sup> Umwaume umo abulile ulupanga no kwipayaya abantu imyanda cinekonse konse, kabili bena ukumushinguluka. Ifyo ali umwaume ulya! Umo muli bena, u . . .

Umo mwaume umbi. Kwaliko umushilika umwina Egupti alibutwike, no mufwi utali. Ena akwete fye inkoto mu kuboko kwakwe. Abulile nkonto no kuma pa mufwi ukuufumya mu kuboko kwakwe; abulile umufwi no ku mwipayaya, eka. Mwamona?

<sup>48</sup> Umo uwa yalya amapaka alikwete ifikumo ifyalepa ama inch ikumi limo na fine, nga *filya*. Nomba, ama inches ikumi limo na yane, umunwe wenu waba ubutali ngo kuboko kwenu, uwaisalwa; fungululeni kulya, kulya kuti kwaba ukuboko ukwa ma inchi amakumi yabili na cine konse konse. Kabili no mufwi! Kabili atolokele fye mulya no ku mwipayaya. Mwamona? Cinshi? Ali umuntu uwashipa, Umwinafyalo ukulolekesha ulyo wasubwa uo aishibe ukutila aleisa mukuteka.

<sup>49</sup> Bushe na mumona, balya ukuba abashipa kuli Dabidi? Ilyo Dabidi mukulekelesha aisa mukuteka, abalengele ukuba ba katungulula mu misumba. Bushe Yesu talaile cintu cimo cine? Icintu cimo cine, ukubalenga ukuba bakateka.

<sup>50</sup> Kanshi, mulya, ilyo kukabila kwa kwa Dabidi kwali ukukwata amenshi ayasuma. Ena nalimo alikwete yamo ayakale, ayakaba amenshi aya funda kulya lubali, ayo alenwa. Lelo aishile tendeka ukutontokanya pali yalya amenshi aya suma mulya ku Betelehem, inga'nda ya mukate wa kwa Lesa. Kabili atile, “Nga nalikwete fye ukunwa ukufuma kuli cilye cishima!” Kabili balya baume bafumishe bapanga wabo kabili balwile ba mailoshi ikumi limo na yasano aya bena Peleshite, te pa mulandu wa kutila alibepwishe, lelo ni pa mulandu balishibe aleyafwaya. Kabili baputawile balya aba Peleshite, ukuya fika fye na kucishima. Ilyo babili muli bena balelwa, ulya umbi asendele i—imbeketi yakwe iya menshi; no kulwisha inshila yabo ukubwelelamo, ukuya fye mpaka ukubwela, no kuyapela kuli Dabidi. Soseni palwa kushipa!

<sup>51</sup> Dabidi, ulyo muntu uwa mushilo, atile, “Les a akanya ukutila ninga yanwa ukufuma kuli aba banandi ababikile ubumi bwabo mu bwafya.” Kabili acitile ica kuninika icakunwa; aliyetile panshi, kuli Shikulu. “Ayapele kuli Shikulu. Wene e Ulya uwalinga kuli ci, te ine.” Babikile. . .

<sup>52</sup> Icipasho cine icakwa Kristu Umwine, no Mweo Wakwe Wine uwa Muyayaya mukati ka Wene; Icilibwe icafwantwa, apongolwele Umweo Wakwe pa mushili, nge cakuninika ica lubembu ica kuli ifwe, pa kutila ici Cebo cingekalilila.

<sup>53</sup> Owe, Abenafyalo, ngefyo nsosele, ni bani abo abali no kufumya lulya ulupanga pamo na ine? Alefwaya ica kunwa icisuma, muno lucelo, te ifi ifya kale ifisumino ifya cikalishi ne fintu ifyo tuletumpinkana na fyo. Alefwaya icitetekelo ica cine cine mu Cebo Cakwe, uyo uli no kucetekela Icebo conse ica Cena. Natuleya ku cishima no kubwela ne ca kunwa, ica kutalalalika; ukushinshimuna uko ukushakulwa pa fisumino ne cilonganino. Lelo ukushinshimuna ukwa mu mupashi ukwine kwine, pamo na Kristu pakati kesu, ukwikala Ubumi Bwakwe mu musango Afwailamo ukuba, mukati kesu, cilya—cilya tacili ne fisumino ne fintu ifya pusana pusana. Lekeni fye—tu Mukwate fye ulya musango.

<sup>54</sup> Nomba, cimbi icakonkelepo cali ifyo Les a abombele na bantu ukupitila mu ciloto, mu nshiku shakwa—shakwa Yosefe. Bushe na mumona? Iciloto ca bubili. Ni nshila iyakwa Les a iya cibili iya kubombelamo. Abantu bamo kuti bakwata ifiloto, tafipilibula nangu cimo. Kuti mwalya sana no kukwata ifya kutinya ubushiku. Kabili iciloto ni nshila iya cibili. Mwamona? Lelo mulandu nshi Les a Enga cingilila Umwana Wakwe ukupitila mu nshila iya cibili? Amonekele kuli Yosefe. Ukusakamana ukwa Mwana Wakwe Umwine, atumine mu nshila iya cibili. Bushe mwalitala ukutontonkanya pali cena? Pantu, takwali kasesema mu calo. Ali no kubomba ukupitila mu filoto. Kabili tacali iciloto icali no kwilulwa. Malaika wakwa Shikulu atile, “Yosefe, witina ukubula Maliya umukashi obe, pantu cilya icimitwe muli wene cakuli Mupashi wa Mushilo.”

<sup>55</sup> Cali cintu icaibela nganshi cilya ukucitika. Yosefe pa kubo muntu umulungami, ena. . . Cali icaibela. Les a abo waibela. Kabili icaibela caba ica kosa ku kuciluka. Ulya e mulandu wine cabe cakosa sana ku kwiluka Icine ilelo; Cabe caibela. Umwanakashi ukukwata umwana ukwabulo kwishiba umwaume, cilya cali icaibela sana.

Lelo nga uli uwa cishinka kabili ubwa bufumacumi, Les a kuti amonekela kuli iwe nalyo line mu ciloto. Cilelangisha ukutila icintu icili conse ico mukwete, nga cakutila amano yenu, nga cakutila kuti mwalisha umunsoli, ukwimba, ukupelo bunte, atemwa icili conse ico mwinga cita, nga cakutila ubuntu bwenu bonse na bupelwa kuli Les a, Les a kuti abubomfya nga kuti mwa Muleka fye ukucicita.

<sup>56</sup> Kanshi, inshita ya bushiku iyafumako kuno, Munyina Neville ashimikile pe sambililo ilya “ukufyuka,” ifyo u—ifyo muntu afyukile. Kabili natontonkenye caciba ngo kusosa ukusuma.

Kabili muno lucelo Umupashi wa Mushilo ulemoneka ukulenga imwe ukubombela pe sambililo ilya lubuuto, ilekonkapo fye. Ukutwalilila fye, mu kutendeka, ifyo bumi bwakwa Kristu bwatendeke mu mulimba, tuleya ukupitulukamo nakabili muli lyena mwi sambililo lyesu. Kabili ena tacishibe; nshacishibe; kabili ici cili pano pa cintu cimo cine. Mwamona, ukutwalilila fye, icintu icilekonkapo ni palya epo Aingile muli bukapyunga Bwakwe. Kabili ino nshita ya bushiku natukwata icintu cimo ico cili no kwampana pamo na cilya, ukutwalilila, mu bushiku, Shikulu ngasuminisha.

<sup>57</sup> Nomba, ulubuuto ulukalamba! “Abenafyalo abaikele mu mpanga ne cinshingwa ca mfwa, Ulubuuto ulukalamba na lubabalikila. Mu Sabuloni, na Naftali, mu. . . mu nshila iya ku Galili iya ku Benafyalo, ulubuuto ulukalamba, balimwene Ulubuuto ulukalamba.”

<sup>58</sup> Nomba ulubuuto, inshita iya kubalilapo ulubuuto, tulecisanga muli Baibele, cisangwa mu Kutendeka 1:3. Cali, Icebo icalandwa icakwa Lesa ukulengwa ulubuuto. Lesa atile, “Napabe Ulubuto,” Ukutendeka 1:3, elyo pali ulubuuto.

<sup>59</sup> Nomba ibukisheni, kanshi, ulubuuto lwishila mu Cebo icalandwa icakwa Lesa. Kabili ulubuuto e cishininkisho, atemwa icintu ico Alandile, e lubuuto. Ilyo lubuuto lwaya mu mulu, cilangisha cilya. Lesa atile, “Napabe ulubuuto.” Takwali ulubuuto, kabili Atile, “Napabe ulubuuto,” kabili kwali ulubuuto. Cilya e cishininkisho. Ulubuuto e cishininkisho ica Cebo Cakwe icalandwa. Icintu cimo cine ne lelo, icishininkisho ica Cebo Cakwe icalandwa.

<sup>60</sup> Nomba ilyo mwamona Icebo Cakwe ukushininkishiwa, atemwa, mu mashiwi yambi, ukulengwa kwishibwa, ukushininkisha, cilya ni—cilya Lubuuto ulwa Cebo Cakwe icalandwa. Kabili, ukwabulo lubuuto, takuli nangu cimo icingaba no mweo ukwabulo lubuuto. Takwaba ubumi ilelo pe sonde ubo kano uwingeshila ku u—ulubuuto ulwa kasuba, mu bumi bwa filimwa, kabili na fimbipo. Kabili takwaba Umweo wa Muyayaya kunse ka Mwana wakwa Lesa. Mwamona? Wene e Lubuuto.

<sup>61</sup> Nomba tulasango kutila, ndecetekela, ilyo tulesoma nomba, kabili ulubuuto. . . “Pe sonde pali icimfulumfulu.”

<sup>62</sup> Nomba, abantu bamo balatalikishanya ilelo mu masukulu yesu, kabili na bambipo, pa lwe sonde pakuba mu myaka ba million ayengi mukubapo, kabili ukwasha ukwebaula Baibele no kusosa ukutila Yalilubana. Bena tabacita fye, tabatala ukubelenga Baibele. Epela fye. Pantu, Baibele taitweba niinga

imyaka isonde lyakwata. Baibele itila, “Mu kutendeka Lesa alengele umulu na pano isonde.” Inshita! Ilyo, musangoshi, cilya cili, tatwacishiba. Nomba, cilya e ca ntanshi. Kabili, ilya ni nshita, ilya e mpela ya lilye shiwi.

<sup>63</sup> “Mu kutendeka Lesa alengele umulu ne sonde.” Limbi kuti cali ba million umwanda, atemwa billion, atemwa icili conse fintu cali. Kabili ifyo Acicitile, cilya cili kuli Wene ku kwishiba, mwamona, te kuli ine.

Lelo isonde, cisuma, “Pano isonde pali icimfulumfulu, kabili apashaba kantu; kabili amenshi yali pa mulu we—we sonde. Kabili Lesa,” atile, “waleshunda pa mulu wa menshi.” Kabili atile, “Napabe ulubuuto.”

<sup>64</sup> Nomba, ndecetekelo kutila akasuba, kabili na fimbipo, epo fyali kale, ndecetekela, umweshi. Ilyo ilya pa ntanshi, Ukutendeka 3, ku kucilondolola. . . Lelo ndecetekela, cilya icali uku, ukutila isonde, twali no kwisa libomfya, kabili e ico kanshi. . . Kabili lyalishilemo; kwaliko fubefube no kubutulukila pe sonde ponse, ukucilenga ukuba ica fita. Kabili Lesa atile, “Napabe ulubuuto,” kabili imfifi yalifuminepo kabili kwali ulwelele ulwabule kumbi.

<sup>65</sup> Kabili ndecetekela ilya e nshila yakwa Lesa iya kucitilamo ifintu. Wene. . . muli Baibele, vesi iya konkapo itila, vesi ya 4 itila. “Kabili Apatwile ulubuuto ku mfifi. Kabili Ainike ulubuuto ‘akasuba,’ ne mfifi Ainike ‘ubushiku.’” Kabili Icebo cakwa Lesa lyonse cilapatula Ulubuuto ukufuma ku mfifi. Mwamona? Cena Cebo ico cipatulanya, mwamona, Ulubuuto ukufuma ku mfifi.

<sup>66</sup> Lesa lyonse acita icintu cimo cine, ilyo Aiteyanya ku kubomfya icili conse. Nge fyo Aiteyenye ku kubomfya ulu lubanda ulwa kale, atemwa conse fintu cali, ili sonde, Alipatwile ulubuuto ukufuma ku mfifi. Ilyo Aiteyanya ukuya, ku kubomfya i—ibumba lya bantu, Alingile ukupatula Ulubuuto ukufuma ku mfifi. Ilyo Aiteyanya ku kubomfya umuntu umo, Alapatula Ulubuuto ukufuma ku mfifi. Mwamona?

<sup>67</sup> Ulubuuto lwisa na Lesa. Kabili u. . . Ibukisheni, ulubuuto lwaishile ne Cebo Cakwe Icalandwa. Icebo cakwa Lesa catile, “Napabe ulubuuto,” ilyo takwali ulubuuto, kabili Atumine ulubuuto ukupatula imfifi ukufuma ku lubuuto.

<sup>68</sup> Ici Cebo cefunde cawamishe ulwelele pa kutila akasuba ke ngabalikilamo. Kabili Icebo Cakwe ilelo e ciwamya imyela yonse iya kukana cetekela.

<sup>69</sup> Nalélenda, nalikwete—nalikwete, ndetontonkanya, ifya kwipusha ifya ku mbali ilyo nshilaya ku cintamba muno lucelo, mukati mulya. Icabipa sana. . .

<sup>70</sup> Ubushiku bumbi umunandi umunono, Jim Poole, umulumendo wakwe umunono, batontonkenye ukutila

alikhwete ukucushiwa kwa mutima, ba mutwele ku cipatala. Cali bulwele bwa asma, taposele umulumendo umunono. . . Alifililwe. . . Umutima wakwe unono ukutunta, no kulapema, kabili—kabili ena ukulapunda kabili alefilwa ukukwata ukupema, kabili umulumendo umunono amoneke ngo walefwa, ilyo ba muletele kuno. Kabili nalefwaya ukuya ku cipatala; bali muletele kuno. Kabili nalikete ukuboko kwakwe ukunono; natile, “Cinshi icalengele, kansakala ali kete umwana. Kabili, kansakala, impepo yalikete umwaice umunono. Mulolekesheni. Mu nshiku ishinono ndefwaya ukumumona nakabili. Akaba na kansakala yeka yeka.” Kabili uyu ali pano na kansakala yeka yeka, mulemona. Mwamona?

<sup>71</sup> Nomba, cinshi? Lesa apatwile imfifi ukufuma ku lubuuto, atemwa ulubuuto ukufuma ku mfifi. Kabili Alapatula imfwa ukufuma ku Mweo, kabili Acicita ne Cebo Cakwe. Icebo Cakwe lyonse e cileta ici.

<sup>72</sup> Nomba, ulubuuto! Cisuma, nomba, imbuto yali kale pe sonde. Ndecetekela Lesa alibyele mbuto. Kabili cikulu fye akasuba kuti kafika pa mbuto, yatendeke ukukula. Kabili ulya e mulandu wine casendele fye inshiku ishinono ku kuleta ifi fintu, pantu imbuto yali kale mu mushili. Ico lwalefwaikwa fye lubuuto.

<sup>73</sup> Kabili ilya enshila Lesa akwata ilelo. Imbuto yakwe epo ili kale pano, Icebo Cakwe. Icintu fye cimo Ilefwaikwa Lubuuto pali Lwena. Kabili Wene e lulyo Lubuuto, pantu Wene e Cebo. Icebo no Lubuuto cintu cimo cine. Ubumi mukati mulya e Lubuuto ulwa Cebo, mwamona, e Bumi. Aka musonga ka bumi kekala mukati ka kaluseke, kabili uluseke. . . ubumi e bufuma no kuleta ubumi ukufuma mu luseke. Ilya e nshila iyo Kristu, mu Cebo, alenge Cebo ukucita ifyo Cilingile ukucita. Kwati fye ubumi muluseke lwa ngano, atemwa conse fintu cili; cilenga ingano ukucita ifyo ilingile ukucita, pantu cena caba bumi ubwaba muli yena. Ubumi bonse!

<sup>74</sup> E ico, Umweo wabela fye mu Cebo cakwa Lesa ukulengwo kumonekela. Umweo wishila fye ne Cebo cakwa Lesa ukulengwo kumonekela. Ilyo lyonse cili fye mwi Buku, nge *fi*, nalyo line kuti caipushiwa. Lelo ilyo calengwo kumonekela, lyena kuti mwamona icisabo cilya ico Calandilepo, pa kulengwo kumonekela, kanshi cilya e Lubuuto pa—pa Cebo. Mwamona? Cilya e cileta. . . Icebo eflyo casosa, kabili, kanshi, ilyo caisa citika, cilya e Ubumi mu Lubuuto, Ulubuuto luleta Ubumi. Ulubuuto luleta Ubumi.

<sup>75</sup> Byaleni ngano kunse uku, luli. . . kabili mubike mukati ka cipinda, no kulufimba lonse, kabili talwa—talwakatale ukumsha icili conse, pantu te kuti lucite. Ta muli ulubuuto mulya. Lelo lilya line fye ilyo lubuuto lwasanika pali yena, lyena ikamesha ubumi nga cakutula ni mbuto iya mweo.

Cilya e cintu cimo cine fintu caba mu Cebo. Mwamona, Icebo ni Lesa, kabili ilyo Bumi bwafika pali Cena, cila Cileta . . . Ulubuuto lulafika pali Cena, cilaleta Icebo ku mweo nakabili. Cila nshita lyonse eflyo yaba. Owe, ifyo tuletasha pali ifi fintu ifikalamba, ifyo kutila Icebo pa kuba ica shininkishiwa e Lubuuto ulwa Cebo icalandwa. Mwamona?

Lesa atile, “Napabe ulubuuto.”

<sup>76</sup> Nomba, nga cakutula acisosele fye kabili takwali no lubuuto ulwamoneke? Kanshi tatwaishiba nga cakutula cena cine atemwa iyo. Tatwishibe nga cakutula Ali uwalungama. Tatwishibe nga cakutula Wene ni Lesa atemwa iyo, pantu Asosele fye, “Napabe,” kabili tapali. Mwamona?

E ico kanshi ilyo Lesa alanda kabili twamona ukutula eflyo cili, kanshi cilya e Lubuuto ulu lubalika, Icine ica Cebo. Mwamona? Filya palya Ulubuuto no Mweo.

<sup>77</sup> Ubumi bonse ubwa cifyalilwa bwishila ku Cebo Cakwe icalandwa. Kabili akasuba kaba Icebo Cakwe icalandwa. Atile Alengele ulubuuto ulukalamba mu myulu, mu kasuba, kabili ulubuuto ulunono ku nshita ya bushiku. Mwamona? Kabili ubumi bonse ubwa cifyalilwa bulingile ukwishila ne Cebo cakwa Lesa icalandwa. Iluba te kuti likule ukwabulo lubuuto ulwa Cebo cakwa Lesa icalandwa ukubalikila pali lyena, pantu akasuba kaba, a-k-a-s-u-b-a, e Cebo cakwa Lesa icalandwa, ilyo Asosele, “Napabe ulubuuto.” Mwamona? Cena bumi ubwalandwa na Lesa. Kabili te mulandu impendwa ya bantu ileesha ukusosa *ici*, *cilya*, atemwa *icibiye*, cena cilatwalilila ukuba cimo cine. Mulingile ukukwata kalya akasuba, e ico ubumi, ubwa cifyalilwa, kuti bwaishila fye ne Cebo cakwa Lesa icalandwa.

<sup>78</sup> Kabili no Mweo uwa ku mupashi, Umweo wa Muyayaya, kuti waishila fye ne Cebo cakwa Lesa icalandwa ica Mweo. Umweo wali U-m-w-a-n-a iyi nshita. Muli Wene mwabo Lubuuto, kabili muli Wene tamwaba imfifi; kabili Wene e Lubuuto ulwalandwa ulwakwa Lesa. Bushe co cishinka? [Ulukuta lwatila, “Ameni.”—Ka.] Icebo icakwa Lesa icalandwa, pantu, “Mu kutendeka mwali Cebo, kabili Cebo ali pamo na Lesa, kabili Cebo ali ni Lesa.” Kabili Cena lyonse ni Lesa. Mwamona?

Kabili cisenda Ulubuuto ulwakwa Lesa ku kwambusha Icebo, ku ku Cilenga cibe no mweo. Ifi pano ifyo Asosele [Munyina Branham apampasha Baibele yakwe—Ka.], nomba lekeni Ulubuuto lubalike! Amen! Leken! Ulubuuto lubalike, kabili Ulubuuto lukaleta Icebo conse pa cifulo ca Ciko icalinga, mu nshita ya ciko. Amen! Owe! Mulemona, ilyo yaisa inshita!

<sup>79</sup> Inshita shimo lulyo luseke lulekala mu mushili, ulwabula ica kucita, inshita yonse iya—iya mpepo, nge mbuto, ingano



sha mumpepo ishibyalwa mu mushili. Lelo ilyo kalya kasuba kaisaba apalinga, owe, lulingile ukuba no mweo. Mwamona? Kabili te kuti lube no mweo ukwabula akasuba.

Kabili Lesa alipela amabulayo ku nshita ili yonse kabili cila bushiku. Kabili ilyo Lubuuto lwaisa moneka, no kubalikila pali cilya, cili no kuleta cilya cine fye ifyo Icebo casosa, pantu Wene e Lubuuto kabili e Mweo.

<sup>80</sup> Icebo cakwa Lesa cishila fye na Baibele. Baibela yakwa Lesa e ku—uku lembwa mu musango wa Mwana wakwa Lesa, pantu Baibele isoso kutila Yena e kusokolola kwa kwa Yesu Kristu. Ni Lesa ukuisokolola Umwine ukupitila muli Kristu, kabili Kristu e Cebo. Kabili cisenda Ulubuuto ulwa kwa Lesa ku ku balikila pali cilye Cebo, ku ku Cishininkisha, ku kushininkisha ukutula Lesa acili alelanda ku Mweo, Umweo wa Muyayaya. Alalanda Ulubuuto ulwa cifyalilwa, ukuleta ubumi. Ubumi bwishila fye no Lubuuto, Icebo ukulengwo kumonekela, atemwa ukulengwa mu mubili. Ilyo ama bulayo yonse yaishileba, muli Baibele, yaishile monekela, e lilya ilyo Yesu Kristu, Icebo, calengelwe mu mubili mukati kesu. Lesa lyonse abombela ukupitila mu muntu. Umuntu e cakubombelamo cakwa Lesa.

<sup>81</sup> Nomba, nga mwakabako panono muno kuli imwe, kuti mwaisula ama window, atemwa conse ico mulefwaya ukucita, kuti mwashimya ica kukafishako. Nalimo kangalila kuti acefyako ica kukafisha panono. Nimona abengi na bakaba. Kabili na kuno njiminine na kukaba, nako, e ico—e ico ibukisheni cilya. Ndi uwansansa ukutula na kukaba mu cifulo ica kutalala, pantu na—nalitemwa ukukaba. Ine . . . Ukukaba lyonse kulaleta ulubuuto, ubumi, cisenda umulilo.

<sup>82</sup> Moneni nomba, “ukulengwa umubili.” Ilyo Icebo caisalengwa mu mubili, Cilesa mukumonekela. Kwati, sendeni Cebo no ku Cibika mu cifulo icalinga kabili no mushili uwalinga, Cili no kumesha. I—imbuto ili no kuleta umusango wa uko. Kabili Icebo, nga caletwa mu mutima uwalinga, cili no kuilangisha Icine. Cili no kuleta ulubuuto. Cili no kusanikila pali cena. Cisuma.

<sup>83</sup> Takuli nangu cimo ica cifyalilwa, takuli nangu cimo ica cifyalilwa atemwa ica bumupashi, icingaba no mweo ukwabulo Lubuuto ulwakwa Lesa. Ubumi kuti bwaishila fye kanshi no Lubuuto. Takwaba nangu cimo ica cifyalilwa atemwa ica bumupashi icingaba no mweo ukwabulo lubuuto lwakwa Lesa. Tontonkanyeni pali cilya. Cisuma. Lelo ilyo Atutumina Ulubuuto, mwamona, no kucita ifi fyonse fintu, elyo kabili twalu Kana; nomba cilya e ciputulwa ica bulanda, nililya ilyo Lubuuto lwanakwa ilyo lwa tumwa kuli ifwe.

<sup>84</sup> Nomba kuti mwaelenganya umuntu umu ilelo ukusosa, “Ndekana fye ukusoso kutila kwaliba icintu icapala nga

kasuba. Nshilecetekela kwaliba akasuba”? Kabili aya butukila mu cipinda, no—no kwisala ifibi fyonse, kabili aya ikala mu mfifi, no kusosa, “Takwaba icintu ica musango ifi nga kasuba. Takwaba icintu ica musango ifi ngo lubuuto.” Kuti mwaishiba, lilya line, kuliko icintu cimo ica lubana mu mano na ulyo muntu. Mwamona? Kuli cintu cimo icalubana, ilyo abutukila ukubwekela mu cipinda ica mfifi no kukano kusumina ubusuma ubwa lubuuto ubwa pelwa na Lesa. Kuliko icintu cimo icalubana na ena. Talefwaya imyengelele ya luko iyakaba. Talefwaya ubumi busuma ubutuntulu ubo lupela. Talefwaya imyengelele yaluko iyakaba, ku kwendamo. Ena kuti atemwa ukwikala mu mfifi. Cilelangisha, mu mano, icintu cimo icalubana, mu cifyalilwa, no muntu.

<sup>85</sup> Kabili ndesosa ici no kutemwa konse no mucinshi. E ico kwalibako icintu cimo icalubana mu mupashi no muntu uyo uli no kubutuka ukubwekela mu cisumino ica filonganino fyakwe ifyacisumino no kukana ukumona Ulubuuto ulwa Baibele ilyo lulebalikila ku ntanshi yakwe. Kuliko icintu cimo icalubana na ena. Mwamona, ukubwekela mu fisumino fyakwe ne fishilano, no kwisala umwinshi no kusosa, “Takwaba icintu ica musango Filya. Inshiku sha fipesha mano shalipita. Takwaba cintu ica musango filya ngo kundapwa ukwa Bulesa, takwaba cimo pali ifi fintu. Cilya cali ku batumwa.” Umuntu alifulungana ku mupashi. Mwamona? Kuliko icintu cimo ica lubana na ena. Ena—ena—ena aisala ifipembe no kukana Umupashi wa Mushilo uwingesa pali ena. Nga kuti acita . . .

“Nga mwaikala muli Ine, ne Fyebo Fyandi muli imwe, kanshi, Ulubuuto ukubalikila pali ici Cebo, lombeni ico mulefwaya.” Mwamona? Mwamona?

<sup>86</sup> Kuliko icintu cimo icalubana, ukutila kuti akana ifintu ifyapelwa na Lesa ifyo Lesa apela kuli ifwe ku kwikalilako, Icebo Cakwe. “Abalungami bakekalila ku citetekelo.”

“Kabili umuntu te ku cilyo ceka akekalila no mweo, lelo ku Cebo conse,” te ciputulwa ca Cebo, “Icebo Conse icifuma ku kanwa ka kwa Lesa.” Kabili ilyo muntu ali no kukana Cilya, kuliko icintu cimo icalubana na ulya muntu; icintu cimo ica lubana no kwishiba kwakwe, ilyo asoso kutila ali temwa Lesa elyo kabili ukukana Lesa. Kuliko icintu cimo ica lubana na ulyo muntu. Twalishiba cilya, ukwabulo kutwishika nangu panono. Ale Cikana, abutukila mu ncende yakwe, no kusosa, “Nomba ine fye. . . Nshilefwaya ukwishiba icintu nangu cimo palwa Cena. Mwinjebako nangu cimo pwalwa ifi Fintu. Ine, nshilecetekela nangu cimo palwa Cena. Iwe, nshilesakamana ifyo ulesosa!”

<sup>87</sup> Umulumendo atile, te kale sana. Nalakweba pali cena. Atile, “Nshilesakamana nga kuti waleta aba mpwalonda ama kumi yasano, no kuleta ama doctors ama kumi yasano ku

kupelo bunte pali bena, nshilecetekela. Nshilesakamana nga kuti wa busha abafwa, pa ntanshi fye yandi, te kuti ncicetekele.” Mwamona, kuliko icintu icalubana na ulyo muntu. Kwaliba—kwaliba—kwalibako. Kabili—kabili, elo nomba, umuntu ali ni kapyunga, mwamona, mwamona, alingile ukuba kapyunga.

Lelo pantu fye ukutula akabungwe kalya takacetekela mu—mu maka yakwa Lesa, takacetekela ukutula (Icebo) Cipilibula filya fine fye ifyo Casosa, umuntu abutukila muli ici cipinda, ica kale icalamba, ica fiko, icipinda ica kowela ica kabungwe, no kukana icikabilila kabili ne myengelele ipelo Mweo wa Mupashi wa Mushilo, Yesu Kristu, uyo waba cimo cine mailo, ilelo, no muyayaya. Kanshi kulingile kwaba icintu cimo icalubana naulyo muntu. Mwamona?

Kuti atemwa ukwikala muli kulyo kulamba, imfifi, kabili na fimbipo, ukucila ukwikala mu Lubuuto ulwakwa Lesa kabili na Baibele ilyo yasosa kutila “Yesu Kristu aba cimo cine mailo, ilelo, no muyayaya. Imilimo iyo Ncita na imwe mukacita. Iya cilapo ukucila iyi mukacita, pantu ndeya kuli Tata.” Kuliko icintu cimo icalubana na ulyo muntu. Ukwabula ilipusho, nangu limo, kuliko icintu cimo icalubana.

<sup>88</sup> Kabili kuli imwe mwe bantu abaleumfwa kuli ici, ukushinguluka isonde, konse kuntu muli. Kwalibako icintu cimo icalubana no kwishiba kwenu, ilyo mwasosa ukutula mwali temwa Lesa no kukana Icebo Cakwe. Kuli icintu cimo. Mulekana icintu cine. . . E mulandu wine ifintu te kuti, ulukuta luli mu mibele lwabelamo, kabili ifintu te kuti ficitwe nge fyo Lesa alaya, ni pa mulandu wa kutila te kuti mupokelele Icebo atemwa ukwenda mu Lubuuto. Baibele itila, “Katwende mu Lubuuto, nge fyo Wene aba mu Lubuuto, lyena Umulopa uwakwa Yesu Kristu, Umwana wakwa Lesa, ulatusamba ku lubembu lonse.” *Ulubembu* lwaba “ukukana cetekela.”

<sup>89</sup> Kanshi nga tuleenda mu Lubuuto ulwapelwa na Lesa ulwa ino nshita, kanshi Lesa alabula cilye Cebo icapelwa kuli ilya nshita no ku Cishininkisha.

Nga filya Acitile mu Kutendeka 1:3, atile, “Napabe lubuuto,” kabili ulubuuto lwaishile moneka. Icebo cakwe calile, kabili ulubuuto lwali Cikonkele, no kufumyapo fubefube. Kabili mfifi yaile ku cifutu cimo, kabili ulubuuto lwalibalike kulubali lumbi.

<sup>90</sup> Filya efyo Lesa acita ilelo. Alatuma Icebo Cakwe ica ino nshita, kabili Umupashi wa Mushilo ulesa no kulenga cilye Cebo ukuba no mweo. Kabili imfifi ilaya ku fisumino fyabo ne filonganano, lelo Ulubuuto lulabalika pantu cena Cebo cakwa Lesa icileshininkishiwa ukutula Icebo Cakwe ca Cine. Nomba, takwaba nangu cimo ica tushimi palwa cilya, cilya caba fye filya fine mu Malembo. Cisuma.

<sup>91</sup> Nomba, tulesango kutila a—abantu abamano, abantu abamano aba Kale, bakonkele icintu icapelwe na Lesa. Bakonkele Icebo cakwa Lesa, ku Lubuuto, pantu cali Cebo icaletele Umweo. Nomba mulesosa, “Musango nshi bakonkele?” Cisuma, bena bali, abapala, magis, tulomfwa.

<sup>92</sup> Elyo kabili tulesango kutila Baalamu, kasesema, kunuma mu Mpendwa 24:17, Baalamu ali nga magi umwine. Ali ni kasesema, mucine, kabili aliseseme umu kabili atile Ulutanda lukema ukufuma muli Yakobo.

Kabili ilyo aba bantu aba mano bamwene ukutila Icebo cakwa Lesa casosele ukutila Ulutanda lukema ukufuma muli Yakobo, bakonkele cilye cishibilo icapelwa na Lesa ku ntulo ya Lubuuto ulwa Muyayaya.

E ico eflyo abantu aba mano bali no kucita ilelo, abo abashapofushiwa ne fisumino, bakakonka ico ica pelwa na Lesa, Icebo icalandwa mpaka bakamone ubutuntulu bonse ubwa Maka yakwa Lesa ukulabalika muli ino nshita. Bena, balacimona, kabili balishiba ukutila caba muno mu Malembo. Lesa ali cilaya kuli buno bushiku.

<sup>93</sup> Te mulandu impendwa ya fya kumwenamo, impendwa iya fintu fimbi, baebele abantu aba mano, “Cinshi, na mifulungana mu mano!” Imyaka ibili bali pa lwendo. Balipitile mu nko ishing, kabili kuti basosa, “Nikwisa uko muleya?”

<sup>94</sup> “Owe, natumona Ulutanda Lwakwe ku Kabanga, kabili twaisa muku Mushinshimuna.”

Kabili ilyo bafikile mu Yerusalemu, kucifulo icikalamba ica filonganino, tabakwete ubwasuko. Baleenda enda mu misebo, ukubilikisha, “Ali kwi, ufyelwe Imfumu yaba Yuda?” Tabaishibepo nangu cimo palwa cena.

E ico, baitile pa Cebo, ku kusanga. Balikonkele, balishibe ukutila lulya Ulutanda lwalebatungulula ku Lubuuto ulwa Muyayaya. “Tutungululeni ku Lubuuto Lwenu Ulwapwililika.” Kabili Icebo e cimumtungulula ku Lubuuto, kabili Ulubuuto e lulenga Icebo ukushininkishiwa. Moneni, bali abantu aba mano.

<sup>95</sup> Kabili umuntu uwa mano ilelo, te ma-. . . “Amano aya ili sonde ya buwelewele kuli Lesa.” Kabili ba scientist benu bonse, kabili imwe mwe bantu abaleshintilila pa masambililo yamo aya pa mulu, atemwa icintu cimbi, ukumweba ifya kupatulanya akantu akanono; te kuti ci mupele Umweo. Takwaba nangu cimo icinga mupela umweo kano Icebo cakwa Lesa icalandwa. Kulya fye kweka eko Umweo winga fumina, cabo kupitila mu Cebo Cakwe icalandwa.

<sup>96</sup> Kabili cilya cili fye bwino, ukwishiba ifya kwakanya akantu akanono. Ndekabila nga tabatalile ukucisanga. Lelo

nga bena... Balingile ukucicita, pantu lino isonde lyalikala ilelo... Calingile ukucitika, ku kutula ifilindi ifikulu mu mushili, ku kuleka umulilo ukafume no kuwamye li sonde nakabili, ku kupanga isonde lipya; uko abalungami bakenda pa mito ya babifi, mu Millenunium, uko lubembu talwakebukishiwe. Ifintu fyonse fyalikwata umusango wa kuilenga icipya. Kabili umuntu, uyo wapelwe ukwikala pali ili sonde, ku mano yakwe, ukusenda icimuti ca mano mu cifulo ca cimuti ca mweo, akonaula isonde ilyo Lesa amupele ukwikalamo. Lelo balya abacili ku muti wa Mweo, bakesa ku myulu ipya ne sonde lipya, uko kushaba amalwele atemwa imfwa. Ulubuuto! Ulubuuto, Shikulu, tutumineni Ulubuuto.

<sup>97</sup> Cali ni ba Malaika bakwa Lesa abo abalangeshe ulubuuto pa lupili, ku kutungulula bakacema ku Lubuuto ulwa Muyayaya. Mwamona, lwishila fye no Lubuuto. Umweo kuti waishila fye ku Lubuuto. Bakacema, ukufwaya ukwishiba. Namwishiba, ilyo imfumu yafyalwa, balakwata ukwimba, ukusangalala ukukalamba, ilyo imfumu yafyalwa. Nomba, Alifyelwe mubumfisolo nganshi, kabili afyalilwe mu mukondo, mu—mu malimba umo ingo'mbe na bakabalwe fyaelilila, lelo nalyo line Ali ni Mfumu. Kabili—ba Malaika balikile no kwimba inyimbo kuli ba kacema, mu Lubuuto.

Ba Malaika, abene, bali ama lubuuto abo abalangeshe pamo ne Cebo cakwa Lesa. Balikwete Icebo cakwa Lesa, kabili bali bebele, “Ilelo, mu musumba wakwa Dabidi, mu Betelehem, na mufyalwa Kristu Kapususha.” Ba Malaika balikwete Cebo, kabili Icebo caiishile no Lubuuto, ku kutungulula. Kabili bakonkele Icebo icaba Malaika, ku Lubuuto ulwa Muyayaya. Basangile Akanya kulya, na kapombwa mu nsalu, nge fyo Bena basosele. Pantu, mulemona, Umweo wishila fye no Lubuuto.

<sup>98</sup> Moneni, Ali Icebo ukulengwo Lubuuto, atemwa Aishileba Ulubuuto. Icebo muli ilya nkulo, Wene ali Icebo ca Lubuuto icailya nkulo, pantu bakasesema abakale balandile pali Wene, kabili pano Alishile no kushininkisha ukuti Wene ali Ulubuuto ulwa Cebo cakwa Lesa icalandwa. Mwamona? Fyonse ifyo bakasesema ba—basosele, fyalifikilishiwe muli Wene, mwamona, bakasesema kunuma uku ne Cebo.

Nge fyo Lesa ali pa ntendekelo, ilyo Asosele, “Napabe ulubuuto,” no lubuuto lwalishile.

Nomba kasesema atile, “Nacisungu akemita, ukufyalo Mwana. Bakamwita Ishina Lyakwe Imanuele, pantu Cikaba ni Lesa ukuba na ifwe.” Nomba, balicilandile, Icebo calile; lelo Wene ali Ulubuuto. Ni cinshi Wene Ali? Ukufikilisha. Aleluya! Ali ukufikilisha ukwa cilye Cebo. Ali ukusokolola ukwa cilye Cebo.

<sup>99</sup> Efyo caba ne lelo, Icebo cakwa Lesa nacifikilishiwa pa nshita! Cilya e Lubuuto. Ni Lesa ukuilangisha Umwine. Wene ali Ulubuuto lwe sonde.

<sup>100</sup> Kabili ilyo bakasesema, abaputwamo na Mupashi wa Mushilo, batile, “Kuli ifwe Umwana nafyalwa, kuli ifwe u—Umwana mwaume napelwa, atemwa umwana napelwa; kabili Ishina Lyakwe akenikwa ‘Kabilo, Cilolo wa Mutende, Lesa Impalume, Wishi uwa Nshita Pe,’” cilya cali palya. Ali ni cinshi Wene? Ulubuuto ulwa fikilishe cilye Cebo, amen, ulubbuto ulwafikilishe cilye Cebo.

<sup>101</sup> Muli Mateyo, muli Mateyo Washila icipandwa ca 28, tulesanga. Kabili ilyo Yesu abukile ku bafwa, Wene nao ali Ulubuuto ulwa Cebo icalandwa icakwa Dabidi, uyo uwasosele, “Nshakashe Umweo Wakwe kumbo; nangula ukuleka uwa Mushilo Wandu ku kumona ububole.” Imfwa yali mu mfifi. Lelo Aiswile Ifikakatikilo fya mfwa, kabili ukwenda muli cena, no kwisa bwela nakabili. Wene ali Ulubuuto, Icebo icashininkishiwa, ukutila abafwa kuti baba no mweo panuma ilyo bafwa. Efyo Ali.

<sup>102</sup> Pa Bushiku bwa Pentecosti, cilya cali Ulubuuto ulu lwamonekele ilyo Mupashi wa Mushilo waishile.

Esaya atile, mu cipandwa ca 28 icakwa Esaya, Esaya asosele ukutila, ati, “Ifunde pe funde; umulingo pa mulingo; akanini apa, akanini apa.” “Ikatisheni kuli co icawama.” “Pa kuti ku kulongofyanya kwa milomo kabili kululimi lumbi eko nkasosela kuli aba bantu. Kabili apa epaba ukutusha, iyi e Sabata ilyo nkapela kuli...kabili fyonse fi tabatemenwe ukumfwa; balitalwiweko, bapukwinye imitwe yabo.”

Kabili ilyo pa Bushiku bwa Pentekoste, ilyo Mupashi wa Mushilo wa wile pali balya bantu, kabili bacitile nga baume na banakashi abakolelwe, ukutalantanta ku maka ya Mupashi wa Mushilo. Kabili balitalwiweko no kupukunye mitwe yabo, kabili batile, “Aba bantu nabakolwa, na bekuta umwangashi upya,” kabili nafimbipo. Cena mucine cali Ulubuuto, Icebo ico calailwe, ukulengwo kumoneka.

<sup>103</sup> Efyo caba na mu nshita ili yonse, Icebo ukulengwa ukumonekela, caishile ku Mweo, e Lubuuto ulwa ilya nshita, kulya Icebo calengelwe ukumonekela. Nga filya cali mu Kutendeka 1, ilyo Lesa asosele, “Napabe ulubuuto,” kabili kwaliko ulubuuto. Ilyo Lesa asosele ukutila kukaba Umwana; kabili kwaliko Umwana.

<sup>104</sup> Ilyo Lesa asosele, Muli Yoele 2:28, “Panuma ya ifi fintu mu nshiku sha kulekelesha, nkapongolwela Umupashi Wandu pa bantunse bandi bonse; abana benu abaume na bana benu abanakashi bakasesema; na pa babomfi Bandi abaume napali bacishiko benu epo nkapongolwela Umupashi Wandu; abalumendo benu bakamona ifimonwa; abakoloki bakalota

ifiloto.” Kabili fyonse fi fintu ifyo alaile, ilyo Wena, Mupashi wa Mushilo wawile, cali Ulubuuto pali cilye Cebo. Ilyo Icebo calengele ukumoneka, lyena Caishileba Ulubuuto.

Wene e Lubuuto. Wene e Lubuuto ulu tulingile ukukonka. Wene e Lubuuto fye lweka. Ba Malaika basangile Ulubuuto, kabili bali lukonkele kuli Wene.

<sup>105</sup> Nomba, mu nshita shonse, Lesa alitantika ifingi ifya Cebo Cakwe kuli cila nshita. Lesa lyonse alatuma umuntu umo uko cilye Cebo cingengilamo no kulangisha Ulubuuto ulwa Cena. Ukutila, cila nshita, cila cita icintu cimo cine, lyonse cila cita cilya.

<sup>106</sup> Ali ukufikilisha, nge fyo nsosele, pali fyonse ifya Bulesa, amaka aya mushilo aya bakasesema. Bali milungu inono. Ilyo Icebo cakwa Lesa caishile ku muntu, Yesu atile, Umwine, ukutila ali umulungu. Mwalishiba cilya. Atile, “Nga imwe ku mafunde yenu yatila, kabili na bashinwe kunuma kulya, balibetile, abo Icebo cakwa Lesa caishileko, babetile ‘imilungu,’ kuti mwanjebaula shani Ine, pa kusosa, ilyo naxisosa, ‘Ndi Mwana uwa ulya Lesa?’” Mwamona?

Ilyo, Lesa wine Umwine, Uyo uwalandile Icebo ukupitila muli bakasesema, Ali ukumonekela ukwa cilye Cebo icalandwa. Kabili nga kasesema aitulwe umulungu, pantu Ali ukumonekela ukwa Cebo na cimbi icakwa kasesema, kuti mwaebaula shani Wene ilyo Ali icintu cimo cine? Wene ali Umwana wakwa Lesa, ngefyo Akesaitwa Umwana wakwa Lesa.

<sup>107</sup> Wene ali ni Mesaya uwalailwe akale uo isonde lyalelolelapo. Wene ali ubulayo bwakwa Mesaya ukulengwo kumonekela.

<sup>108</sup> Lolekesheni kuli Wene ilyo Aiminine kulya. Atile, “Nga nshile cita imilimo yakwa Tata, kanshi Njebauleni.” Mwamona? Lelo nga tekuti mu Ncetekele, cetekeleni imilimo iyo ndecita. Yena ilepelo bunte fintu Naba. Ilemweba ifyo Naba.”

Mulemona, ilye mpofu, inshita iya fita iyo baikelemo, balifililwe uku Cimona. Balifilililwe fye ukuciluka. “Inga Ena kuti aba shani Cilya? Kutu aba shani ena Umwana wakwa Lesa, ilyo afyelwe kuno kwine fye mu Betelehem?” Nga balishibe fye, Icebo Casosele ukutila Cali no kwisa muli ulya musango. “Cinshi, Wishi, Yosefe, nikapala wa mbao. Nyina, cinshi, calicetekelwa icine cine pakati kaba munyinefwe ukutila Afyelwe mu bucene.” Mwamona? Lelo nalyo line Icebo cakwa Lesa casosele filya.

<sup>109</sup> Atile, “Fwayeni mu Malembo, pantu muli Yena muletontonkanya na mukwata Umweo wa Muyayaya, kabili Yena E yalya ayanshimiko bunte Ifyo Naba. Yena eya



Nshimiko bunte, aya Malembo aya Mushilo.” Kanshi Wene ali ni cinshi? Ulubuuto ulwakwa Lesa. E mulandu wine Atile, “Ndi Lubuuto ulwe sonde.”

<sup>110</sup> Tasosele fye ukutila, “Ndi Lubuuto,” lelo Atile, “Imwe muli Lubuuto.” Nga Icebo Cakwe cili muli imwe, ukupelo bunte Iceine ceka, lyena muli Lubuuto ulwe sonde. Moneni, tulesango kutila, Ulubuuto ulwacila nshita ukulengwo kumoneka umusango umo wine.

<sup>111</sup> Kanshi ndefwaya ukwipusha ilipusho, nga...ilyo nshita yesu tailapwa. Cinshi, cinshi kanshi bena ba...bushe balicikene? Musango nshi benga cicitilamo, ilyo i...Baibele yabo ine, iyo balebelenga, yalengelwe ukumonekela ku ntanshi yabo. Nomba someni na maka sana.

<sup>112</sup> Nomba ibukisheni, ndelanda ku bantu abengi pali ino nshita, mulemona. Te iine atemwa imyanda isano muno, lelo nde-ndelanda ku makana ayengi.

<sup>113</sup> Leken i fye pali miniti fye. Shimyeni tape recorder yenu no kwipusha ilipusho. Cinshi umuntu uwa bukapepa, umuntu umusuma...Cinshi ico Yosefe engepushisha ilipusho? Mwamona? Cinshi ico Yo-...? Pantu tatalile ukufwaya fwaya Amalembo.

Cinshi ico ba shimapepo baipwishe? Umulandu umo tabacitile; bali cishibe. Nikodemu alicilangishe bwino bwino. Atile, “Rabbi, twalishiba Nimwe kasambilisha ukufuma kuli Lesa. Takuli umuntu uwinga cita ico Mucita kano fye Lesa ali nankwe. Twalishiba cilya.” Lelo cali ni cinshi? Intambi shabo shalibakenye ukukana cicitu.

<sup>114</sup> Kanshi cinshi ico bena, cinshi ico bakanine Mesaya? Ni pa...Cinshi ico bakanine lulyo Lubuuto? Ici pano Icebo ico baishibe calefikilishiwa, lelo ilyo Icebo calengelwe ukumonekela ku kulangisho kutila Icebo cakwa Lesa califikilishiwe, pashanyeni cilya no bushiku bwelelo. Mwamona? Ilyo kulya, ukulembwa mu Cebo, cilya cali no kucitika, kanshi cinshi ico balya bantu bacikene; bakasambilisha? Pantu baleikala mu kubengeshima ukwa lubuuto lumbi. Cilya e co. Baleikala mukubengeshima.

Cilye e cintu ico balecita ilelo. Bena baleikala . . .

Umulandu bacikene ni pa mulandu baleikala mukubengeshima kwa lubuuto lumbi. Mwamona? Nomba, baleikala mukubengeshima pa fyo Mose asosele, efyo balandile. Baleikala mukubengeshima kwa cinshi (inshita imbi) yapitilemo.

Kabili ulya e mulandu wine ilelo ukutila iyi Mbila, ukutila, “Yesu Kristu acili cimo cine,” yalikanwa, pantu abantu baleikala mu fyabengeshima fya nshita imbi. U mulandu umo wine, bali no Kucikana. Nomba tulemona.

<sup>115</sup> Kabili Webstar asosa, ukutila, “Ukubengeshima capala ngo lubuuto ulwa bufi. Ukubengeshima lubuuto ulwa bufi; icintu cimo cine cilebengeshima.”

Kwati—kwati mwengelele pa musebo. Nga mwaya mu musebo, mwe bengi imwe mwe bensha ba motoka, no kulolekesha ku ntanshi yenu. Ilyo mwamona kalya kasuba panshi, kalalangisho lubuuto, kabili ngo mwengelele, cikamoneka kwati pali amenshi pa musebo ponse. Lelo, nga mwafika palya, tapali nangu cimo palya. Cena ca bufi fye, umwengelele, ukubengeshima ukwa lubuuto ulwa cine.

Cilya eco ciwa alecita ilelo, alelangisha abantu umwengelele, Akabungwe kama Chalici, ibumba lya filonganino, ico cili no kwisaba ica bufi. Pantu, ni pa mulandu kwalibako Ulubuuto ulwa cine ululebalika. Lulyo Lubuuto ulwa cine talulebalika, umwengelele te kuti ubeko kulya. Ulubuuto ulwa cine lulabalika. Kabili cilya caba. . .Baleikala mukubengeshima ukwa nshita imbi, cintu cimbi, pantu lwali bomba no kupwa.

Nomba, ukubengeshima, uyu mwengelele wa bufi. Cena kubengeshima kwa kasuba.

<sup>116</sup> Kabili ulya e musango, bacitile cintu cimo cine, ukubengeshima ukwa bufi ukwa Lubuuto ulwa cine.

<sup>117</sup> Nomba, calishininkishiwe ukuba ukutila Wene ali Ulubuuto lwa cine. Wene ali Ulubuuto. Cinshi ico baishibileko Wene Ali Ulubuuto? Musango nshi mwingeshibilamo ukuti Wene ali Ulubuuto? Pantu Icebo ico calaiwe calengelwe ukumonekela ukupitila muli Wene, e ico Wene ali Ulubuuto ulwa cilye Cebo icalandwa. Ameni! Owe, cilya kuti canenga fye ine, ukuba pentekoste Baptist, ukubilikisha. Moneni, ukutontokanya pali cena!

<sup>118</sup> Ukubengeshima, mwamona, ukwikala mu kubengeshima! Lelo ilyo Icebo ica cine cili no Mweo, lulya e Lubuuto, ifyo Lesa asosele.

Nomba, nga cakutila Lesa nga lisosele, mu kutendeka, “Napabe ulubuuto,” huh, cisuma, kabili kwaishile monekela icintu cimbi, mwamona, umwengelele fye? Mwamona, nga tacali, nangula, eflyo Lesa asosele. Iyo, nga tacali filya. Inga cakutila Lesa atile, “Napabe ulubuuto,” kabili fubefube iingi yalishilemo? Mwamona, nga tacali ulubuuto. Lelo, umulandu ulubuuto lwaishile cali Icebo Cakwe ukumonekela.

Kabili ilelo, ilyo Lesa asosa ifintu ifya musango filya ukuti fikacitika pali ii inshita, kabili mulecimona ukucitika, (cena ni cinshi?) Cena Lubuuto pa Cebo cakwa Lesa. Cena Cebo ukulengwo ukubo Lubuuto, ukumonekela Icine.

<sup>119</sup> Nomba, batile, “Imwe Mutila ni fwe bani? Cinshi,” atile, “Muleesha uku. . .Twalishiba ukutila Walifulungana. Cinshi,

uuli mwina Samariya; Tawakwata amano ayatuntulu. Cisuma, Uli no kwesha uku...Nani uwingalanda... Twalishiba Wafyalilwe mu lubembu. Tatwaishiba uko Wafuma. Tatwakwata ilyashi ilya kwishibikwa Kobe mu mabumba yesu. Cinshi, Walifulungana. Walikwata iciwa.” Mwamona? Atile, “Cinshi, Iwe Walipena.” Lelo Wene ali mucine cine ulwa cine, ulubuuto ulwa cishinka ulwakwa Lesa, ukubalika.

Kabili ukubengeshima kwalilengele, amenso yabo ukukana mona. “Twalikwata Mose nga katungulula wesu!”

<sup>120</sup> Atile, “Nga mwalicetekele Mose, Nga Mwalinjishiba.”

<sup>121</sup> Kabili nga mwalicetekela Yesu kabili na Baibele, nga mwalishiba nshita iyo muleikalamo. Batila, “Cisuma, tuli Benakristu. Ifwe...” Nga mwali, nga mwalishibe imilimo yakwa Kristu iya bunu bushiku. Mwamona, nga mwalicishibe.

<sup>122</sup> Yesu atile, “Bonse balya bakasesema balandile palwa Ine. Kabili nga mwalicetekela balya bakasesema, cinshi, nga Mwalinjishiba ine. Imilimo yandi ileshininkisha. Pantu, ifyo basosele ukuti Nkacita, ndecita. Kabili nani uwinga Njebaula nomba palwa kukana cetekela?”

<sup>123</sup> Kabili nalyo line tabacimwene. Cinshi? Amenso yabo yalipofushiwe, no kubengeshima; mwamona, ukubengeshima ukwa cintu cimbi ico basendele kufyo Icebo icalandwa ica cine cali. Nomba tontonkanyeni pali cena. Tontonkanyeni pali cena. Basosele ukutila balicetekele cilye Cebo. Lelo intambi shabo shalipilibwile ifinso fyabo ukufuma ku Cebo ica cine, ku kubengeshima, e ico kanshi balifililwe ukumona icintu icituntulu.

Efyo caba ne lelo. Efyo cali na mu nshita ili yonse. Mwamona, i—Icebo ica cine cilabalika, lelo bali abakobwa nganshi mu ntambi, icakutila, tekuti bamone cilye Cebo. Balelolekesha ku kubengeshima, kabili nabapofula. Ukubengeshima kuli no kumupofwisha. Mulaba ukubyasha ukufuma muli kwena. Kuli no kumupofwisha. Kabili, kuli no kucita, ilyo...

<sup>124</sup> Yesu atile, “Muli mpofu, ukutungulula impofu.” Bena nga balicimwene, ukumona ifyo Wene ali. Lelo tabacitile, pantu baleikala muli kulyo kubengeshima.

<sup>125</sup> Nomba, ukubengeshima, nge fyo nasosele, lubuuto ulwa bufi, umwengelele, imimonekele iya bufi iya Lubuuto ulwa cine. Imimonekele iya bufi; cena cintu cimo ico—icilingile ukumoneka nga Cena, lelo teco Cilya.

<sup>126</sup> Nomba umusango fye umo uo bengeshibilapo ubupusano, pantu ifintu fine ifyo Yesu acitile fyashininkishe Fintu Wene ali, ukutila Wene ali Lubuuto. Batontonkenye ukutila bali mu Lubuuto. Lelo nga kuti mwaiminina fye pali miniti no kutontonkanya uyo uwaba mu Lubuuto, kanshi.

<sup>127</sup> Nomba, ilelo! Nge cilubo ica bipa ica musango filya calicetilwe ku bantu ba calichi ba bulya bushiku, icabipa ica musango filya calicetilwe, ba munyina, bushe ta muletontokanya ukutila ni nshita iyo tulingile twaiminina no kutontokanya Ulubuuto cinshi? Twipanga icilubo ica bipa ica musango filya. Lelo mulecicita. Na mucicita kale, mwamona, kabili tamwacishiba, umusango umo wine nge fyo bali lilya. Nomba iminineni fye pali miniti no kusanga ifyo Icebo cisosa palwa lelo.

<sup>128</sup> Nga baliminine no kutontokanya, “Pano Alefikilisha, umupwilapo, filya fine ifyo Icebo casosele Ali no kucita.”

Kabili Ali bashinine, nge fyo nde mushinina imwe! Mwamona? Mwamona? Nde mushinina imwe ku kulolekesha mu Cebo, fwayeni mu Malembo, moneni nga cakutila ino te nshita. Mwamona? “Fwayeni mu Malembo, pantu muli Yena muletontokanya ukutila na mukwata Umweo wa Muayayaya, kabili Yena Eyale Nshimiko ubunte.” Yena Eyale Shimiko bunte pali uyu mulimo ilelo. Imilimo ine ilepelo bunte ukutila na cicitwa, kabili Amalembo yasoso kutila cikacitwa, e ico cena Lubuuto ulwa nshita. Icebo cakwa Lesa efyo cisosa.

<sup>129</sup> Intambi shenu ne fintu caba filya fine ifyo Baibele yasosa, nga balya abapukwinye imitwe yabo no kutalukako. “Ama tebulo yonse yaisula amalushi,” efyo Baibele yasosa. Kabili palya e po babelele. Balifililwe ukucicetekela. Balipukwinye imitwe yabo. Kabili, mwe baume, bushe muleiluka? Kabili, ba munyina, bushe muleiluka ici, ukutila, ilyo mulekana icintu cimo cine ico Lesa aleshininkisha kuli imwe, ukutila mulecita icintu cimo ico bacitile, ukubwekela ku malushi yenu aya fya ntambi?

<sup>130</sup> “Nge fyo imbwa ibwekela ku malushi yaiko.” Nga yali ilengele ukulwala inshita ya kubalilapo, yakailenga ukulwala umuku wa cibili. Ngo lukuta lwa Katolika, pa kubo lwa bunganishiwa no kupanga akabungwe ka ntanshi, caletele ubulwele ku lukuta; efyo na Lutheran akacita, Methodist, kabili na bonse abashala, Baptist, Presbyterian, na Pentecostal. “Imbwa ilabwekela ku malushi yaiko, kabili kapoli alabwekela ku matipa yakwe.” Mwamona? Tuleisa kuli cilya mu ma miniti ayanono, Shikulu nga suminisha.

<sup>131</sup> Ukubengeshima, ukwenda mukubengeshima, mwamona, umwengelele, ukumoneka ukwa bufi ukwa Lubuuto ulwa cine. Ali shininkishe ukutila Wene ali Ulubuuto.

Pantu, Wene, pakuba mu. . . pakati pa banono, owe, mwe, ba million bale Mususha! Takwaliko impendwa mutanda iya bantu, impendwa pabula iya bantu, pe sonde, abatalile ukwishiba Wene ali pano. Takwali, ndemona, u—umwanda umo uwa baYuda, atemwa limbi amakumi yasano aya bena, atemwa amakumi yane ayabena, ntile, nalimo abanono ukucila

balya, aba mucalo cakwe Cine, abatalile ukwishiba Wene ali kulya. Kabili balya abaishibe ukutila Wene ali kulya, batontonkenye Wene icintu cimo ica bufi, pantu icilonganino calibebele ukutila filya efyo Wene ali. Mwamona?

Lelo nomba Wene ali Ulubuuto ulwa cine ulu lwalandilwe ukutula mu Kutendeka, mu ntendekelo, kabili alibepwishe ku kufwaya Amalemba no kusanga nga Taleikala muli ilya ine fye nshita; nga Wene, imilimo iyo Acitile, tayafikilishe filya fine ifyo ifyalailwe pali ilya nshita. Amen. Owe!

<sup>132</sup> Ifyo cabe cintu icikankala, munyina! Tuleikala mu nshita iyawamisha.

<sup>133</sup> Ashininkishe ukuba uwalungama. Ali Ulubuuto lwine ulu baleitunga ukutila baleshinshimuna. Baleitunga ukutila baleshinshimuna lulyo Lubuuto.

Kabili efyo caba ne lelo. Balaitunga ukutila baleshinshimuna cilya. Ba Pentecostal balaitunga cilya. Basoso kutila efyo baba, kabili balipofula nganshi te kuti balumone. Cinshi? Balabunganya, kabili, kano fye ukubengeshima mu cinso cabo. Mwamona? Ulutambi elo abantu bamo babika pamo, kabili batile, “Tuli no kuya no kupanga *ici* na *cilya*, kabili *ici* na *cilya*.” Nomba twalaisa kuli *ici* mulandu nshi cilya cicitikila, Shikulu ngasuminisha.

<sup>134</sup> Moneni, imilimo Yakwe yali Icebo Cine ica Mweo. Ico Acitile cali Icebo Icine ica Mweo, ukulangisha Wene ali lulyo Lubuuto ulu lwalailwe ukutula ilyo isonde lya tendeke. Wene ali lulyo Lubuuto. Ulubuuto Lwakwe pa Cebo ica bulayo ica nshita ca Cilengele ukuba no mweo kuli filya fine ifyo bulayo bwasozele Cali no kucita, lelo bena bali Cikwete ica pilibulwa nganshi mpaka balifililwe uku Cimona. Mwamona? Lelo Wene ali Ulubuuto ulwa ilya nshita.

<sup>135</sup> Wene ali Ulubuuto ulu basosele ukulapepa. Batontonkenye ukutila balepepa Lesa wine uwa Fyalengwa. Baleikala no kushinshimuna ukubengeshima, kabili Yesu atile, “Imwe mu Nshinshimuna apa fye, ukusambilisha kwi Sambilisho ifya ntambi shabo isha muntu, kabili te Cebo.” Wene e Cebo, kabili Wene ali Cebo ukulengwo kumonekela. Bena nga balicishibe.

<sup>136</sup> Ndesubila cilya kuti casabankanishiwa, ukuli konse cilomfwikwa, mwamona, ukutila cena Cebo ukulengwo kumonekela. “Owe,” mwatila, “owe, twalikwata Icebo.” Cinshi, Icebo, cila muntu ukusenda Baibele, uulefwaya ukucita. Lelo, ilyo Icebo cashininkishiwa, ukulengwo kumonekela!

Cinshi, mwatila, “Cisuma, twalicetekela!”

<sup>137</sup> Ee, mukwai, balicetekele, ukufuma fye lilya. Efyo na Satana acita. Balya ama Fariseo, ni nani uwinga bebaula, pa kukana cetekela? Lelo tabacetekele Icebo ica ilya nshita. Baleshinshimuna ukubengeshima ukwa cintu cimo.

E cintu cimo cine balecita ne lelo. Mwamona? Balesunga ifyakwa Luther ifya kuso—...intambi, atemwa-atemwa intambi shakwa Wesley, kabili na bonse abashala, ulutambi lwa Pentecostal. Lelo inga palwa nshita?

Aba Fariseo balesunga intambi shabo. Lelo kunuma ya ntambi shabo kwali Icebo cakwa Lesa ica cine caleisa mukubalika, kabili, ilyo Cacitile, Capofwishe amenso yabo. Balifililwe Ukucimona pantu balelolekesha icintu cimbi.

Efyo caba ne lelo! Lekeni Lesa alenge cilya cingile mukati, mpaka mucine cine cikwate apakwikala mu bantu abalingile ukucitetekela. Ni nomba line ukucila ifyo muletontonkanya.

<sup>138</sup> Umwana wandi, Billy Paul, alalanda ilyo alele mutulo, lelo takwata ifiloto ilingi line. Alikwete cimo ishinta imbi iya bushiku ica mutenseshe. Atile alotele ali mu calici, kabili—kabili bena...ni nshi nshilaingila nakalya.

Atile, ilyo naingilemo, umulilo waleaka ukufuma mu menso, kabili natile, “Inshita ili pano. Naipwa.”

Kabili cila muntu atendeke ukupunda. “Teti ncite! Abana bandi!”

<sup>139</sup> Kabili nangu mukashi wandi atile, “Tekuti ndete Sarah ku kulomba amapalo pe tebulo, kabili na fimbipo.” Kabili natile...

Atile, “Ningile ukuya mu kubula Loyce na—na kanya.”

<sup>140</sup> Natile, “Loyce te kuti ese nomba. Akanya kanono sana ku kwishiba. Billy, inshita naifika. Tulingile ukuya.” Natile, “Nipakati ka bushiku nomba. Ilyo takulaca, Yesu ali no kuba pano. Nga tacili, lyena ndi kamboni uwa bufi uwakwa Kristu.”

Kabili umuntu umu alilandile, atile, “Takuli umuntu uwa ishiba miniti atemwa ora.”

<sup>141</sup> Nshasosele ukutila miniti atemwa ora. Natile, “Inshita imo pakati ka nomba na kasuba.” Kabili natile, “Natu—natuleya.”...?...Natile, “Lelo tuli pa nshita. Natuleya.”

Kabili twalininine muli motoka, no kulaya, kabili twaleya pa mulu wa lupili. Kabili ilyo twacitile, camoneke kwati ulubuuto lwalefumina mu myulu, lelo apafita pe sonde. Atile nalyenseshe kumbali ya musebo, no kwimya amaboko yandi nge *fi*, umulilo ucili ulefuma mu menso yandi. Kabili atile nalisosele, “Shikulu, ni ncita ici pa cebo Cenu. Ni ncita ici pa mulandu wa kutila mwalinjeba ukucicita muli uyu musango. Ni ncita ifi fintu ukulingana ne fyo Mwanjebele.”

Kabili nasontelele kulupili ulukalamba ulwe libwe ilyakosa; kabili u—Ulubuuto, ukwabula iminwe, ya putwile Icilibwe ukufuma ku lupili, icafina ama tones imyanda, kabili ici Calishile. Natile, “Lolekesheni ku mbali; mwilolekesha

kuno. Calapwa mu ma miniti fye ayanono.” Atile, elyo imyumfwile ikalamba iya mushilo yaishile ponse, ilyo ici Cilibwe caleisa pa ncende.

<sup>142</sup> Kuti caba nombaline ukucila ifyo tutontonkanya. Kulya, mwamona, cilya caba fye mu Malembo, mulemona, “Icilibwe, ukwabule minwe, ukuputulwa ukufuma mulupili.”

Kabili e ico bumo muli ishi nshiku cili no kuba filya fine, ilyo muli no kubilikisha ku cintu cimo. Natile kuli bena, “Mwalikwete kale ilya nshita. Lesa lyonse ala musoka, inshita ne nshita. Ee.” Natile, “nangula nga cakutila mwana wandi wine, atemwa onse fintu ali, inshita naifika. Kuti nasosa fye ifyo Anjebele ukusosa, kabili ili no kuba kulya,” kabili efyo cali.

Kabili—elyo kabili, mukupumikisha fye [Munyina Branham atota indupi shakwe umuku umo—Ka.], Uyu pano aisa, “Icilibwe ica putwilwe ku lupili, ukwabula iminwe.” Daniele alimwene cilya, namwishiba, kunuma imyaka ingi iyapitapo. Billy taishibepo nangu cimo palwa cilya, lelo cena cali i—cali iciloto ica tuminwe kuli ena ukufuma kuli Shikulu.

<sup>143</sup> Nomba, mwamona, baleitunga ukushinshimuna ulya Lesa umo wine uo balesenteka. Kabili icintu cimo cine nacibwekela nakabili ilelo, ku mulandu umo wine, ku kwikala mu mwengelele mu cifulo ca Lubuuto. Ama lubuuto ayakalamba yalabalika. Cisuma.

<sup>144</sup> Lolekesheni mfifi iyo twabamo ilelo! Lolekesheni icilecitika ilelo! Lolekesheni ubupondo, ukwikata pa maka, ne fikansa! Cinshi, nacifikilishiwa. Ndecetekela cali ni Billy Graham uwasoesele, mukulongana kwakwe ukwa kulekelesha, “Mu myaka ikumi ukufuma nomba, cila muntu uwa mu California akulaenda ne mfuti ku kuicingilila abene. Te kuti mubike abakubombela pa mafunde abengi.” Abantu na bapena fye; ukulasa, ukwipaya, ukwikata pa maka, ifintu fyonse, mwamona. Fili ifyafulungana, mwamona, mu misebo. Mwamona, cena—cena bushiku ubo tuleikalamo, ubushiku bwa Sodoma. Mwamona?

Lelo kuli Ulubuuto ululebalika! Nga kuti balolekesha fye, nga kuti bamona fye, ukulolekesha mu Cebo no kumona ifyo cilingile ukuba muli ino nshita, balingile ukwishiba icileesha ukucitwa.

<sup>145</sup> Nomba, balaitunga ukushinshimuna lulyo Lubuuto, efyo na bena baleitunga ukutila baleshinshimuna lulyo Lubuuto, lelo baleshinshimuna mu kubengeshima ukwa lubuuto lumbi mu cifulo ica cituntulu. Mwamona? Wene ali lulyo Lubuuto.

<sup>146</sup> Ifisumino ne ntambi, mu mibele yabo iya bupofu, fyali bafumishe ukufuma ku Lubuuto ulwa cine ulwa Cebo icalaiwa. Icebo ico Lesa ashininkishe, kuli Yesu, Ulubuuto



ulwe sonde, lwalishile no kulenga cilye Cebo ukuba no mweo filya fine fye mu nshita Yakwe, filya fine ukulingana ne nshiku. “Akesa putulwa mukati ka milungu amakumi cinelubali, cilya cishinka, ico caba imyaka itatu na citika iya busesemo Bwakwe. Mesaya ali no kwisa, Cilongoshi, kabili kuti aisa sesema, kabili inshiku shitatu na citika iya ici, lyena kuti Aputulwako ukufuma ku ba mweo, no kucite cikonsolwelo.” Kabili caishileba filya filya fine fye. Ashimikile imyaka itatu na citika. Kabili kulya . . .

<sup>147</sup> Kabili Amalumbo yene ayo Dabidi asosele, “Lesa Wandi, Lesa Wandi, cinshi ico Mwandekesha?” Amalumbo 22, “Amafupa yandi, yalelekesha kuli ine. Balapukunya imitwe yabo. Bale Ncilila.” Imyaka imyanda cinekonse konse na makumi yasano, ilyo tacilacitika, ilyo Dabidi aimbile lulyo lwimbo mu mupashi, kabili calicetkelwe ukuba ubusesemo, no kupelwa. Baleimba shilye nyimbo mwi tempile ilyo Ilambo limo line lyatanikwe pa lupanda, na maboko Yakwe, no kulaswa. “Kabili balashile amaboko Yandi na molu Yandi.” Mwamona? Mwamona palya? Kanshi, cinshi? Baleikala mukubengeshima. Tabamwene Ulubuuto.

<sup>148</sup> Bushe kuti mwaelenganya umuntu uwa mano ukucita cilya? Ukucila ifyo ningelenganya umuntu uwa mano ukubutukila mu cipinda, no kwingila muli cimo, no kwisala ifibi fyakwe pamo, no kusosa, “ndekana ukumona ukutila kuli ulubuuto.” Cena bushilu.

Kabili bumupashi bwakwe na bufumapo, ku cifulo cimo, ilyo muntu amona ilya Baibele yalilaya *ici*, no kuimona ukuba iya mweo ku ntanshi fye yakwe no kulenga ukumonekela, elyo kabili ukutwalilila ukwikala muli filya ifisumino ne fintu kunse kulya kuba Cikana. Cena ni bucintala ubwa ku mupashi. Cilya cishinka nganshi.

<sup>149</sup> Uyu Ali apa nombamba. “Wene ali—Wene ali Ulubuuto ulwe sonde, kabili isonde lyalishibe . . . Aishile ku Bakwe Bene; Abakwe Bene ta ba Mwishibe. Aishile mwi sonde, kabili isonde lyalengelwe kuli Ena, kabili isonde talya Mwishibe.” Mwamona? “Lelo abo bonse aba Mwishibe, kuli bena Apele amaka bu kuba abana bakwa Lesa, kuli abo abacetekele muli Wene.”

<sup>150</sup> Ibukisheni, te kuti twikalilile no lubuuto lwa mailo. Ulubuuto ulwa mailo lwalipita. Talulipo nakabili. Lwena, ulubuuto ulwa mailo, cibukisho fye. Ulubuuto lwa kasuba ka mailo cibukisho fye, atemwa, lwena lyashi fye lyakale. Te kuti twikalilile mu lubuuto ulwa mailo, ta kuli nakabili. Kabili cimo cine, nangula cingaba kasuba kamo kene, akasuba kamo kene, lelo cila bushiku kalaletelako amaka yakako ukulabalikilako, ku kupisha uluseke ku kusombolwa. Mwamona?

<sup>151</sup> Akasuba kalabalika ilelo, kalakwatilako fye amaka. Cila bushiku nomba kali no kukwatilako amaka, ukukwatilako amaka, kabili mpaka mukulekelesha ingano, ili mulya, ili—ili no kusenda ubumi. Panuma ya kashita, u—ubumi buli no kwisa, elyo ukukwatilako amaka, ukukwatilako amaka. March, April, May, June, July, yaba mukusombolwa nomba, mulemona. Akasuba kamo kene akalebalika ilelo, mu—mu January atemwa December, akali kulya lubali ukubalikila pali yalya menshi makasa no kuyasungulula pali lulyo luseke, ukululetela amenshi; kasuba kamo kene, lelo ilye ngano te kuti ibe no mweo muli lulyo lubuuto lumo lwine mu June. Mwamona, te kuti lucicite. Mwamona, kasuba kalakwatilako amaka cila bushiku, kabili ingano ilingile ukupilako panono nakabili ku kupokelela ulubuuto lwa kasuba.

<sup>152</sup> Bulya e bwafya ubwabako ilelo. Uluseke ulwabyelwe muli bashifwe aba ntanshi, kunuma kulya mu—muli Luther kabili Wesley na balya, talwakulile; te kuti lubule Umwana. Umwana alalwipaya. Lwalikene ukukula. Mwamona? Lwaliluputwile. Lwaile ulwine ukufuma ku mupeti, kwati, kabili no kwisa *kuno* lubali no kuilenga ulwine akantu kaiko akanono. Lwaishileba icikapa, kanshi, kabili tamwali Ubumi muli lwena. Uluseke lulingile ukulakula no kulakoselako, ilyo Umwana akoselako cila bushiku.

<sup>153</sup> Nomba katulolekeshe fye pali miniti. Twalamona inshita sha lukuta. Kwaba inshita sha lukuta cinelubali. Kabili ngefyo shilye nshita sha lukuta, cila lumo, lolekesheni fye ifyo Alandile kuli bena icali no kucitwa, ifyo luseke lwali no kukula no kwisa pa ntanshi kuli ino ora ya kulekelesha pano, ino ora iya kulekelesha iyo tuleikalamo. E ico ne nkuta shilingile ukucite cintu cimo cine, mwamona, inkuta.

<sup>154</sup> Nomba lolekesheni, Luther abyele uluseke, kabili Luther ali uluseke kabili ali lubyele. Cisuma. Efyo na Wesley acitile; kabili, na bambi, efyo naba Pentecostal bacitile; efyo na ba Baptist bacitile, ba Nazarines. Lelo, mulemona, nomba Luther te kuti abwekele no kwikala mu lubuuto ulwa cilonganino ica ntanshi, Katolika. Iyo, mukwai; ali ulubuuto lumbi. Ulya ali ni Lesa ukupisha icintu cimo. Nomba abantu abanono balishile kuli cilya, kulyo kupuputulwa ukwa Lutheran.

<sup>155</sup> Elyo kwaishile ukupuputulwa kwa kwa Wesley, elyo kabili, muli cilya, cinshi, te kuti babwekele kunuma no kucita ifya ba Lutheran. Mwamona?

Elyo kabili kwaishile ba Pentecostal. Elyo kabili ba Pentecostal bali bungene no kucite cintu cimo cine, basendele icipapa. Mwamona.

<sup>156</sup> Lelo uluseke lulatwalilila. Nomba tuli mu nshita imbi. Cinshi ico te kuti ba Cipokelele? Cinshi ico te kuti bamwene ukutula uluseke na lupya? Ici pano Icebo ica bulayo ica bunu

bushiku. [Munyina Branham apampansha Baibele yakwe—Ka.] Cinshi ico taba Cimwena? Pantu baleikala mu kubengeshima kwa Lutheran, ukubengeshima ukwa kwa Wesleyan, ukubengeshima ukwa Baptist, ukubengeshima kwa Pentecostal. Baleikala mu kubengeshima ukwa lubuuto lumbi. Ulya e mulandu wine te kuti bapokelele Ulubuuto ulwa Cebo conse ukube ca shininkishiwa nge fyo Lesa alaile. Filye Fikakatikilo Cinelubali, uko inkama yonse yasokolwele, lwali no kwisa no kulanda umulandu ishi nkama shacitile filya fine; kabili, nomba, ilyo filya fyaisamo, balataluka nganshi ukufuma kuli cena ukucila lyonse. Tabakwete apa kubepesha.

<sup>157</sup> Lesa nacicita ukupitila mu Mupashi, ukupitila mu ma busokololo. Wene ali—Wene alicishininkisha bwino bwino, na sicence na fyonse ifyashala, ukutila cena Cishinka, ukutila cena Cishinka. Kabili nalyo line balefwaya ukwikala mu kubengeshima kwa ba Pentecostal, “Ndi Assemblies! Ndi Oneness! Ndi Church of God! Ndi *ci!*” Mwamona, ukwikala mu kubengeshima ukwa myaka amakumi yane, imyaka amakumi yasano iyapitapo. Ukwikala mukubengeshima kwa Lutheran. Ukwikala mu yakwa Wesley, iya Baptist, iya Presbyterian, Atemwa kumo kwa ba Nazarine, ukubengeshima ukwa nshita ya lukuta lumbi iyatwalilile no kubunganya no kucite cintu cimo cine, no ku kanasumina no kukana Ulubuuto lilyo Lwena mucine cine lulebalika.

<sup>158</sup> Kabili muleikala mu mwengelele. Ndesose ci nakatina, mwamona, lelo efyo muli; te ku mulenga ukumfwa ububi, lelo ukumushibusha. Muleikala mu mwengelele.

Nga cakutila Yesu, alisosele “Cinshi, muli mpofu, kabili muletungulula impofu”? Nga tabacitile. . . Alyeshe ukubeba; kabili tacitile. Atile, “Balekeni babe. Nge mpofu iletungulula impofu, bonse babili bakawila mu cilindi.” Ilya e nshita iyo mfikilepo! Nga bali no kuipununa, tapali ifyo ningacita. Ni ncita conse ico ninga cita. Ni ncita filya fine fye.

Ni ncita ici ku cebo Cenu, Shikulu. Imwe muli nte.

Ukutula 1933, kulya kumumana, ilyo lulyo Lubuuto palya mumona, lwabalike, Lwalishile muno mwine mu Tabernacle no kupelo bunte kuli imwe, yonse iyi myaka. Kabili ifintu fyonse Lwasosele fyalifikilishiwa. Kabili filetwalilila ukulacitika. “Lekeni impofu itungulule impofu.” Ndi no kulolela fye ilya ora; Ali no kufika, bumo muli ishi nshiku.

<sup>159</sup> Moneni, ukwikala mu kubengeshima kwa kwa Luther, ukwikala mu kubengeshima kwa kwa Wesley, ukwikala muli filye fya kubengeshima kunuma kulya, ulya e mulandu wine tekuti bamwene Ulubuuto ulwa cine. Nga kuti baiminina pa ma miniti ayanono, no kusenda fye Baibele no ku Ibelenga, kuti bamona ukutila i. . .ulu Lubuuto ulwalaiwa kuli ino nshita.

<sup>160</sup> Nomba twalasenda fimo ifi fintu muli miniti. Alilaya, ukulingana na Malaki 4, ifi fintu fyali no kucitika. Ali laya, monse fye mu Malemo, fyali no kucitika. Mwamona?

<sup>161</sup> Moneni Israele nao, cipasho cesu, mu bulendo. Lolekesheni, ukulya mana, ico cali Ulubuuto lwabo, Ubumi, iyo yabapele amaka, Ubumi. Bushe co cishinka? [Ulukuta lwatila, "Ameni."—Ka.] Israele te kuti alye mana ilya iyaponene mailo kuli bena. Yalyonaike. Yalibolele. Tayali isuma kuli bena. Kuti bafwa, kuli yena. Mana iyabapele ubumi mailo kuti yabepaya ilelo. Baibele isoso kutila yalekwata utushishi muli yena, ukonaika. Kabili mana, bale kwata mana ipya cila bushiku. Ameni.

Kabili cena ni cinshi? Abantu abekalila pali mana yakwa Luther, Wesley, kabili balelya kunuma kulya, mulelya ifintu ifyabola ifyo ifilemwipaya, ku mupashi. Ile mwipaya, ukufwa mu ntambi shenu.

<sup>162</sup> Mailo, mana yakwa Luther, te kuti ibombe kuli ba Methodist. Mana yaba Methodist te kuti ibombe kuli ba Pentecost. Mana yaba Pentecost te kuti ibombe lelo. Mwamona ico ndepilibula? Cila bushiku yaleisa, ubushiku no bushiku, iipya, kabili efyo Yacita na monse mu nshita sha lukuta.

Mana yakwa Luther yali mbila ya kulekelelwa. Imbila yakwa Wesley yali ukumonekela kwa kusangululwa. Pentecostal yali ukubwekesha kwa fya bupe. Lelo iyi ileishibisha Ilibwe ilya pa mulu, ubushiku bwa kulekelesha, Umuti wakwa Nabwinga, ico caba icapusana kuli yonse yashala, kabili nomba Yena yaba Ulubuuto lumo lwine ku bakalamba.

Nga kasuba kamo kene, akalebalika ilelo, kakesa pisha uluseke ku kulobolola ukwa mu July. Mwamona ico ndepilibula? Lelo Ulubuuto lwe lelo te kuti lucite icisuma nangu cimo kunuma kulya mu July. Kalabalika sana. Ingano nailako pantanshi; ili iya iteyanya ukulupokelela. Ameni. Mucine efyo cili. Balifililwe ukucisenda nomba; kuti lwacita nomba. Inshita tayali iyalinga, lilya; nailinga nomba.

<sup>163</sup> Te kuti mu kanye ifya cifyalilwa fyakwa Lesa. Alikwata ifunde, kabili, ukupusana na lilye funde, cilepaya icilimwa cenu. Mulingile ukwenda ukulingana na mafunde ayalandwa ayakwa Lesa, kabili amafunde Yakwe e Cebo Cakwe. Ifunde ilili lyonse cebo icalandwa. Kabili icebo litontonkanyo ukulangishiwa. Mwamona? Nomba ifwe—ifwe twalishiba ukutila cilya cishinka.

<sup>164</sup> Icimonwa ni cinshi? Icebo cakwa Lesa, atemwa icintu cimo ukulandilwa libela, atemwa ukulandila libela kwa cintu cimo. Kabili icimonwa ico bakasesema bakwete, na Yesu akwete, Paulo akwete, kabili na bonse abashala, no kulanda pali buno bushiku, cali ukulandila kabela pali ifyo ifikacitika. Kabili

pano tulemona ukulandilwa kabela ukulengwa ukumonekela, kabili abantu tabaciluka no kuciluka. Mwamona ifyo ndepilibula? Nomba, mana ya mailo. . .

<sup>165</sup> Lolekesheni. Bushe mwalitala ukumona, akasuba, a-k-a-s-u-b-a, kalyenda, ukufuma ku Kabanga ukuya ku Masamba, ilyo kenda cila nshita. Bushe mulamona cilya? Kabili, moneni, inshita sha nkuta sha citile cintu cimo cine. Cinshi? Akasuba, a-k. . . a-k-a-s-u-b-a, katendekele ku Kabanga. Kabili ubuya ntanshi bwaenda pamo nakasuba, ulubuuto ulwalandwa ulwakwa Lesa ulwa kuli bena ku kwikalamo. Balisa baleenda, ukukonka akasuba, ukumona uko kaleya.

<sup>166</sup> Ubumi bwine, nga mwafyalwa, bwaba nga kasuba. Mulaya pantanshi, ukuya fye pa ntanshi, ku kwingila kwa kasuba, ukutula ku kufyalwa kwenu mpaka ku kwingila kwa kasuba.

<sup>167</sup> Umuntu alyenda ukuya ku masamba, lyonse fye. Ubuyantanshi ubwa kale sana ubo twakwata ni China, mu fyalo ifya ku kabanga. Yerusalemu. . . Kabili, moneni, kalatwalilila ukwenda ukuya ku masamba ilyo kaleya, kabili ilyo kaleya pantanshi no kutwalilila, ukuya ku Masamba.

<sup>168</sup> Efyo ne nshita ya lukuta yaenda umusango umo wine, ku M-w-a-n-a wakwa Lesa. Lolekesheni, Paulo, ulukuta lwa ntanshi, lwatendekele ku Kabanga; lwaile ukufuma kulya, lwatolweke ukuciluka be-be-be-bemba, ukuya mu Germany. Lwapanga ukutinta ku tatu. Lolekesheni kuno. Ukufuma ku Asia, ukuya mu-mu Palestine, lwalitolweke ukuciluka bemba ukuya ku Germany; ulya ali ni Luther. Kabili lwalitolweke ukufuma kuli Luther, ukupita mu English Channel, ukuya mu England; na Wesley. Kabili ukufuma kuli Wesley, lwalitokele ku Lulamba ulwa ku Masamba, ku United States. Kabili ici, nga mwatwalilila ukuya pa ntanshi, luli no kubwekela ku Kabanga nakabili. Ino ni nshita iya cungulo bushiku.

<sup>169</sup> Lolekesheni ifyo inshita ya lukuta yalwisha. Luther. . . Paulo, intanshi, kunuma mu nshita ya kubalilapo; elyo lwaishile kuli Iren-. . . kuli Irenaeus, kabili na bambipo; ukuya mulya mu France; ukufuma kulya, ukuya mu Germany; ukuya mu England; lyonse ukulaya ku Kabanga.

Kabili nomba te kuti tutwalilile ukuya pantanshi. Ino ni nshita ya kulekelesha. Kabili cinshi ico Baibele isosa pali ino inshita ya kulekelesha? Mwamona, palwa mpanga, abasange fintu ifya kale, kabili mupepi fye umusango uuli onse mulefwaya ukucisendelamo. Mu Malembo, intanshi; Amalembo, ntile, intanshi. Icishininkisho, mu malyashi ya kale, umusango onse mulefwaya ukucisendelamo, tuli ku mpela, inshita ya lukuta ya kulekelesha.

<sup>170</sup> Kabili, moneni, ilyo lwaleya pa ntanshi lwaishile kwatilako amaka kabili na maka. Kabili efyo ulwa cine, abanono abacepesha aba Lukuta bakula ukufuma

kukulekelelwa, ukusangululwa, ulubatisho lwa Mupashi wa Mushilo, kabili nomba ukwisa kwi Libwe ilyakwisalilako, ukulacepelako ulwine. Takuli nakabili utubungwe panuma ya ici. Takwakabeko natumbi. Mwamona, te kuti cibe, mwamona, tuli ku Masamba.

<sup>171</sup> Ukumulangishako, ukupita muli fyonse fi fipasho ne fintu fyonse ifyashala. Kabili lolekesheni kuli bulyo bupyungishi butatu ukutinta kutatu. Twalaisa muli cilya mu bushiku, mwamona mwamona, ifyo tuli ku nshita ya kumpela. Cena cili fye. . .

<sup>172</sup> A-k-a-s-u-b-a kalyenda ngo M-w-a-n-a; U-m-w-a-n-a nga k-a-s-u-b-a. Ulukuta lwaisa ku cintu cimo cine, ukufuma ku Nshita Sha Lukuta Cinelubali, kabili na fimbipo. Ubuyantanshi bwaliya ukufika ku Masamba, kabili Ulukuta lwayenda ukuya fye ku Masamba. Kabili nomba nga kuti twailako pa ntanshi ukucila ifyo tuli nomba, tuli no kubwekela ku Kabanga nakabili. Mulesha Ululamba lwa ku Masamba, muleya ukubwekela fye mu China, Japan, ukubwelelamo nakabili. Ba mailoshi amakana cinelubali ukuciluka, mulebwekela fye ku Kabanga nakabili. E ico, Akabanga na Masamba na fikumana, epela fye pali cena. Tuli kumpela. Takuli nangu cimo icisheleko.

<sup>173</sup> Kabilii icintu cimo cine nacicitika, ilelo, icacitike kunuma kulya. Icintu cimo cine cili ku Masamba ico cali ku Kabanga. Abantu ukwikala mu kubengeshima ukwa lubuuto lumbi abo abali mucine cine ukweshwa ku kulangisha Ulubuuto ulwali no kwisa, kabili bali Lukene, pantu balikwete ukubengeshima mu cifulo ica Lubuuto. Owe! “Kabili kwali Ulubuuto ulukalamba mu mpanga ya Benafyalo; Sebuloni, Naftali; uwa ku Galili, . . . mu Galili, impanga ya Benafyalo.

<sup>174</sup> Iyi ni nshita ya lukuta ulwalenga cinelubali. Ibukisheni, kabili cila nshita ilyo kalya kasuba katendeka ukubalika ku Kabanga e kasuba kamo kene akabalika ku Masamba. Kabili Umupashi umo wine uo waliko ukupita fye monse mu nshita, nga filya, e Mwana umo wine ilelo. Kano fye, cena ni cinshi? Kwati fye ukupisha, inshita iyene. Akasuba akaliko nomba, kakaba akasuba kamo kene ako akapisha uluseke ku mpela ya uno mwaka, iyi nshita ya lusuba, mwamona, lelo (cena ni cinshi?) ni aka kasuba ukubikapo ifyo kakaba. Kabili ilelo, muli ino nshita ya kulekelesha, e fintu bali, ukubikapo Ici.

Kabili nomba balefwaya ukwikala kunuma kulya, ngo mwipi, ukuya mukati ka cena cibi, ica kale icishili icilo- . . . icipinda ica kale ica cilonganino ne fisumino, no kutinta ifipembe fyabo panshi, no kusosa, “Ndekana fye uku Lumona. Cena ca buwelewele.” Kabili ilyo Baibele iine, iyo basoso kutila balicetekela, ilelangishiwa ku Mupashi wa Mushilo umo wine ukuleto Lubuuto mu nshiku sha kulekelesha!

<sup>175</sup> Bushe na mumona? Kabili lolekesheni mupepi sana mulya muli Malaki, ifyo atantike cilya, “Icitetekelo ica bashibo ku bana, kabili abana kuli bashibo.” Mwamona, Umupashi umo wine ulyo Waimine kunuma kulya, efyo Uleima kuno nakabili, icintu cimo cine. Mwamona, imbali shonse, filya fine, ukutantikwa nga filya kunuma nakabili. Pantu, cinshi? Akabanga na Masamba na fikumana. Filya fine fye pantanshi ya finso fyesu, kabili nomba tabacimona. Cinshi? E mulandu wine Yesu atile, “Balekeni babe beka, nomba. Bena ni mpofu, ukutungulula impofu, bonse bakawila mu cilindi.”

<sup>176</sup> Ulubuuto ulwa nshita shimbi lwasanike fye ulu Lubuuto. Mwamona? Akasuba ilelo kasanikafye, e kusanika kwa kasuba ako aka kakabako uyu July atemwa August, nga Lesa...ku kusombola. Kabili Umwana, wakwa Luther, Martin Luther, na Wesley, na Sankey, Finney, Knox, Calvin, Moody, na bonse abashala, balya bantu abakalamba kunuma kulya abakwete lulyo lubuuto; na John Smith uwa Baptist church, na Alexander Campbell, Campbellite church, kabili na bo abetwa Abasambi bakwa Kristu, Ulukuta ulwa Bwinakristu, kabili na yambi amashina ayo babakwatila. Bonse balya bantu kunuma, mu nshita shabo, balelangisha fye ifyo Cikesaba kuno ku mpela.

<sup>177</sup> Elyo kabili kuno, abana, lilya line panuma ya balya abatampile, finshi ifyo bacita? Tabaikele pa mupeti. Balifumine kuli Wene no kuipangila abene akacipapa akanono kunse kuno. Icili, mulataluka ukufuma ku ntulo iine iya Bumi, tamukwete Ubumi. Nga mwafumyako icipapa ukufuma ku cintu, no kucibyala umu mu mushili cili no kwikala mulya no kubola. Kabili na imwe efyo mwaba, ukweshya ukulya mana iyabola ukufuma muli shilye nshiku.

Ukulobolola na kufikapo! Yesu nakwata itebulo iyateyanishiwa, uko aba mushilo bakwa Lesa balishiwa pa cakulya icapya ica buno bushiku, ku Lubuuto ulwa Mbila nsuma ululangisha no kushininkisha ukutula Ali pano ilelo. Ameni. Aba mushilo balya umukate.

<sup>178</sup> Tontonkanyeni fye. Icipapa ica kale ica mailo, mwamona, mwi cibyala kunuma uko. Calibola. Te kuti cicite, te kuti cikale pamo na cena. Iyo, mukwai. Tacakacite icisuma nangu cimo. Te kuti cikule. Cakwata Ubumi; kabili Icebo e Mweo. Cilya cishinka. Icipapa cilafumako, utumwefu utunono utwakale tulasusukako, ne fintu nga filya. Tulailonganya utwine no ku kususukako. Cilakana ukutwalilila pamo no Bumi.

Lelo Lubuuto lula Cilangisha. Owe, mwe! Ee, mukwai.

<sup>179</sup> Mailo, owe, mwe, ifyo tulingile ukumona cilya! Mwamona, cilya, ifintu ifyabola ifya mailo, mwi filye lelo. Mwamona? Nafikwata imititi muli fyena. Mwalishiba utumititi utunono



efyo ntwita? Nshaishiba. Ine—nshaishiba sana palwa bumi bwa tushishi, lelo nalishiba ifwe lyonse twaletwita utumititi. Tulengila mu cintu icili conse nga cabolako panono. Mwamona? Nshicifwaya lyena. Nga na mwikushiwa na cena, twalilileni, lelo ine iyo. Lelo ibukisheni. . .

Mutla, “Lyena cinshi cawamine mailo?”

<sup>180</sup> Nga mwalishibe fye ukutila akamusonga kene akanono akali mu ngano pa ntendekelo, nga kaikala mu luseke, kalalenga uluseke uku kulilako. E kantu kamo kene akalenga iluba lyangano, ecaliko mailo; lelo nga kaipatula akene ukufuma ku luseke, kabili nga talulepya, lyena kalafumapo. Mwamona? Lelo nga kaleya ukupita mu butantiko, mu butantiko ubupelo bumi, ilyo kalefwa kalaipilibula mu cintu cimbi no kupanga uluseke. Nga tacili ifyo, ni kwisa uko cifumina? Ameni. Mulecumfwa? [Ulukuta, “Ameni.”—Ka.]

<sup>181</sup> Nga na Mfumu uwa ku England, inshita imo, aile ku company ikalamba iya mapepala, kabili atile kuti atemwa ukumona ba machine abapanga amapepala. Eico balimulangishe ba machine aba mapepala, imyaka ingi iya pitapo lintu balepanga cilya mu fya naka ne fintu, e ico basangile. . . ukupanga amapepala ukufuma muli fyena. E ico bena, cisuma, panuma ya kashita, aishile mu cipinda ico icishali nangu cimo lelo umwina ukulu uwa kale uwa fisamu ifya fiko, kabili atile, “Nikwisa uko ifi fyafuma? Ifi ni finshi? Owe,” aliipwishe.

I—i—intungulushi iya palya belebombela atile, “Ifi efyo—efyo tukapangilako amapepala ukufuma kuli fyena, ifi fisamu ifyafiko.”

Atile, “Filya, ukupangila amapepala?”

“Ee.” E ico alifililwe ukucicetekela.

<sup>182</sup> E ico panuma ilyo aile, umwaume abulile umwina umo wine uwa fisamu ifya fiko, no kufipisha mu mibombele imo, no kufifumya ifyasanguluka, ipepala ilituntulu, namwishiba, fyena fyali pitile mu mibombele no kufilenga ukuba ifituntulu. . . Kabili abikilemo icikope cakwe muli yena, no kuyatuma kuli ena, ukumonekela umwine muli ifi efyo aitle “ifisamu ifya fiko.”

<sup>183</sup> Nomba cilya efyo caba. Ifintu ifyafwa ifya mailo, imbila yakwa Luther, imbila yakwa Wesley, imbila ya Pentekoste, nga kuti yapita fye mu mibombele iya Mupashi wa Mushilo uwakwa Lesa ne Cebo icashininkishiwa, cili no kuleta ukumonekela kwa kwa Yesu Kristu, Imfumu. Ameni. Lelo nga mwacileka fye ukwikala, fisamu ifya fiko. Mwamona?

<sup>184</sup> Cilingile ukupangwa mu cintu cimbi. Luther alingile ukupangwa muli Wesley, kabili Wesley alingile ukupangwa muli Pentekoste, kabili Pentekoste ilingile ukupangwa muli

Kristu. Cilapita mu butantiko. Efyo ne Mbila nsuma yapita mu butantiko. Ilicitwa. Inshita yakwa Luther, iya kulekelelwa, twalicetekela cilya; iyakwa Wesley, iya kusangululwa, twalicetekela cilya, iya ba Pentekoste, iya kubwekesha ifya bupe, ifya Mupashi wa Mushilo, twalicetekela cilya, mucine cine. Lelo, fibikeni fyonse pamo, ni cinshi ico muli no kwisa naco? Yesu, cisuma, cimo cine mailo, ilelo, no muyayaya. Owe! Cili no kwisa fuma na Yesu.

<sup>185</sup> Ilyo muntu ali umwakufulila ifyela alepanga inyenjele, alakwata icipimino cimo ico abika muli yena. Ilyo aletantika icakubumbilako cakwe no kupongolwelamo icela cakwe, alabikamo ubutale, impendwa imo, icela impendwa imo, umukuba impendwa imo. Cinshi? Alishiba bwino bwino ubwingi bwa ifyo alingile ukubikamo, ku kupanga, ukuipela ukulila ukwalinga.

Kabili filya efyo Yesu acita na Nabwanga Wakwe. Abikilemo Luther mu bwingi bwa ifi, Methodist mu bwingi bwa ifi, na Presbyterian mu bwingi bwa ifi, Pentekostal mu bwingi bwa ifi, muli lwena. Lelo ni cinshi ico Alefuma naco?

Imimonekele Yakwe Umwine cena ni cinshi? Caba fye nge Mbila ya pyramid, mulemona. Ileya ilenina pa mulu, ici, ukwisa mu cacepesha, ne Libwe ilya pa mulu. Bukapyunga bwakwa Yesu Kristu, pe sonde, filingile ukuba cimo cine nga bukapyunga ubo Akwete, atemwa te kuti Ese kuli bwena. Kwati fye mutwe, ku nkasa. Umutwe. . . Inkasa te mutwe, lelo umutwe ulensha makasa, atemwa ulenga amakasa, ukuyeba ukwa kulola. Mulecumfwa? [Ulukuta lwatila, “Ameni.”—Ka.] Mu busuma, cena Lubuuto lwa nshita.

<sup>186</sup> Wesley ali Lubuuto ulukalamba. Nge fyo Asosele kuli Yohane Kabatisha, “Ali Ulubuuto ulukalamba ku nshita yakwe.” Mucine, efyo ali.

<sup>187</sup> Iyo. Ee, mukwai, ifisamu ifyawamishiwa. . . Atemwa, ifisamu ifya fiko ifya mailo, nga mwaikala muli ulyo musango, nacikwata. . . fili no kuba fye ifisamu ifya fiko inshita fye yonse. Calibombebe umulimo wa ciko, nge cakufwala lelo nomba casanguka icipepala.

Ukulekelelwa kwa bombele panshita ya luko, mu kulekelelwa kuli Luther, elyo caishileba ukusangululwa ukupitila muli Wesley. Kabili ukusangululwa kwabombebe pa nshita ya luko, mpaka caishileba ulubatisho lwa Mupashi wa Mushilo. Kabili ulubatisho lwa Mupashi wa Mushilo lwa bombele pa nshita yaiko; mpaka Mupashi wa Mushilo (icaba, kwaba fye Lesa umo) waisa mu Lukuta, kabili Ulukuta muli Kristu, kabili lulenga Yesu Kristu ukumonekela pe sonde, ifyo Alaile umu muli Baibebe. Limbi te kuti muciteteketele; te kuti mulenge ukucita cilya. Naba fye uwa mulimo pa Cebo. Mwamona? Cilya cishinka.

<sup>188</sup> Nomba mulecimona? Bushe mulemona cilya? Nga na mucita, cili no kuba nga u—umuntu inshita imo aile ku...munshita, aile kulya mu Wales, mukati ka nshita ya Welch, ukupututulwa kwa kwa Welch. Ibumba lya bantu baile kulya ku United States. E ico baile kulya, kabili batile balefwaya ukwishiba cikulwa nshi umo bakwatile uku kupuputulwa kwa kwa Welch. Imwe mwe bengi muleibukisha ukupuputulwa kwa kwa Welch, ukupuputulwa ukukalamba kwaishile pakati ka bantu ba—ba ku Welch mu Wales. E ico aba bantu, aba bakapyunga abakalamba aba kulu, kabili na fimbipo, baile ukufuma ku United States, bena bali ma doctors ba fyabulesa. Balefwaya ukuya kulya no kumona ifintu ifikalamba ifyo bacita, na mwishiba.

E ico baleenda mulya mu musebo, kabili batile...bakumenye kapokola umukote umunono uwaiminine pa cifutu, uwaleshingulusha mulanga, namwishiba, no kwimba u—ulwimbo mu munsoli, nga filya. Batile, “Cisuma, aleimba fye ulwimbo mu munsoli. Kuti twaya kulya, no kumumona, tumone ifyo alacita. Cinshi, tumwipushe ilipusho.”

E ico baile kuli Ena, kabili batile, “Mukwai, ni kwisa ukupuputulwa kwa kwa Welch kubebele?”

<sup>189</sup> Afulileko icisote cakwe; atile, “Mukwai, ukupuputulwa kwa kwa Welch kubebele *muno*,” mu mutima wakwe. Owe, cilya eco, ali ukupuputulwa kwa kwa Welch.

Mwe Lesa, nga kuti fye—fye twailuka ukutila tuli ukumonekela kwakwa Yesu Kristu, Icebo Cakwe ukulengwa ukumoneka. Mwaba ukumonekela kwa Cebo Cakwe. Mwamona?

Ni kwisa ukupuputulwa kwa kwa Welch kulecitolwa? Ci kulwa nshi kulecitolwamo?”

Atile, “Mukwai, kuli mu mutima wandi.” Ali ukupuputulwa kwa kwa Welch. Cilya cishinka.

<sup>190</sup> Kabili ilelo Lukuta lulingile ukuba Yesu Kristu mu mulimo pe sonde. “Pantu ndi no mweo, na imwe mukaba no mweo; kabili Umweo Wandu ukaba muli imwe. Imilimo iyo Ncita, na imwe mukacita.” Mwamona? Ulukuta lulingile lwaisa kuli cilye cifulo, nalo. Kabili Alilaya lwali no kucicita, kabili luli no kucita. Lulingile ukwisa muli ulyo musango. E ico, mulemona, cilya e cilecitika. Ifwe, tulingile ukuba muli ulyo musango.

Wene e Lubuuto.

<sup>191</sup> Efyo na Nowa ali Ulubuuto mu bushiku bwakwe. Wene ali Ulubuuto. Nowa ali lulya Ulubuuto. Ali Ulubuuto ku cinshi? Ukulenga Icebo cakwa Lesa, “Nkonaula umuntu pe sonde, uo nalenga. Kule cibwato, kabili na bonse abalekabila ukwisa muli cena bali no kupusushiwa.”

Nowa aendele kunse kulya, atile, “Kwaba inshila imo, kabili cilya ci bwato.”

<sup>192</sup> Batile, “Umukote uwafulungana ishilu.” Ali Icebo kulengwa ukumoneka. Nowa ali Ulubuuto ulwa ilya nshita, mucine ali. Ubushiku bwakwe, inshita yakwe, alyashishe Ulubuuto.

<sup>193</sup> Mose ali Ulubuuto ulwa nshita yakwe. “Mucine cine nka mutandalila,” Efyo Lesa asosele kuli Abraham. “Kabali nkeka, kabili nkafumya abantu Bandi, no kuboko ukwa maka, kabili nkalangisha amaka Yandi mu Egupti.”

Kabali ilyo Mose pa mulu palya akumenye cilye cimpusa ica lepya pa mulu palya, no kusango kutila NINE ali muli cilye cimpusa, Mose aile kulya, kabili ena ali Ulubuuto. Amen. E mulandu wine kuti asenda ulukungu, no ku luputila pa mulu no kusosa, “Leken pesa impantila pe sonde.” Alikwete Icebo cakwa Lesa. Cinshi ica citike? Ulukungu lwalitendeke ukululuka, kabili impantila shatendeke ukwisa mukumonekela. Aleluya! Cinshi? Ali ukumonekela ukwa Lubuuto ulwa Cebo cakwa Lesa, “Nkonaula Egypt.” Ali ni kasesema. Ico asosele caishile fikilishiwa. Ali Ulubuuto ulwa bulya bushiku. Ali Ulubuuto lwakwa Lesa.

<sup>194</sup> Farao limbi alikwete ifintu fyonse ifyo alefwaya ukukwata, kabili na bashala bonse, ba shimapepo bonse balikwete ifyo balefwaya, lelo Mose ali Ulubuuto. Cinshi? Alelangisha Icebo cakwa Lesa, ukumonekela. Lesa alilaya, “Nkabafumyamo, no kuboko ukwa maka, kabili nkaibulila ne Mwine ubukata.” Cilya eco Alecita.

Ulya e mulandu wine Mose ashininkishe ukutila kuti alenga. Te pa mulandu alefwaya ukulenga; lelo Lesa ali mwebele ukucita. “Kabali na cilya, ‘Kabiye ku lukuta, use, ‘Mailo...’” Shikulu Lesa acilanda fye kuli ine, ‘Senda ulukungu mulupi no kuluposela mu mulu, nge *fi*, kabili ufite.’ Tapali nangu cimo pano, lelo fili no kubako.” Amen!

Owe, ndesubila ta mulele. Owe! [Munyina Branham atote ndupi shakwe umuku umo—Ka.] Ukusokololwa!

<sup>195</sup> Atile, “Nintumwa. Lesa alisosele kuli bashifwe, mucine Ali no kututandalila kuno lubali no kutufumyamo. Ninjisa ukushininkisha kuli imwe inshita naipalama. Fumyenipo ifyo mwakwata. Natuleya!” Ee.

<sup>196</sup> Bamo muli bena batile, “Cisuma, ndecetekela. . .” Dathan atile, “Nshiletontonkanya kuli ukubutukila ukuli konse. Bonse tatulingile twasansamuka palwa ici.” Kabili camoneke kwati calafilwa, iine atemwa imiku isano. Lelo, cimo cine fye, calitwalilile.

<sup>197</sup> Batontonkenye. Baishile fuma no kusosa, “Twala mupola amabwe uyu Mose! Mufumyeni kuli ifwe! Tatulemufwaya mwi bumba lyesu—lyesu kuno.”

Mose alitwalilile fye ukuya pantanshi, nalyo line, pantu ali Umweo, ali Ulubuuto ulwa nshita. Ico akwete, cali ni cinshi? Lesa ukulangisha Icebo Cakwe icalaiwa ukupitila muli Mose, na Mose ali Ulubuuto.

<sup>198</sup> Eliya ali Ulubuuto. “Kabiye kulya no kuyaikala pali lulyo lupili! Ninjeba ba mwankole ku kulisha.” Ameni! Ee, mukwai.

<sup>199</sup> Alikile no kubwela na EFYO ASOSA SHIKULU. “Nangu umume tawakapone ukufuma ku Mulu mpaka nkawite.” Ameni! “Akasuba kuti kabalika, kuti mwaita amakumbi yonse, kabili no kucita icili conse ico mulefwaya ukucita, lelo nangu mume tawakese mpaka nkawite.” Ali ni cinshi? Ulubuuto! Aleluya! Ali Ulubuuto. Ulubuuto! Ali Icebo cakwa Lesa ukulengwa ukumonekela.

<sup>200</sup> Batontonkenye ukutila ali uwafulungana, ukwikala palya pa mulu. Alikwete aba kumulela balemulisha; kabili bena balefwa ne nsala. Balefwaya ukwikala mu ntambi shabo; twalilileni. Te Mose, atemwa te Eliya, aleikala mulya mwine mu Lubuuto. Ukwikala pa mulu palya pa mukuku, wa Keriti, kabili ukukwata fye inshita isuma; ukukwata ifyakulya, kabili no muntu umo uwa kumusakamana, ne fintu fyonse. Batontonkenye ukutila ali uwa fulungana, lelo ena ali—ena ali Ulubuuto.

<sup>201</sup> Batila, “Iwe, cinshi icacitika kuli ulya kakunkuluka wa mushilo umukote uo twakwete kuno? Cisuma, namwishiba ici? Umuntu umo alelunga ubushiku bumbi, kabili atile bali mumwene naikala pa mulu palya mumbali ya nshila, ukuya pa mulu pali lulyo lupili palya. Ndemona ulyo muntu umukote takwete nangu cimo nomba, pali ino nshita nomba.” Owe, iyo. Ali Ulubuuto. Ali Ulubuuto. Ali Ulubuuto lwakwa Lesa, mu bushiku bwakwe.

<sup>202</sup> Yohane, ilyo aishile pe sonde, kabili no kuya mu matololo ukuya kwata amasambililo yakwe ukufuma kuli Lesa, teku seminary. Ali no kwishibisha Mesaya. E ico ilyo aishile, Yesu atile, “Ali Ulubuuto ulwa leaka no kubalika.” Aleluya! Cinshi? Ali Icebo ukumonekela.

Esaya eflyo asosele. Cilya eco. Cilya cishinka. “Ali no kutuma ishiwi mu matololo, ukubilikisha, ukusosa, ‘Teyanyeni inshila yakwa Shikulu, no kulenga impongolo shakwe ukololoka, tambalikileni inshila.’ Ali no kubilisha, umo... ishiwi lya umo ukubilikisha mu matololo.” Uyu alishile. Ena ali ni cinshi? “Ishiwi ilya umo ulebilikisha mu matololo.”

Ena ni cinshi? Ukusokoloka ukwa Cebo, Ulubuuto. Lesa umo wine uwalandile mu Kutendeka; uwalandile ici, kabili ulu pano lwalishile Ulubuuto. Kabili Atile, “Napabe ulubuuto, ulwa kasuba,” akasuba kaishile monekela; alesosa Atile kukaba “ishwi lya umo ukubilikisha mu matololo,” ili lyalishile. Cali Ulubuuto ulwa nshita.

203 Atile nakabili, mu nshiku sha kulekelesha! Ameni! Cena Lubuuto ulwa nshita, ukubilisha mu matololo aya Babylon, “Fumeni muli wene mwe, bantu bandi, pa kutila mwikumako ku membu shakwe. Mwikumya kucishasanguluka cakwe! Talukeni kuli cena! Fulumukeni ku bukali ubuli no kwisa!”

204 Yohane asosele cintu cimo cine. “Akasembe nakabikwa ku mushila uwa cimuti.” Takwete amasambililo, talandile nga kashimikila. Alandile palwa nsoka, ne nkuni, ne fimuti, na maseembe, ne fintu, ifyo alemona, mu matololo. Takushiwe muli fimo ifi fikalamba, ifikulu, ifintu ifisuma ifyo bakwata ilelo, nge fyo bakwete muli bulya bushiku. Aishile no lulimi lwakwe umwine. Taimine no kusosa, “Mwe baume,” no kupanga yonse aya amabuta ayawama. Aishile isa, ukufuma mu matololo, ushasambilila kabili uwakalabana. Atile, “Mwitendeka ukutontontanya ukutula, ‘Naba kuli *ici* kabili naba kuli *cilya*.’ Lesa ali na maka aya kubushisha Abraham mu bana amabwe aya.”

205 Mwitontontanya pantu muli ba Methodist, Baptist, Presbyterian, ukutula na mukwata ukwikatilila ukuli konse pali Lesa. Lesa ali uwalinga ku kusenda ba cakolwa na bacilende ukubafumya mu musebo, no kucita abana bakwa Lesa ukufuma muli bena. Umuntu umo Akacumfwa, kabili umuntu umo ali no ku Cicetekela.

206 Atile, nacimbi, “Isembe nalibikwa ku mushila wa muti. Kabili umuti onse ushicetekela, ulatetwa no kuposwa mu mulilo.” E ico ilya yali e mbila yakwe. Ali Ulubuuto ulwa bulyo bushiku.

207 Yesu atile, “Ali Ulubuuto ulwaleaka no kubalika, kabili imwe pakashita akanono mwakabile ukwenda muli lwena.”

208 Kabili cinshi ico Yohane asosele, kasesema? “Naiminina pakati kenu ino ine nshita. Nshili uwalinga ukukakulula indyato Shakwe. Kabili lilya line fye nga isa Monekela, ndefumapo.” Owe, mwe! Pantu, Wene ali Ulubuuto.

Takwaba yabili atemwa ama Lubuuto yatatu, takwaba tune atemwa tusano utubungwe utwapusana. Kwali fye Ulubuuto lumo. Takwaba Methodist, Baptist, Lutheran, Presbyterian. Kristu e Lubuuto, kabili Ulubuuto e Mweo. Kabili Icebo icilangishiwe e Lubuuto ulwa nshita.

209 “Napabe ulubuuto, kabili pali ulubuuto.” Ee, mukwai. “Napabe Ulubuuto,” kabili lulya palya Ulubuuto! Alandile ukuti kukaba Ulubuuto muli buno bushiku, kabili kuliko Ulubuuto. Aleisa. Nalicicetekela. Lolekesheni ku mabulayo aya ino nshita. Owe, mwe!

210 Cila Lubuuto ulwatala ukubalikapo, ishi nshita sha lukuta, tulemona ifyo shena...Cena—cena cikope ica bulanda ku kumona, ukukana. Ukusokolola 3, ni nkвата ukulembwa pano, Ukusokolola 3, kabili ninjishiba ico—ico nacilasontelako lilya.

<sup>211</sup> Lolekesheni ku bulayo ubwa ino nshita, iyo tuleikalamo; Ulubuuto ulwakanwa. Cinshi ico bena? Bali Cikene kunuma kulya. Cinshi? Baleikala mukubengeshima. Cinshi ico balecita ilelo? Icintu cimo cine.

<sup>212</sup> Cisuma, uli—uli Mwinakristu? “Ndi Lutheran. Ndi Baptist. Ndi Presbyterian.”

Cilya tacilepilibula icintu nangu cimo. Kuti caba fye ukusoso ukuti mwali “kapoli, inkumba,” atemwa icintu cimbi ico mulefwaya ukuita mwe bene. Mwamona? Cilya, filya e fingi ifyo cipilibula. Nomba iyo—te kukana mupelo mucinshi, lelo nga mulecisenda iciputulwa ca ciko ica kucetekela fyonse, cilya cili fye bwino.

Nacipusha ilipusho, “Umwinakristu?” Cilya ni Kristu muli imwe. Kabili Kristu ngali muli imwe, lyena Icebo cili muli imwe. Elyo kabili nga Icebo cili muli imwe, ilyo Lubuuto lulebalika, musango nshi mwingafuma muli Lwena? Mwamona, lilya e lipusho. Cilya e cilipo nomba, Ulubuuto. Ulubuuto ulwa cungulo bushiku lulebalika. Icimuti cakwa Nabwinga cilepuka.

<sup>213</sup> Owe, ibukisheni, balitungwile cilya Cimuti icakale. Kabili ico makanta uputaula asha, maka—makanta uusenya alya; ico makanta uusenya asha, makanta umeng’anya alya.” Ifyo ba Methodist bashile, ba Baptist balilile; kabili ifyo ba Baptist bashile, ba Pentecostal balilya. Atile, “ici Cimuti cali,” Joel kulya “caliputwilwe ukufika fye panshi ku cishiki,” lelo alefwaya ukwishiba nga kuti caba no mweo nakabili. Owe, ee! Alisungile cilye cimuti. Alisungile cilye Cimuti, ee, mukwai, pantu cali ni Nabwinga Wakwe.

Kabili atile, “Nkabwekesha, efyo asosa Shikulu.” Cena ni cinshi? “Nkesa leta, fyonse ifyo ba Lutheran balile, naba Wesleyan balile, kabili na bonse muli bena. Kabili nkacibwekesha, pantu cicili mu mushila wa Cimuti.” Mwamona?

Cili mukati mulya mu mushili. Nga filya amenshi ayaile panshi, nge fyo nasosele pali nkashi, nayekala mulya. Kabili ipenga lyakwa Lesa likalila, ubushiku bumbi, kabili balya abasalwa ba Lutheran, Methodist, Baptist, abo abashakwete ica kucitapo nangu cimo na kabungwe akali konse. . .

<sup>214</sup> Luther tatalile ukubunganya nangu cimo. Moody tatalile ukubunganya nangu cimo. Cali ni lilya ibumba ilya ba Ricky, panuma yakwe, cilya ecacitile akabungwe, basendele icipapa. John Smith tabungenye nangu cimo. Tapali nangu bamo aba bungene; cali Lubuuto ulwa nshita. Luther, Wesley, atemwa takuli nangu umo muli bena; cali ni lilya ibumba panuma, ilyaishile, ilyapangile akabungwe.

<sup>215</sup> Umupashi wa Mushilo tawatalile ukubunganya nangu cimo mu pentekoste. Pentekoste caba ukwishiba, te



cilonganino. Tacabungenye nangu cimo. Owe, iyo. Lelo muntu uilumbula ukuba pentekoste, ali cibungenye. Cilya e cipapa kulya, ukufwa. Mucifulo ica kucibika pa cipepala, no kulenga icimpashanya icituntulu icakwa Yesu Kristu ukumoneka; iyo, baliifumishemo abene, e ico tabakwatapo nangu cimo muli Cena. Balekeni fye babe beka.

<sup>216</sup> Lelo tulesanga ukuti nomba, ulu Lubuuto, ici Cimuti, Kristu, nabamukana nakabili ku lukuta. Cinshi? Pa mulandu wa cintu cimo cine ico bacitile intanshi, ukubengeshima ukwa kale ukwa bufi ukwa malubuuto ya nshiku shimbi. Kabili “Wene aba cimo cine mailo, ilelo, no muyayaya.” AbaHebere 13:8 isosa ukuti eflyo Aba. Ali cimo cine ilelo nge fyo Ali lilya, pantu Acita icintu cimo cine ico Acitile. Icebo cimo cine, ulya Kristu.

<sup>217</sup> Umfweni, ndefwaya fye ukumusenda nomba, kabili lekeni ici cibe candi. Nshishibe, nga cakutila nalashimya cilya nomba atemwa iyo, mwamona, kuli ilya tepu. Nalacileka fye cikale palya. Mwamona? [Ulukuta lwasansamuka—Ka.]

<sup>218</sup> Ndefwaya ukumipusha icintu cimo. Lolekesheni, moneni ci. Mwamona, “Aba cimo cine mailo, ilelo, no muyayaya.” Moneni. Imilimo yakwe, iyo Acitile, ilailangisha iine. Nomba kutikisheni. Ilyo Aiminine palya, muli Yohane 14:12, Atile, “Imilimo iyo Ncita na imwe mukacita. Ukucila iyo mukacita, pantu Ndeya kuli Tata.” Nomba, Alicisosele. “Imyulu ne sonde fikapita, lelo cilye Cebo tacakatale ukufilwa.” Nomba nga tuli ku kupwa kwa nshita, nililali ilya “imilimo ikalamba” ilyo ikesa? Mwamona? Mwamona? Tuli pano. Tatukwete. . .

<sup>219</sup> Umfweni, nga kalenda iya Roman ili iyalungama, tukwete mutanda. . . tukwete imyaka amakumi yatatu na mutanda iya shalako. Cila imyaka amakana yabili, isonde lilesa ku mpela ya iko. Imyaka yakubalilapo amakana yabili, ukonaulwa na menshi; imyaka ya cibili amakana yabili, Kristu alishile. Iyi ni 1964 ileisa; imyaka amakumi yatatu na mutanda. Nomba, kalenda iya ntanda iya Bena Egupti isoso kutila tuli imyaka ikumi limo na cinelubali kunuma, “Yabe myaka ikumi limo na cinelubali pantashi kuli ilya,” cilya kuti kwashala imyaka ikumi limo na pabula iya shalako.

Yesu atile, “Umulimo ukepifiwa, pa mulandu wa Basalwa, nga te ifyo nga takwali umuntu nse uwinga pusushiwa.” Tubelele pesa?

<sup>220</sup> “Imilimo iyo Ncita na imwe mukacita. Iya musango umo wine, lelo ikalamba, eyo mukacita.” Nomba moneni. Umfwikisheni. Beni pa yenu. . . Ndepepa ukutila Lesa alaisula umutima wenu na mano yenu, ku kwiluka, pa kutila kuti mwailuka ukwabula ukusose fingi pano. Moneni. Atile ubushiku bumo.

Katumone imo “ikalamba” imilimo iyo Acitile. Natwiminine fye pa fintu fimo ifinono. Natutontonkanye.

Inshita imo, Atile, “Bapeni fimo ifyakulya.”

Batile, “Tatukwete nangu cimo.”

Batile, “Ni cinshi ico mukwete? Mpeni ico mukwete.”

Kabili batile, “Tukwete imikate isano iya barle ne sabi libili.”

Atile, “Fileteni kuli Ine.”

<sup>221</sup> Kabili Abulile iyalipo imikate ya barle isano no kutendeka ukumokaula imikate. Kabili, ukufuma ku yakubalilapo, Apangile umukate. Yalishishe amakana yasano. Bushe co cishinka? [Ulukuta, “Ameni.”—Ka.] Elyo Atile, kabili Abulile sabi, “Mpeni isabi.” Lyali lisabi, icakubalilapo. Kabili Abulile, lilye sabi, isabi limbi na limbi isabi, no kulisha amakana yasano. Bushe co cishinka? [“Ameni.”]

Lelo mu nshiku sha kulekelesha Takwete nangu cimo. Asosele fye, kabili atile, “Sosa ukuti calaba palya,” kabili cali palya, ukwabulamo nangu cimo muli cena. Tatalile ukukwata akapale; takwali nangu kamo kulya. Asosele fye, “Napabe,” kabili epo kali. Mwamona? Owe, Icebo Cakwe calipwililika, kabili Cilingile ukufukilishiwa.

<sup>222</sup> Kuti namweba ifintu ifinga mutensha. Mwamona? Cili palya ilyo Asosa ukuti cili palya. Lekeni Acisose. Mwamona, filya fine.

<sup>223</sup> Mwamona, Akabanga, Amasamba pano na yabwela no ku kumanya Akabanga. Cali ni Mose, abulile no musensenga, no kusosa, “Nakube impantila,” kabili na fimbipo nga filya, “pe sonde.” Lelo muli buno bushiku bwa mpela Talebula nangu cimo; mwamona, Icebo fye. “Napabe,” kabili kwabapo. Cena ni cinshi, ulya e musango cili no kubelamo.

Ndefwaya ukupelo bunte pali fimo ifya filye fintu mu bushiku, mwamona, mwamona, ifyo ifyacitike, kuti mwamona ukutula Acili ni Lesa. Ifyebo Fyakwe te kuti . . .

“Iyi imilimo iyo Ncita na imwe mukacita, kabili ikalamba ukucila iyi mukacita. Nabalile sabi ku kupanga isabi; imwe ta mulingile no kukwata isabi.” Mwamona? Wene acili ni Lesa, acili Umwana umo wine. Umo wine Umwana wakwa Lesa uwabulile sabi ukufuma kwi sabi, e umo wine Umwana wakwa Lesa ne lelo. “Iyi milimo iyo Ncita na imwe bene. Iikalamba ukucila iyi mukacita.” Ikakushiwa, “Tikalamba ukucila iyi mukacita.” Kabili abantu bakana ukuimona. Hu-h! “Imilimo ikalamba!”

<sup>224</sup> Ulubuuto ulwa bufi. Namwishiba, na cilatontontokanya fye pa cintu cimo. Nalesontelela ifingi palwa England, lelo nacilatontontokanya palwa lubuuto ulwa bufi. Kuno te kale sana, imwe bonse mulebukisha ubupupu ubukalamba sana ubo—ubo England yatalile ukukwatapo, ubu bwacitilwe. Cali ukwiba ama dollar ama million cinelubali. Nshiletontokanya

kwalibako icintu icili conse mwi sonde ku kupashanya na cena. Ubupupu ubukalamba, ica ili line, ubwa ma dollars ba million cinelubali, nangula Batififi ba Scotland te kuti beshibe bwino bwino.

Namwishiba ifyo bacicitile? Ku lubuuto ulwa bufi. Babikile inyali mu nyanji ye shitima, ukwishibisha, mpaka yaishileba inyali iya kashika, no kubeminika. Kabili kulya ubupupu bwalicitike, pa ncende fye iyalinga. Ulubuuto ulwa bufi lwa pele ubupupu ubukalamba nganshi ubo inko tashatala ukwishiba. Lwaibile inko. Ukwiba ukukalamba nganshi, ubupupu ubukalamba nganshi, bwacitilwe no lubuuto ulwa bufi.

<sup>225</sup> Kabili ubupupu ubukalamba nganshi ulukuta lwa kwa Lesa lwatalile ukukwatapo cabo lubuuto ulwa bufi, ukubengeshima, icilonganino cabo. Lwalibebila ukubafumya ku maka ya Mupashi wa Mushilo. Lwalifumya ku lukuta umushilwa wine wa Bumi. Lwalibebila Icebo, ilyo basumine icisumino mu cifulo ica Cebo. Lwalibebila.

Owe, basoso kutila balikwata Icebo. Icebo cilaba no mweo Icine kuli ilya nshita; Cilailenga Icine ukwishibikwa. Basoso kutila balikwete Cebo, nabo, kunuma kulya mu nshiku shakwa Yesu. Lelo casosa, “Bamwene Ulubuuto ulukalamba,” kabili bali Lukene. Bali Lumwene, lelo bali Lukene.

<sup>226</sup> Owe, ulubuuto ulwa bufi, ee, lwapele ulukuta ubupupu ubukalamba nganshi bwatalile ukukwata. Ifisumino ifya talalilwa ifya filonganino, munyina, te kuti fipishe Icebo ica shininkishiwa, uluseke. Baibele itila, Yesu atile, “Icebo cakwa Lesa caba ni—ni Mbuuto iyo katanda atandile.” Mwamona? Kabili ifisumino ifyatalalilwa te kuti fipishe cilye Cebo. Iyo, iyo!

Inshiku isha mwela ishatalala te kuti shipishe ngano. Iyo, nakalya! Cisenda icikabilila ca lubuuto lwa kasuba, pantu cali Icebo icalandwa icakwa Lesa ukucita icintu ica musango ifi.

Kabili cikasenda Icebo icalandwa icakwa Lesa, ilelo, ku kulangisha abashila bakwa Lesa ukutula Yesu Kristu wa mweo. Mu musango umo wine nge fyo Ali mailo, eflyo Ali ne lelo. Ifisumino ne filonganino tafyakatale ukucita. Fyalitalalilwa kabili ifya pusana, kabili uluseke luli no kuboleta mu mushili. Te kuti lumene ukufuma muli cilya.

<sup>227</sup> Ulya e mulandu wine, ilelo, twalikwata ifyo tucita. Nga Munyinefwe umusuma Billy Graham, kapuputula umukalamba. Ndetontonkanya Lesa alebomfya ulyo mwaume. Lelo lolekesheni ifyo acita; alaya kunse kulya pakati ka balya ba Baptist na ba Presbyterian. Ifyo mucita? Musenda ibumba lya bailunda ku lukuta.

228 Mwamona uko ba Southern Baptist baleyumfwa kulya lubali pantu balikwete ica pulamo, ifilonganino, icilonganino cabo cakulile nganshi ukucila ba Protestanti bambi? Ba Katolika bali babulile bonse, mupepi, umwaka wapwile. Mula cimona mwi pepala? Mucine cali citile. Mwisakamana, cili no kubasenda bonse, pantu cisenda ba Baptist na bonse, capamo. Kabili bonse bali umo, kabili tabacishiba.

Akabungwe ka lukuta, Akabungwe aka ma Chalici, kala babika bonse fye icintu cimo cine. Icilonganino cilabika... Cinshi, cinshi muli no kufwaya ukwikala *kuno* lubali atemwa *uku* lubali? Cikulu fye mulekana *Ici*, bupusano nshi cilepanga? Bushe ta mulebomfya intambo shimo shine isha cilonganino, cimo cine fye nga mwe bali pa ncende imo? Cimo, iciswango; kabili cilya cimbi, ululembo. E ico, mwacimone co, e ico kanshi tacipanga ubupusano nangu bumo.

229 Kulya eko ali. Apokele icikakatikilo cakwe ica cishininkisho, kabili palya mulecisenda. Kabili kulya ena alitungulwile monse, ukulungama fye ku White House, kabili ku Washington, D.C., kabili mu Kabungwe ka ma Chalici, kabili kulya mulaya. Bashimapepo bali basendele ukubabwekesha kulya, filya fine fye Baibele yasosele ukutila bakacita. [Munyina Branham akunkunsha imiku mutanda pa cintamba—Ka.]

Mwe, ndekabila ilya nkoloko nga tayendele bwangu sana! [Ulukuta lwatila, "Sendeni nshita yenu."—Ka.]

230 Nomba, tontonkanyeni fye nomba apo tubelele. Lolekesheni ku ma bulayo aya buno bushiku, ukukanwa nakabili. Ifyo ama chalichi yacita muli buno bushiku bwa kulekelesha, ukubengeshima kwa cilonganino!

231 Ukwikala mukubengeshima kwa bufi ulya e mulandu wine uo te kuti Ipile. Ulya e mulandu wine cilya, ici Cebo, ta mumona ifipesha mano.

232 Shimapepo alinjipwishe, te kale sana, kabili atile, "Ba Branham," atile, "musango nshi mwinga batisha?" U—umukashana umo uwafumine muli ulu lukuta; kabili alibwelela numa no kupwa ku mulumendo wa ku Katolika, kabili aile mu lukuta lwa Katolika. Kabili ali no ku mutwala mu chalici.

233 Natile, "Na mubatishe mu lubatisho lwa Bwinakristu."

Atile, "Ba bishop balefwaya ukwishiba."

Natile, "Cisuma, ici cili apa."

Atile, "Bushe ulelapa kuli ici?"

234 Natile, "Nshilapa nakalya." Kabili atile... "Ee," natile, "nga te kuti asende icebo candi pali cena, cisuma, cilya cili fye bwino. Pantu, nshilapa. Baibele itila, 'Mwilapa nangu mulu;

pantu e cipuna ca bufumu icakwa Lesa; nangu calo e cipuna ca makasa Yakwe. Lekeni ee abe “ee,” napamo iyo, “iyo.” ’ ’ ” Natile, “Alingile ukusenda icebo candi pali cena.”

Atile, “Cisuma, iwe—iwe wacisosa ‘ulubatisho ulwa Bwinakristu,’ cinshi ico ulepilibula, ku—ku ‘ukwibisha?’”

<sup>235</sup> Natile, “Ulya e musango fye weka ulubatisho lwa Bwinakristu lucitilwamo.” Natile, “Namubatishe mu mu Mana uwa Ohio; na mwingishe mukati ka menshi, mwi Shina lyakwa Yesu Kristu, no kumufumya. Na mubatishe mwi ‘Shina lyakwa Shikulu Yesu Kristu,’ ulu lwaba fye ulubatisho ulwa Bwinakristu ulwabako.”

Atile, “Ee, mukwai.” Acilembele nga filya. Kabili atile, “Iceni!” Atile, “Namwishiba, ulukuta lwa Katolika lwa lebatisha muli ulyo musango.”

Natile, “Lilali?”

Kabili atile. Alitwalilile, kabili ukulanshanya kwaile pa ntanshi pakashita. Kabili atile, “Cisuma, tuli ba Katolika aba ntendekelo.”

<sup>236</sup> Ukwishiba, palya palikele palya pene fye ama—ama buku, na mwishiba, kabili ilyashi lya kale pali cena, natile “Cilya cishinka, lelo,” Natile, “cinshi ico ta mucicitila ilelo?”

Atile, “Twalikwata amaka ku kulekelela imembu.” Atile, “Yesu, bushe Taebele abasambi Bakwe, ‘Uyo onse mukalekelele membu, ni nshi shalekelelwa kuli bena; kabili nga mwaikasha ishabamo, ninshi shaikashiwa?’”

Natile, “Ee, mukwai. Alicitile.”

Atile, “Kanshi cilya tacilepela ulukuta insambu? Petro ali umukalamba wa lukuta.”

<sup>237</sup> Natile, “Ngo lukuta luli no kulekelela membu umusango Petro acitile.” Natile, “Nomba, ilyo baipwishe, ‘Cinshi ico twinga cita ukuti tupusushiwe?’ Atile, ‘Lapileni, cila umo muli imwe, no kubatishiwa mwi Shina lyakwa Yesu Kristu ku kulekelelwa kwa membu shenu.’” Natile, “ Mulecita cilya, kabili nakulaba na imwe.”

“Owe,” atile, “ulesha ukukonka Baibe.”

Natile, “cilya e Cebo.”

Atile, “Lesali mu lukuta Lwakwe.”

Natile, “Lesali mu Cebo Cakwe. ‘Umuntu onse, ifyebo fya bantu bambi, fya bufi; Ifyakwe e fya Cine.’” Mwamona?

<sup>238</sup> E ico takwali inshila imbi iyo enga mona. Lelo kulya—kulya baleya, ukuya fye mukati ka mfifi. Kabili ba Protestanti, ku makana, ukuwila muli cena. Aba bali pano, ukwisa fye ukubula ifisumino fyabo ne fintu, ukuya fye ukutwalilila mulya. Icebo ukulafuma kunse, ukucishininkisha,

Yesu Kristu ukuilangisha Umwine, “aba cimo cine mailo, ilelo, no muyayaya.” Muli cilye cisumino ica bengeshima, balenda ukuya pantanshi mulya mu mfifi. Nga filya fine bacitile mu nshita shakwa Nowa. Nga filya fine bacitile mu nshita shonse, balacicita ilelo nakabili, ukuya fye mu mfifi! Cinshi? Balakana Ulubuuto pantu icisumino nacibapofwisha.

<sup>239</sup> Owe, ifyo yaba ora iya mfifi iyo twabamo nombamba! Uh-huh! Ee, balakana ulubuuto ulwa Muyayaya ulwa cine ulwakwa Kristu, kabili cilya ecilecicita.

<sup>240</sup> Ifilonganino ifyatalalilwa tafyakatale ukuleta Umweo ku Cebo icakwa Lesa, pantu cileto mweo ku cilonganino cabo. Twalikwata abaitunga ukuba Abenakristu abengi ino ine nshita. . . Lolekesheni kuno, ngo Mwinakristu. . .

Naipwishe uyu shimapepo ici. “Nga ba. . . Ndi no kuba na imwe, filya ifyo lukuta lwa Katolika lwali, pa kutendeka, pa Pentekoste,” te ku Nicaea, Rome. Ulukuta talwatalile ukutendekela ku Nicaea, Rome. Lwatendeki pa Pentekoste. Mwamona? Ku Yerusalemu eko Lukuta lwatendeki. Lelo natile. . .

<sup>241</sup> Pano, nalasumina ukutula aba bantu, bali abasha ne fintu, abakwete Mupashi wa Mushilo, balya bwa shikulu babo bamwene amaka yabo ne fintu, ifyo balecita; ukubusha abafwa, ukulandila mu ndimi, ukutamfya ifiwa, ukulandila libela ifintu. Kabili bakasesema pakati kabo, kabili na fimbipo, baishile ne mpapa sha mpanga na bafwala; ukulya imishila, ukwisa kuli kalya Kabungwe ka Nicaea, kabili nafimbipo, kabili ifyo bali abantu abakalamba! Kabili bena bafumine kulya, no kwisa kulya kuli kalya Kabungwe ka Nicaea, ukwiminina pali cilye Cebo.

Lelo, shilye nshiku ikumi limo na shisano isha mulopa, basumine “Tata, Mwana, na Mupashi wa Mushilo” nge cisumino, mu cifulo ce sambilisho ilya Baibele, “mwi Shina ilyakwa Yesu Kristu.” Ukupitila muli cilya mwaishile amachalichi yonse ayaba Protestanti, ukufyalwa mukati fye ka cena, icintu cimo cine, fyonse fi fintu. Itontonkanyo ilya bufi ilya Mupashi wa Mushilo; babulile, balya umulalilo, ukunwa umwangashi, “Cilya e *lukalistiya lutakatifu*, ico cipilibula, ‘Mupashi wa Mushilo.’” Shimapepo alalupela kuli imwe.

<sup>242</sup> Nombamba, Baibele taibelengwa, “Ilyo Ubushiku bwa Pentekoste bwafikile, uyu alishile shimapepo kulya ku musebo, ne nteneshi iya pilibulwa mu mbali, atile, “Fumyeni ululimi lwenu no kulya *lukalistiya lutakatifu*.” Iyo, Tayasosa, “Imwe bonse mwe bantu butukileni kuno tube pamo mwisenge, imwe ba Baptist, Methodist, na Baptists, nalalemba ishina lyenu. Mukaletе nkalata ukufuma kumo.”

<sup>243</sup> Atile, “Bonse bali mu ncende imo, no mutima umo. Kabili mukupumikisha kwaishile ciunda ukufumaa ku Mulu nge

cipupu ica mwela icikali, kabili caiswile icipinda conse mulya umo baikele. Bonse balisushiwe na Mupashi wa Mushilo, kabili batendeke ukulandila mu ndimi shimbi, nge fyo Mupashi wale bapela ukulanda. Kabili kulya. . .” Panse mu musebo balile, ukutalantanta ngo muntu ukolelwe, Maliya na bonse abashala, ku Maka ya Mupashi wa Mushilo.

Cinshi, abantu batile, bali basekele, kabili batile, “Aba bantu na bekuta umwangashi upya.” Bena bali ni cinshi? Abapofushiwa ne csumino.

<sup>244</sup> Ulyo munono umwipi kashimikila aiminine kulya, uwe shina lyakwa Petro, kabili atile, “Imwe mwe bantu ba muYudea kabili na imwe bonse mwebekala . . .imwe mwe bantu aba mu Yerusalemu, abekala mu Yudea, lekeni ici cishibwe kuli imwe, kabili umfweni ku fyebo fyandi. Aba tabakolelwe. Lelo lekeni mwebe ifyo Amalemba yasosa ukuti cikaba. Ulu e Lubuuto. Ici e Cebo icilelangishiwa.” Amenii.

Icintu cimo cine cilecitika ilelo, kabili balecita nge fyo bacitile lilya, batalwikeko no kupukunya imitwe yabo. Atile, “Lekeni babe; impofu nga ya tungulula impofu, bonse bawila mu cilindi.”

<sup>245</sup> Owe, cisenda Kristu, Umweo wa Muyayaya, ku kuleta Icebo ica Mweo ku cishininkisho, ukulengwa umubili. Owe, mwe, ubusuma! Cisenda Icebo. . .cisenda Umupashi wa Mushilo ku kubomfya Icebo cakwa Lesa.

<sup>246</sup> Ilyo Yesu asosele, “Kabiyeni mwi sonde lyonse, no kushimikila Imbila nsuma ku cibumbwa conse.” Nomba lolekesheni, Marko 16, umulimo Wakwe uwakulekelesha. “Isonde lyonse, isonde lyonse,” tailafika kulya na nomba, mwamona. “. . .isonde lyonse, no kushimikila Imbila nsuma ku cibumbwa conse. Uyo uwacetekela,” mwi sonde lyonse, “kabili abatishiwa akapusushiwa; uyo ushakacetekele akasekwa. Kabili ifi fishibilo fikakonka abo abacetekela.”

“Bakaposhanya mu maboko naka- . . .”? Awe. “Bakaba ba membala abasuma aba lukuta”? Awe.

“Mwi Shina Lyandi bakatamfishamo ifiwa; bakalandila mu ndimi shimbi; bakekata insoka; nangu, bakanwa ifya bwanga, tafyakabacene; nga babika indupi shabo pa balwele, bakaba batuntulu.” Owe, mwe!

<sup>247</sup> Ukufika kwisa? “Ku cibumbwa conse.” Ukupelela pesa? “Isonde lyonse,” mpaka Akese nakabili. “Ifi fishibilo fika konka. . .” “Uyo wacetekela muli Ine, imilimo iyo Ncita nao akacita. Ikalamba ukucila iyi akacita, pantu ndeya kuli Tata.”

<sup>248</sup> Owe, ifyo twingenda ukutaluka ukufuma kuli Cilya cicilile pafyo ninga sosa! Tuli mu mfifi sana nomba ukucila fintu bali. Nomba nkweite ama vesi na yambi pano, elyo ndefwaya ukwisa ku mpela bwangu sana nge fyo ninga ci- . . .Twaba mu mfifi ikalamba kucila ifyo bali.



Ninjishiba nde munasha sana muno, pali nalimo ora imo na citika. [Ulukuta lwatila, “Iyo!” —Ka.] Lelo, mwamona, iyi tepu ileshinguluka mulya. Mwamona? Mwamona?

<sup>249</sup> Bali mu mfifi ikalamba ukucila ifyo tuli. Nacilanda ishiwi, ukutila. Cinshi? Inkuta, muli uku kubengeshima, shilebepa sana, cilemoneka kwati cena Cine. Nomba, bushe Yesu tasosele? Natumone Mateyo 24, mwamona. Mateyo 24, Yesu asosele ukutila, “Mu nshiku sha kulekelesha, impashi ibili ikaba iya palama nganshi mpaka kuti ya bepa na Basalwa bene nga kuti cacitwa.” Kukaba ibumba ilyasalwa ili kafuma ku kupanga Ulukuta, mu nshiku sha kulekelesha. Kabili utu tubungwe, na filye ifyo beta Icine cabo, tukaba utwapalamana nganshi nge Cintu icituntulu, ica kutila kuti cabepa na Basalwa bene, nangu ba Pentecostal bene.

<sup>250</sup> Nomba, na mwishiba tamwakamusende Pentecostal no kumubepa ne lyaba Methodist atemwa ne sambilisho lyaba Baptist. Te kuti mu mwebe cilya. Alicishiba. Kabili te kuti mubepe Baptist umo ne sambilisho lyaba Lutheran, nao. Mwamona?

Kabili nangula imwe muli no ukupokelela Imbila, ukumona Imbila nomba muli ici Cebo, kwi sambilisho limo ilya Pentecostal, ilya bufi “Tata, Mwana, Mupashi wa Mushilo,” kabili fyonse ifi fintu nga filya, kabili ukubwekela kulya muli filye fisumino ifyo bakwata muli bulyo butantiko ubwa kabungwe. Awe, nakalya. Tamwakatale ukubabepa, pantu Abasalwa tabakabepwe.

<sup>251</sup> Cena ni cinshi? Cena ni cinshi? Ukubepa. Ifi fya kubengeshima, finshi ifyo filecita? Baletungulula ulukuta ku kabungwe aka kwipaya, ku kubengeshima kwabo. Kulya kukaba ukwipaya ukwa kulekelesha, ilyo lwena na Rome fikampana capamo. Ilyo bakapanga cilye cimpashanya ca ciswango, kulya e kwipaya ukwa kulekelesha. Kabili uku kubengeshima uko mukwete nomba, lolekesheni ifyo kulecita, ukutungulula abantu. Cena ni mbushi.

<sup>252</sup> Imbushi lyonse ilatungulula impaanga ku kwipaya. Mwalimona cilya mu ma cinka aya kwipailamo. Ilye mbushi ili no kubutukila kulya kwine ku ntanshi no kutungulula impaanga, elyo ili no kutolokako no kuleke mpaanga ukutwalilila ukuyamo. Filya efyo icita. Lyonse ilacita.

Cali ni mbushi isha tungulwile Yesu, Umwana wa Mpaanga, ku kwipaiwa. Imbushi sha Roma! Cilya cishinka.

Cena caba—cena ni mbushi sha filonganino ilelo isho shiletungulula impaanga sha kaele ku kwipaiwa. Shaliibika ishine, amashina yabo muli yalya ma buku kulya, kabili e mpela yabo. Cilya e lulembo lwa ciswango. Mwi Shina lyakwa Shikulu, ndelanda. Nacisunga ici inshita itali. Cilya cishinka. Cilya ni filya fine. Iciswango ni cinshi? Iciswango ni cinshi?

Cena bufumu bwa ci Roma, akabungwe ka ntanshi. Ngo lulembo lwa cena? Icintu cimo cine, filya fine fye, icintu cimo cine nga filya fine cilya cali. Ukwipaya, ku kubengeshima!

<sup>253</sup> Lelo mu kati ka mfifi ya ino nshita, ifwe nalyo line natumona Ulubuuto ulwakwa Lesa ukubalika. Ifyo tuletasha nganshi pali cilya!

<sup>254</sup> Kutikisheni. Natumona Ulubuuto, Icebo Cakwe ico alaile kuli buno bushiku, ukushininkishiwa no kulangishiwa. Cena Cine, Ulubuuto lwa ino nshita. Owe, mwe! Ndi uwa nsansa sana. Takuli nangu cimo icilubene. Takuli nangu cimo.

<sup>255</sup> Pano te kale sana kapyunga alesosa ukutila ali kulya mu Florida, kabili ali nankwe mu—muli motoka, ndecetekela cali Chevrolet, kabili icintu caile kuli ena. Alifililwe ukuiwamya. Kabili aile umu mwakulungishisha, kabili kalungisha umukote umunono aile kwisamba lya yena kabili pali yena, no kulolekesha monse; alifililwe ukuilungisha. Kabili ena—ena kuti aesha *ici*, kabili yalifililwe ukubomba. Kabili kuti aesha icintu cimbi; califililwe ukubomba. Kutu abikako mashini wa malaiti, abikako *ici*, kabili abikamo ama plagues, abikamo ama points; alifililwe ukulenge cintu kubomba. Alifililwe fye ukuilenga ukubomba.

Mukulekelesha, umwaume uwafwele bwino sana aishile ingila. Atile, “Bushe nkupandeko amano yamo?”

<sup>256</sup> Kalungisha umunono alikwete amano ayalinga ukusosa, “Ee, mukwai.”

Atile, “Bule *ci*, no kutaimusha ne *ci* ne *ci*, kabili,” atile, “Bika ifyo pamo umuk umo kabili uyeshe.” Kabili abulile *ici* ukutaimusha *cilya*, no kufibika capamo, kabili palya yalile.

<sup>257</sup> Kalungisha umunono alipilibwike, kabili asosele, “Atile, niwe ani?” Ali ni engineer, General Motors chief engineer. E wapangile ilya. Ena e ulya uwailengele.

<sup>258</sup> Kabili, ilelo, ilyo tulelanda pali ba Methodist, Baptist, na Presbyterian. Kalungisha Umukalamba ali pano; Kalenga uwa Cebo Cakwe, Umuntu Uyo uwalengele imyulu ne sonde, no kulenga Ulukuta Lwakwe! Bushe Alishiba ifingi ificitika ku Kwilulwa, atemwa bushe ba Methodist atemwa ulukuta lwa Baptist balishiba ifingi pafyo cisenda? Wene ni Kalenga. Alishiba ifingi pa ficitika? Alifwala bwino mu Maka ya kubuka Kwakwe. Aleluya! Alenda pakati kesu, ilelo, mu Maka aya kubuka Kwakwe.

Alishiba ifyo cisenda ukubika Ulukuta mubutantiko ubwa Kwilulwa. Ali lulengele Lwena, no kubika ifipandwa capamo muno muli Baibele. Ameni! Lekeneni fye Umulilo upite muli Kwena, nomba moneni Cena ukubomba. Lekeneni icitetekelo, mu Cebo Cakwe ica bulayo ice lelo, cipite mukati, muli no kumona ifyo Cibomba. Cinshi? Alilengele cintu. Alengele

lukuta Lwakwe ne Cebo. Cilya eco abika pamo. Te ba Methodist, nangu Baptist, nangu Presbyterian, nangu akabungwe ka Pentecostal; lelo ne Cebo Cakwe. “Umuntu te kucilyo ceka akabela no mweo, lelo ku Cebo conse icifuma kukanwa ka kwa Lesa.” Ee, mukwai.

<sup>259</sup> Fumeni muli iyo imyengelele, mukati ka mfifi, iyi nshita iya fita iyo tuleikalamo nombamba. [Nkwete fye nalimo ama miniti yasano ayasheleko.] Mukati ka mfifi, nani uli no kufumya Nabwanga umunono? Nani uwaishiba palwa Cena? Kalenga Umukalamba. Owe, ee. Ukufuma kuli conse ici icimfulunganya ica kubengeshima!

Kuno, ba Methodist ukubengeshima inshila imo, ba Baptist imbi, kabili ba Presbyterian imbi, kabili ba Pentecostal imbi, konse uku kubengeshima mumbali. Balabutuka, no kuyabika ishina lyabo *kuno* lubali, muli uku kubengeshima uku; ukwisa sanga, icintu cimo kulya. Kabili ukwisa *kuno* lubali; kabili icintu cimo kulya. Iseni *kuno* lubali. . .

<sup>260</sup> Nge fyo nasosele kuli ulya shimapepo, “Nga imwe bonse muli lukuta ulwa ntendekelo, kabili mwakonkele isambilisho ilya aba baume abaikele capamo ku Nicaea, mulandu nshi ta mukwatile amaka ayo bakwete kunuma kulya mukutendeka kanshi? Mwamona? Cinshi ico ta mucitila ifintu filya bacitile, ifyo Yesu asosele?”

Atile, “Owe, tuli abantu abengi nombamba. Ifwe, twikala mu nshita imbi.”

<sup>261</sup> Natile, “Lelo Icebo tacipilibuka. Atile, ‘Ifi fishibilo fikabakonka ku nshita shonse. Imyulu ne sonde fikapita, lelo Icebo Candi tacakatale.’ Cilya eco.”

Atile, “Cisuma, ulelanda pali Baibele.”

<sup>262</sup> Natile, “Ee, Icebo, ico caba ni Kristu.” Cilya cishinka. Kabili e ico na mucimona ico. Mwamona?

<sup>263</sup> Kabili muli uku kubengeshima, ba Methodist ukulangisha ukwabo, ba Baptist ukulangisha ukwabo, ba Presbyterian ukwabo, cila umu ukulakulilako no ku kulilako, inshita fye yonse.

Nabwanga umunono umubusu, ni kwisa uko Abelele? Ali butukile uku lubali kuli ba Pentecostal Oneness, pakashita; Abikile Shina lyakwe palya, kabili Asosele, cisuma. . .Twise mukusanga, lolekesheni ifyo bacita. Kabili baishile kuno lubali, kabili, “Mulingile ukuba kuli ifwe. Nga ta muli ku lukuta lwesu, tamwabamo nangu ni muli Nabwanga. Ta muli cintu nangu cimo.” Kabiyeni uku lubali kuli ba Assemblies, kabili lolekesheni ifyo bakwata; mwacimone co nakabili. Kabiyeni kuli ba Baptist, lolekesheni ifyo bakwata. Lolekesheni kuli ba Presb-. . .

264 Ni cinshi icili no kucitika ku Kantu akanono akabusu? Mwamona? Lelo Wene aleisa. Mwisakamana. Wene ali no kubapo.

265 Umuntu alesosa, kuno nalimo imyaka inono iyapitapo. Ali kulya mu New Mexico. Nalikwete ukulongana kulya mu pepi na ku Carlsbad Caverns. Mwalyumfwa pali bena kulya lubali, cikalamba. . . . Kabili basendele umwaume no mukashi wakwe, ne bumba lyabana, no kuya muli ici cikwepe, baile fye ukuya panshi pesamba pene lya cilindi. Kabili ilyo bafikile palya, balishimishe inyali. Kabili ilyo bashimishe inyali shonse, kwalifitile nga pakati ka bushiku.

Nalibalengele ukucita cilya uku lubali muli aya mabala kulya, kabili pa nshita imo kulya mu Colorado mulya, umukashi wandi na ine, kunuma kulya, e kwali mulya. Kabili balyashishe shilye nyali. Mwe, nga wabiko kuboko kobe nge *fi*, tapali nangu cimo ico wingamona.

Kabili kwaliko aka mukashana akanono akaiminine kulya, kabili katendeke ukupunda, “Owe-h-h!” Ukupunda. Ena, aliketwe no mwenso wamfwa, kwalifitile sana. Akantu akanono akabusu kale pampansa konse, no kwesha ukupunda no kubilikishisha ba wishi, ba nyina, konse. Alifililwe fye ukushipikisha cilya, kwalifitile sana. Tatalamonapo imfifi ya musango filya.

266 Kabili ulya e musango cibebelemono nomba. Cilya cishinka. Nakufita sana ta wishibe ukwa kuya. Uye kuli ba Methodist, uye kuli ba Baptist, uye kuli ba Presbyterian, conse cintu cimo cine, mwamona, ukulya ilye yafwa iya kale, mana iya bola no tumititi muli yena. Mwamona, icintu cimo cine, icisumino cimo, “Iseni no kuilunda kuli *ici*, kabili bambi *cilya*,” Icisumino ica kale ne fintu fyonse. Ta mumona Kristu muli fyena. Mwamona? Owe, mumona fye abantu abaikwatila ubulungami, . . . ? . . . Abantu abengi basuma mulya nomba, muli filye filonganino. Ndetila imibombele, te bantu mulya. Lelo, mulemona, filya eflyo balelyapo. Bebeni palwa cena!

Kabili *Ici* Icakulya icipya!

267 Kabili uyu mukashana umunono ukwiminina kulya alepunda, ishiwi lyakwe pa mulu, ali fye mupepi no kufulungana; kwati fye ifyo Nabwina umunono ali. Lelo na mwishiba ica citike? Ndume yakwe umunono abilikishe, atile, “Nkashi umunono, witina.” Pantu, aiminine mupepi fye na engineer. Atile, “Pali umuntu pano uwingasha inyali.”

Witina, Nkashi umunono, pali Umuntu pano Uwingasha Inyali. Kuti alenga ici Cebo ukuba ica mweo. Tatwaishiba ifyo Akesa. Tatwaishiba umusango, ilyo Akesa. Nshaishibapo nangu cimo palwa cilya. Lelo Wene ali pano, kabili kuti aasha Inyali. Musango nshi tuli no kufumina muli cena? Nshaishiba. Lelo Ali pano, kabili Wene e Ulya uwingasha Inyali. Ee,

mukwai. Wene Eo. Wene e Lubuuto. Alailenga Umwine ukwishibikwa, ulya e musango Ashishamo Inyali. Cishinka nganshi.

Cisenda Kristu, ku kubyashisha pa Manyali Yakwe, lyena imfifi yonse ilabutuka. Alapatula. Alefumya Nabwina Wakwe umunono kunse. “Nkasenda umuntu ukufuma ku Benafyalo, pa mulandu we Shina Lyandi, abo abali no kukwata Ishina Lyandi.” Ishina Lyakwe ni cinshi? Cisuma. Te Methodist, Baptist, Presbyterian, Lutheran. Ni Yesu Kristu. Cilya cishinka.

<sup>268</sup> Wene e Lubuuto, Iceine; Ulubuuto, kabili tamwaba imfifi muli Wene. Kabili Alasalanganya imfifi iIyo Aisamo, pantu Wene e Cebo. Icebo e Lubuuto. Cilya cishinka. Pantu, Alandile no kutila, “Napabe ulubuuto,” cilya cali Cebo icaishile ba ulubuuto. Ilyo Alanda *ici*, cena Lubuuto ulwa ilya nshita, cila nshita.

Nomba Wene ali pano, mu—mu te mukubengeshima; lelo abantu baleikala mukubengeshima. Lelo Wene Cebo icashininkishiwa. Wene mucine cine e—e Lubuuto mu nshita ya mfifi. Ee, mukwai. Konse uku kubengeshima ukwa bufi ne fintu fikapwa. Ee, mukwai. Wene ali pano. Mwitina. Asheni Ulubuuto, Icebo Cakwe icalaiwa. Ca mweo. Cilalenga.

“Uyo wacetekela muli Ine, imilimo iyo Ncita, nao akacita.” Kanshi, cena Cebo. “Nge fyo Tata Antuma, na ine nde mutuma.” Wishi uwa Mutumine, aishile muli Wene. Yesu uule mutuma, esa muli imwe. Kabili imilimo iyo Acitile lilya, Alecita icintu cimo cine, pantu (cinshi?) Icebo na cilengwa ubuntunse, mu mubili wa muntu, cileilangisha Iceine ngo Lubuuto ulwa buno bushiku. Twacimone co. Cilya cili palya. Cena cilelangisha fye inshila iya ku Lubuuto, mu Lubuuto. Umuntu uwa mano, ushapofushiwa ne fisumino ne cilonganino, ali no kwenda muli lulyo Lubuuto. Owe, mwe!

<sup>269</sup> Pali Umuntu pano uwingasha Inyali, cisuma. Cinshi ico Alecita? Pa kushininkisha Icebo Cakwe ica buno bushiku. Yesu, Umwana wakwa Lesa, Uyo uwalaile Icebo ica buno bushiku, ali pano pene pamo na ifwe.

Mwiumfwa umwenso. Mwiposako amano ayali yonse kufyo balecita; nga mwacita, muli no kwenda mu mfifi.

Beni aba mano. “Abo abakaba aba mano,” Daniele atile, “muli shilye nshiku sha kulekelesha, bakacita ifyapulamo kuli Lesa wabo.” Mwamona? Mwamona? Bakenda mu Lubuuto nge fyo Wene aba mu Lubuuto.

<sup>270</sup> Mwisakamana. Kuti limbi kwafita, cilemoneka kwati bali no kutupatikisha, cila umo. Yonse iyi, mulemona amafunde yabo yaleya, “Tonse utu tuma chalici utunono ne fintu filingile ukwisamo nomba. Mulingile ukwisamo,” nga te ifyo bali no kwisa mwisalila. Bali no kucicita.

271 Nomba tulefwaya ukukomaila pali cilya na maka sana, mu bushiku, ilyo naisa kuli iyi nshita, mwamona.

272 Nomba, bena, “Twalaisala.” Mulingile ukuba umo uwa bena, atemwa iyo. Imwe muli—imwe muli no kuba muli cilya, nga te ifyo tapali ico mwinga cita, te kuti mushite nangu ukushitisha. Cilya eco. Tamulingile ukupepela abalwele. Nga mwaikatwa mulepyungila ku mulwele uuli onse atemwa umuntu uuli onse ne cintu icili conse ica ku mupashi mulya, muli abalinga kwi funde lya buteko, ku kwipaiwa. Cilya cishinka nganshi. Mwamona? Mwalishiba cilya. Cilya cishinka. Caba mu mapepala yabo. Ee, mukwai. E ico, te kuti mucicite, mulingile ukuba kuli kalya kabungwe ka bufi.

Munyina, leka nkwebe cintu cimo. Ulingile ukukwata Kristu mucine mu mutima obe ino ine nshita, pantu kukabe nshita ileisa ilyo mucine cine ukakabila Cilya. Ninshi uuli kunse lilya. Ibukisha, ilyo cilye cikakatikilo cabikwapo, cilaba palya lyonse. Mwamona? E ico, mwiesha ukucicita. Mwiesha ukucetekela ifintu ifya musango filya. Mulingile fye ukwingila muli Kristu ino ine fye nshita, Icebo. Ee, mukwai.

273 Alashininkisha Icebo, no kulangisha ukutila Cena e Lubuuto ulwa nshita. Ulya e musango twishibilamo ukuti Wene e Lubuuto, pantu Wene e Lubuuto ukuilangisha Ulwine mu mubili.

Musango nshi twishibilamo? Ali Icebo cakwa Lesa ukulengwo mubili. Mwamona, Icebo cakwa Lesa caleilangisha Icine, ukuishininkisha Umwine, ilyo Mesaya akesa, ifyo Akesa cita.

274 Umwanakashi atile, pa cishima, “Ilyo Mesaya akesa, Akacita ifi fintu. Ulingile ukuba Kasesema, ico caba Icebo, ukutwebela libela ifi fintu.”

275 Atile, “Nine Wine.” Mwamona? Cilya cali icalinga. Ulubuuto lwabalikile pa Cebo icabulayo. Lulya palya Ulubuuto.

276 Mukati fye ka musumba alile, atile, “Iseni, mumone Umuntu Uwanjeba ifintu ifyo na cita. Bushe uyu te Mesaya wine?” Cilya cali eco. Mwamona? Te mulandu ifyo bambi basosele, alishibe ulya ali ni Mesaya.

277 Ibukisheni, muli cila nshita, mu nshita ya mfifi, Lesa lyonse alikwete Icebo Cakwe ukupatula Lubuuto ukufuma ku mfifi.

Ali Lukwete mu nshiku sha kwa Luther, ilyo lukuta lwa Katolika lwakwete ifintu fyonse; Atumine Luther ngo Lubuuto ulwaleaka, kabili Luther apatwile Icine ukufuma kumfifi.

Kabili ilyo ba Lutheran baishileba capamo, Apangile John Wesley, kabili aishile patula imfifi ukufuma ku Lubuuto.

Kabili mu nshiku sha Pentekoste, ilyo ba Wesleyan bakwete fyonse... kabili ba Methodist baishile fulunganishiwa, na ba Baptist, na ba Presbyterian, Atumine imbila ya Pentekoste ukupatula Ulubuuto ukufuma ku mfifi.

Ba Pentekoste baile ukubwekela fye mukati ka mfifi nakabili, nga filya, mu kabungwe kabo, basendele ifisumino fyabo ne fintu.

Nomba inshita na isa iya *ici* Cebo ku kushininkishiwa. Alatumu Ulubuuto, Icebo ukulengwo kumoneka, nge fyo Acitile mu kutendeka; Alatumu Icebo, kabili Cilaishininkisha Icine. Lulya palya Lubuuto, kabili Wene lyonse alapatula. Cimo cine na nomba, nga Malubuuto ayanono aya Muyayaya mu kutendeka.

<sup>278</sup> Mwe bana mwebalelelekesha, nge fyo naxisosa, ni ncila ama miniti ya sano pa nshita nomba. Lelo kansonse *ici* cintu cimo.

Epo ali Umuntu pano! Mwiumfwa umwenso, te mulandu ifyo basosa. Na licimona ukwisa pa cifulo apo nshaishibe apa kuselela pambi, lelo Wene lyonse alabapo. Ukukana filwa ukwa Kubapo, Wene lyonse alaba palya. Wene kuti aasha Inyali. Ee, mukwai. Wene alelelela fye, ukumona ifyo mwalacita. Kuti atinika akakwashishako inshita ili yonse alefwaya ukucita. Ee, mukwai.

<sup>279</sup> Pali Umuntu pano uwingaasha Inyali. “Abo abaikele mu ncende sha cinshingwa camfwa,” bamo muli bena mu mpwalonda, bamo muli bena mu mfwa ya cilonganino, bamo muli bena mu mfwa ya fisuminino, bamo muli bena mu mfwa yafya ntambi, kabili ne mfwa shonse isha pusana pusana, “kabili bali mona Ulubuuto ulukalamba.” Umuntu uwaashishe Ulubuuto lilya, e Umo Wine uwasosele, mu kutendeka, “Napabe ulubuuto.” Ulya Lesa umo wine, “mailo, ilelo, no muyayaya,” Wene epo ali ilelo, pano pene nomba. Mwiumfwa umwenso. Ena kuti aasha Ulubuuto.

Ilyo kucushiwa kwaisa, mwiumfwa umwenso. Kuli Ulubuuto, atile Akasenda abantu Bakwe ukubafumyapo. Ena takapite mu bucushi. Takatale ukucicita. Atile te kuti Acite. Ena akelulwa. “Musango nshi bali no kucicitilamo, Munyina Branham? Kulemoneka ukwa fita sana!” Te mulandu ifyo kwingaba ukwa fita, te kuti mumone ukuboko kwenu kuntanshi, ibukisheni fye, pali Umuntu pano uwingaasha Ulubuuto. Aka Sumbula lulyo Lukuta.

Mwatila, “Cisuma, ndi fye bwino...”

<sup>280</sup> Ee, Shadrack, Misheck, na Abedinego, bali fye mupepi na kwilungu lya mulilo, lelo kwaliko Muntu kulya Uwingesula umwela. Ee, mukwai. Cilye cipupu icikali ica Mwela icaikile



pa Bushiku ubwa Pentekoste, Ali Ciswile nakabili no kupupa ulubingu lonse ukufuma kuli bena, umulilo onse. Kwaliko Umuntu kulya; Wene etwa “Umuntu uwalenga cine.”

<sup>281</sup> Kuliko Umo pano ilelo. Wene e ulipo Eka! Aleluya! Nakwata aka kwashishako Inyali mu kuboko Kwakwe. “Abo abaikele mu ncende ya cinshingwa ca mfwa, Ulubuuto ulukalamba lwalibabalikile.” Mwi Lukana. Lupokeleleni, mwi Shina lyakwa Shikulu. Ilyo tulekontamika imitwe yesu pakashita fye.

Twenda mu Lubuuto, lubuuto ulwawama,  
Lwisa apo amapalo ya luse yawa;  
Ukubalika pali ifwe akasuba no bushiku,  
Yesu, Ulubuuto ulwe sonde.

Twenda mu Lubuuto, Lubuuto ulwawama  
nganshi,  
Lwisa apo amapalo ya luse yawa;  
Ukubalikila pali ifwe akasuba no bushiku,  
Yesu, Ulubuuto ulwe sonde.

Iseni, mwe bashila ba Lubuuto, bileni,  
Yesu, Ulubuuto ulwe sonde;  
Elyo inyenjele sha Myulu shalalila,  
Yesu, Ulubuuto. . .

Ni cinshi? Icebo icashininkishiwa e Yesu ilelo. Wene e Cebo.

Twalaenda mu Lubuuto, Lubuuto lwawama  
nganshi,  
Lwisa apo amapalo ya luse yawa;  
Owe, ukubalikila pali ifwe akasuba, no  
bushiku,  
Yesu, Ulubuuto ulwa. . .

<sup>282</sup> Ne mitwe yenu iya kontamikwa. Ndesunguka ni banga muno abenga temwa ukwenda muli ulu Lubuuto, mu butungulushi bwa Mupashi wa Mushilo, Icebo icashininkishiwa ice lelo? Mwamona Icebo ico Lesa alaya ilelo, uku Cimona ukulangishiwa!

Bushe filya te fintu Ali mukutendeka? Wene ali Cebo. Umwana alifyelwe; Wene ali Cebo. Wene ali ni Mesaya; Wene ali Icebo cashininkishiwa. E ico kanshi Icebo, Lesa alandile inte-. . . impela ukufuma ku kutendeka.

<sup>283</sup> Nomba cilya palya Icebo ica buno bushiku, kabili Wene ali pano ukushininkisha cilye Cebo.

Mukati ka cimfulunganya, imfifi no kubengeshima, cilemoneka conse ukuba nga Cena, lelo Cena teco. Tacishininkisha ukuba Cena; icisumino.

<sup>284</sup> Yesu atile, “Nga natamfya ifiwa ku munwe wakwa Lesa, inga imwe mufitamfisha ku cinshi?” Bena tabafitamfische. Mwamona? “Lelo, iyo, nga Ntamfya ifiwa ku munwe wakwa Lesa, kanshi Ubufumu bwakwa Lesa na bwisa pali imwe.”

Owe, natutontokanye pali cena, ilyo tuleimya amaboko yesu. Panono panono nomba, no kutontokanya, mu mutalalilwa sana.

Twenda mu Lubuuto, ulu Lubuuto ulwawama  
nganshi,  
Kabili lwisa apo amapalo ya . . .

Mu yebelele. Cetekeleni Lesa nomba.

Ukubalika pali ifwe akasuba no bushiku,  
Yesu, Ulubuuto ulwe sonde.

Twalaenda mu Lubuuto, Lubuuto ulwawama  
nganshi,  
Lwisa apo amapalo ya luse yawa;  
Ukubalikila pali ifwe akasuba no bushiku,  
Yesu, Ulubuuto ulwe sonde.

<sup>285</sup> Ilyo baletwalilila ukululisha, ndefwaya ukwipusha. Cila nshita yaba cimo cine. Mu nshiku shakwa Nowa, balya abakene Ulubuuto, cinshi ico bacitile? Baile mu bupingushi bwakwa Lesa. Cinshi ica citike kuli Pharao mu nshiku sha Lubuuto ulwa cimpusa ica leaka, ulwali muli Mose? Aile muli bamba wamfwa. Cinshi icacitike kuli Dathan uwatendeke elyo kabili akene Ulubuuto? Aile mu mulale wa mushili; wali mwibishe. Cinshi icacitike mu nshita shonse, kuli abo abafililwe ukwenda mu Lubuuto, Ulubuuto ulwa bulyo bushiku?

Ni Yesu inshita fye yonse. Cali ni Yesu mu nshiku sha balya abantu. Ni Yesu ilelo, pantu Wene e Cebo, kabili Icebo cilapanga Ulubuuto. Cena Lubuuto ulwa buno bushiku.

Tontokanyeni nomba pali cena, mu mutalalilwa, ilyo tukwete ubufumacumi, ndeipusha, bushe muleenda mu Lubuuto? Ilyo tule lungwi'ngwita nakabili. [Munyina Branham no lukuta batendeka ukungwi'ngwinta, *Yesu, Ulubuuto Ulwe Sonde*—Ka.]

. . . Ulubuuto ulwawama,  
Lwisa apo amapalo ya luse yawa;  
Ukubalikila pali ifwe akasuba no bushiku,  
Mwe Yesu, Ulubuuto ulwe sonde.

Natwiminine nomba, pa nkasa shesu.

<sup>286</sup> Ndepepa kuli Shifwe uwa mu Mulu ukuleka iyi Mbila ingile sana mukati ka mitima ya bantu aba balipo, kabili na bo abaka Yumfwa pali tepu. Kabili lekeni Ulubuuto lwise pa Cebo, Imbutu, no kuleta Imbutu yonse iyalingilwa kabela iyo ya byalwa kunse uku muli uku kubengeshima ukwa pusana

pusana no tubungwe. Lekeni bamone nga Nikodemu, nangula nga bali “no kwisa ubushiku,” ukwisa ku Lubuuto. Cipeleni, Tata.

<sup>287</sup> Lekeni kwise ili funde ilikalamba, ilya ici Cilibwe ica putulwa ukufuma ku lupili, ukwabule minwe. Cikafwanta aya ma bufumu ya Benafyalo ku lukungu, yonse aya ma bufumu, ama bufumu aya bu mupashi na ma bufumu ya cifyalilwa. Kabili Icilibwe cikafimba isonde lyonse; cikaba umulimo uwa kusangulula. Balya abo cilye Cilibwe cikafwanta bakashonaulwa mu lukungu; balya abakawila pali cilye Cilibwe bakakwata umufula uwa kosa.

<sup>288</sup> Mwe Kristu, ndekeni, ngo mubomfi Wenu, nkafwile pali ici Cilibwe, ici Cilibwe ica Cebo Cenu. Shikulu Lesa, lekeni njiminine, nga Dabidi, nga balya inkangalume aba kale abaiminine kuli Dabidi, lekeni njiminine ici Cebo ilelo ilyo nde Cimona ukucikana ku filonganino. Nacikala pano umwakubutukila umunono kumo. Mwe Lesa, ine...Peleni ukutula twalakwata amaka no kushipa, kabili no Mupashi wa Mushilo, ku kwiminina, pantu inshita shileya shilefitilako no kufita.

Lelo lekeni lyonse twibukishe ukutula Imwe epo muli ku kwasha Inyali. Pa nshita ili yonse ilyo Mulefwaya ukucita, kuti Mwaasha Ulubuuto, Tata. E ico tulepepa. . .

<sup>289</sup> Nge fyo Mwasosele, “Muli Ulubuuto ulwe sonde.” Peleni, Shikulu, ukutula Inyali shesu, ishaba sha mulimo Wenu, shili no kubalikisha sana kuli bambi, ukutula bali no kumona Ulubuuto ulwa Mbila nsuma ilyo tulelwikala, Shikulu, cila bushiku, ukulangisha kuli bena ubumi bwakwa Yesu Kristu nge fyo Ali pe sonde; uwaicefya sana no busumamo, lelo nomba ne Cebo ukwikala ukupitila muli Wene. Cipeleni, Shikulu.

Pantu, tulelolekesha kuli Imwe, Ulya umukalamba na kakwashishako mu kuboko. Mwalikatilila isonde mu kuboko Kwenu. Mwalikatilila ifintu fyonse mu kuboko Kwenu, kabili mwasunga icalo ku Cebo Cenu.

Mwe Tata, lekeni tupokelele Cebo; Mwalacita, napapata, Shikulu? Lekeni cilya cibe ubunte kabili no kukabila kwa mutima onse uuli muno.

<sup>290</sup> Tata, ilyo tuleimba ishi nyimbo. . .Nge fyo Dabidi aimbile inyimbo, shaishile ba ubusesemo. Shali busesemo, kabili Imwe mwalishishibe, ubusesemo. Ilyo tulelwimba, Shikulu, lekeni cibe mu mitima yesu, na ifwe, ilyo tuleimba, “Twalaenda muli ulu Lubuuto.” Lekeni cibe, Shikulu.

Ulu Lubuuto ulwawama. Lwena Cebo. Ni Kristu ukwikala mukati kesu. Te fintu Wene ali; ifyo Aba, kabili, twalishiba ifyo Wene ali cali fye ukulangisha ifyo Aba. Kabili tulepepa, Tata, ukutula bantu balailuka no kwenda muli ulu Lubuuto ulwa wama. Twalombela mwi Shina lyakwa Yesu.

<sup>291</sup> Kabili ilyo tucili na twiminina pa kashita fye, ndefwaya ifwe bonse ukwimba.

<sup>292</sup> Nomba muno muli ba Presbyterian, Methodist, Katolika. Ili li bumba ilyasankanishiwa, nga twaisa ku filonganino.

<sup>293</sup> Nomba ibukisheni, lekeni cishibwe, ukutila nshilelanda nangu cimo ukususha abantu muli uku kubengeshima. Lelo ni cishininkisha, muli Baibele, ukutila fyena ku bengeshima. Nga tacali, Kristu nga lecita nge fyo Alaile ukucita, pamo nabo. Mwamona? Lelo balakana Cilya. Mwamona? Kabili ilyo mwafika kulya, cinshi ico musanga? Imwe “ilundeni ku lukuta, sungileni icisumino.” Kabili cinshi icifumamo? Ukwisa ku mpela ya musebo, muli no kusango kutila cali ica bufi, umwengelele.

Kristu e Cebo. Wene e Lubuuto. Beni no mweo nomba, ilyo mucili aba mweo. Mwabela no mweo pa cintu cimo.

<sup>294</sup> Cinshi ico mwikalila no mweo? Pa kutila mwinga fwa. Cila umo muli ifwe, cinshi ico mulebombela? Ku kulya. Cinshi ico mulelila? Kukuba no mweo. Cinshi ico mwikalila no mweo? Ku kufwa.

E ico cinshi ico teti mubele no mweo ku kuba no mweo? Cinshi ico teti mubele no mweo ukuba no mweo? Kanshi, inshila fye imo iyo mwinga bela no mweo ku kupokelela Icebo. Pantu, “Umuntu te kucilyo ceka ekalila no mweo,” ifyo tucita kunse kuno ne libe lya pa mpumi shesu, “lelo ku Cebo conse ico cifuma mu kanwa ka kwa Lesa.” Nomba Icebo ica mukanwa ka kwa Lesa cileshininkishiwa pano pene ku ntanshi shesu, na Mupashi wa Mushilo. Ikalileni Cena, ta mwacite?

<sup>295</sup> Nomba ndefwaya, ilyo tuleimba ulu nakabili, lekeni cila umo muli ifwe twiminine mu fifulo fyesu, no kutambika no kwikata amaboko ya muntu umo, no kusosa, “Munyina, na twende muli ulu Lubuuto,” ilyo tuleimba *Endeni Mu Lubuuto*. Tamwacite? Ipepeleni umo no mubiye ilyo mulebika amaboko yenu pamo, ilyo tulelwimba pamo; na menso yesu ayaisalwa, nge fyo twinga cita.

Twenda mu Lubuuto, Ulubuuto ulwawama nganshi,

Lwisa apo amapalo ya luse yawa;

Ukubalika pali ifwe akasuba no bushiku,  
(Ena Nani?)

Yesu, Ulubuuto ulwe sonde.

Nomba natwimye amaboko yesu.

Twenda mu Lubuuto, lwena Lubuuto ulwawama,

Iseni apo amapalo ya luse yawa;

Ukubalika pali ifwe akasuba no bushiku,

Mwe Yesu, Ulubuuto ulwe sonde.

Iseni, mwe ba shila bonse aba Lubuuto, bileni,  
 (cena ni cinshi?)  
 Yesu, Ulubuuto ulwe sonde;  
 Lyena inyenjele sha Mulu shili no kulila,  
 Yesu, Ulubuuto ulwe sonde.

Bonse, katulwimbe nomba.

Twenda mu Lubuuto, kabili lwena Lubuuto  
 ulwa wama,  
 Iseni apo amapalo ya luse yawa;  
 Ukubalikila pali ifwe akasuba no bushiku,  
 Yesu, Ulubuuto ulwe sonde.

<sup>296</sup> Ne mitwe yesu iyakontamikwa nomba. Ibukisheni ilyo Israele bali mu bulendo bwabo, ukulalya mana umupya cila bushiku, baendele mu Lubuuto lwa Ntumba ya Mulilo. Ilya Ntumba ya Mulilo yali ni Yesu Kristu. Baibele itila Wene ali eo. Kabili ilelo Wene ali na ifwe; natulu Kwata. Natwishiba Wene ali na ifwe, Intumba ya Mulilo imo ine, ukucita ifintu fimo fine ifyo Acitile ilyo ali pano pe sonde, ku kufikilisha Icebo Cakwe.

<sup>297</sup> Ilyo tuleya ukufuma muno, na twibukishe, tusunge lulyo lwimbo mu mitima yesu ilyo tuleya ku mayanda yesu, ilyo imipeto ile ngwi'ngwita ulwimbo. Ilyo ta mulalya icakulya cenu ica kasuba, kontamikeneni imitwe yenu no kutotela Lesa pa kutuma Ulubuuto ku kuleta ica kulya pe sonde, ku mubili wenu uwacifyalilwa. Kanshi toteleni Lesa pa kutuma Ulubuuto ulwa bu mupashi, Icebo Cakwe, pa kutila engapela Icakulya ku mweo. "Pantu umuntu teku cilyo ceka akekalila no mweo, lelo ku Cebo conse icifuma ku kanwa ka kwa Lesa."

<sup>298</sup> Twalilileni ukulaimba ulu lwimbo mwebene, mu ma yanda yenu, pakati ka bantu benu, kabili mwise mutukumanye kuno nalimo pa six sate, mu nshita ya bushiku, ku makadi ya kupepelwapo na fimbipo. Twalaisa mumona lilya. Mpaka lilya, kontamikeneni imitwe yenu.

<sup>299</sup> Nalaipusha Munyina Neville nga kuti aisa kuno nomba, pastor, no kutusalanganya mwi shiwi lye pepo. 

*PALI UMUNTU PANO UWINGASHA ULUBUUTO* BEM63-1229M

(There Is A Man Here That Can Turn On The Light)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, Disemba 29, 1963, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)